

Neapolitanæ Scientiarum  
Academiæ

D E

VESUVII CONFLAGRATIONE

Quæ mense Majo anno

MDCCXXXVII

accidit

COMMENTARIUS.



NEAPOLI, MDCCXXXVIII.

Typis Novelli de Bonis

Superiorum facultate.





# C A R O L O

R E G I A V G V S T O

A T Q V E O P T I M O



I quidem reputare nos licet , peculiari divini Numinis consilio memorandum hoc Vesuvii extremum Incendium primis ipsis lætissimi Regni Tui annis , Rex optime , accidisse , ut exciti hac occasione in Regio Animo Tuo pietatis , providentiæ , ingenuæque philosophicæ cujusdam curiositatis sensus non populis Tuis modo , sed toti terrarum orbi perspecti essent : proximum est etiam ut opinemur , fatali quasi opportunitate factum esse , ut noster hic qualis qualis Commentarius , variis rerum casibus ad hoc usque tempus extractus , tandem per hosce dies prodiret

ret in lucem , quibus Ipse auspicato Porticibus  
in voluptuario diversorio confedisti . Quo in lo-  
co , ceteraque vicinitate cum passim occurrant  
admirabilium hujus propinqui montis eruptio-  
num luculenta vestigia ; posset videlicet isthic  
monumentorum hujusmodi usus & opportu-  
nior , quam alibi usquam , & jucundior inve-  
niri . Neque vero interpretatio hæc nostra co-  
huc arcessita putanda est , vel ut cunctatio-  
nis nostræ , quæ forte nonnemini vix tolera-  
bilis visa fuerit , excusationem pararemus ;  
vel ut ea omnia , quæ ad Te Regem , Tuas-  
que res pertinent , arcani planeque divini in-  
stinctus nota quadam & caractere insignire-  
mus . Ut enim hic de nobis ipsi taceamus ; tot  
tantisque documentis intellecta jam omnibus  
est ea , quæ singula consilia cœptaque Tua  
comitatur felicitas ; tamque in omnium illa  
ore versatur ; nihil ut hoc loco dici a nobis  
majore hominum consensione plausuque po-  
tuisset . Nisi quod animo reputantibus tum  
ipsius per se rei tenuitatem , tum quam ea  
imbecillitate ingenii nostri manca vitiosaque  
futura sit ; vix ferendum officium videatur ,  
superarum caussarum , quas Tuarum rerum  
consiliorumque administras destinavit Deus ,  
vim ac potestatem in hujus operis partem  
arcessere . Satiùs itaque est ut fateamur ,

actum

actum nobiscum esse quam optime , quod  
Tibi Opellam hanc eo potissimum tempore  
offerre datum sit , quo sperare liceat , illam  
& minus gravate acceptum iri abs Te , &  
honore etiam forte cumulatam ejusmodi,  
ut in Regias Tuas manus aliquando tollatur .  
Freti igitur cum opportunitate ista ,  
tum vero maxime Animo , Ingenioque Tuo,  
quod a natura habes ad promovendum bonarum  
artium cultum mirifice factum ; ( quam  
ad rem scilicet nec efficaciores , nec acriores  
admoventi stimulos nobis posse sentimus ,  
quam ut tantus Rex gaudere se voluntate  
nostra , conatibusque præferat ) Tibi maximo ,  
quo fieri possit , observantiæ sensu  
collectas hæc de Vesuvii Incendiis animad-  
versiones offerimus dicamusque : fidentes fore ,  
ut si ( quod maxime optamus ) labor  
hic noster Tibi plane non ingratus & impro-  
babilis acciderit , æquioribus nos judici-  
bus utamur , tum his , qui præter doctorum  
hominum hoc tempore in physicis rebus  
tractandis institutum , vitio fortasse nobis  
daturi sint , quod arcanas tantorum even-  
tuum causas aggredi , & exponere præter-  
miserimus : tum iis quoque , qui subactiore  
ingenio , curam gravitatemque scribendi eam  
in hoc commentario desiderent , quam ta-

men

men nos afferre huc forte aliquam pro virili parte adnisi essemus , si doctis tantum hominibus scribere hæc cogitassetus . Ceterum neque opus hoc nostrum suis numeris absolutum esse , & monumenta ista magis ac magis qua commentationibus , qua experimentis illustrari posse , Tibi nos ultro dum , Rex Celsissime , profitemur ; fateri id nos universis quoque gentibus arbitramur . Quod si quidpiam tamen aut in præsentis hoc , aut in alio quovis litterario labore nostro tolerabile probandumque æquior sapientum natio deprehendet ; Te enimvero unum , quæcunque ea est , laus perpetuo consequetur : cujus felicissimis auspiciis torpentia olim situ ingenia nostra excitata sunt , eoque etiam revocata , ut vel Regni Tui , vel gentis dignitatem tueri ac sustinere posse viderentur . Interea dum una cum opusculo hoc nos totos venerabundi , litterulasque nostras in Regiam Fidem Clementiamque Tuam tradimus ; præpotentem Deum obtestamur , ut quam Tui , Regnorumque Tuorum curam ille tutelamque singularem agere instituit ; eandem porro teneat , perpetuoque etiam atque etiam tueatur .

# LECTORI.



Onscriptus a nobis de Vesuvii Incendio italico sermone commentarius jam prelum operiebatur, cum ecce moniti sumus Regiæ voluntatis esse, ut ille latine etiam ex amussim redditus in lucem emitteretur. Quamvis autem videremus nobis ad eam rem commode transigendam neque otii

satis, neque facultatis esse; tamen Regis optimi imperium magnam imbecillitatis nostræ apud viros doctos excusationem fore judicavimus. Manum itaque, ut potuimus, operi admovimus: at multa inciderunt, quæ latinæ hujus interpretationis celeritati officerent; de quibus dicere non est necesse. Interea dum in eo eramus, italici commentarii editionem, quasi specimen diligentiae nostræ, quam desiderari a plerisque intelligebamus, properandam duximus. Id consilium non male cessit. Exceptus est libellus ille satis benigne: magis certe quam nos futurum (sumto ab irruentibus identidem inter scribendum difficultatibus omine) augurabamur. Et quidem vel eo primigeniæ operæ nostræ successu cautiores effici potuissemus, ut eo loco subsistendum censeremus: cum præsertim id ageretur, ut eundem prorsus commentarium veste dumtaxat mutata exsaturatis lectoribus obtruderemus. Quid? quod hic ipse apparatus adscititius omnino est; atque ægre, musisque pene oblustantibus huic dissertationi superinductus? Nam oratio genere italica, atque ad italici idiomatis characterem elaborata alienis vocabulis redita est; & quidem latinis: ut parentem natæ pedissequam fecisse videamur; cum tolerabilius certe fuisset natam parenti obsequi, & morem gereie. *Sed ita erat*, ait ille, *faciundum fuit*. Edita porro iterum Vesuviana historia est ad eum modum, ut quævis pagina italicum pariter atque latinum exemplum, alterum alteri e regione respondens, exhibe-

hiberet. Ex operosiore hujusmodi editione pauca admodum exemplaria prelata sunt : & tamen præter justiore libelli molem , splendidioremque typographicum apparatus , id ea commodi habet , quod si quid lectores offendant , minus periculi sit : nam facile latinus vernaculo , vicissimque vernaculus latino sermoni facem præferre potest . Postremo quoniam externorum hominum italice nescientium , qui tamen admirandi hujus , ac fere unorum Neapolitanorum indigenæ phænomeni historiam cognoscere cuperent , habenda a nobis ratio videbatur , latinum quoque exemplum seorsum dare constituimus ; quod hic , lector , habes . Ejus originem minime genuinam ultro prodidimus ; ut fatum , quod illud cunque subiturum sit , æquiore animo laturos nos esse profiteremur . Hæc maxime habuimus , de quibus te , Lector benevole , admoneremus . Tu , quidquid hoc operæ , aut officii est , æqui bonique consule , & vale .



# COMMENTARIII

D E

## VESUVII CONFLAGRATIONE

Menſis Maii anni MDCCXXXVII.

### P R Æ F A T I O



**Q**UEMADMODUM humana ſocietatis origo  
a commerciis maxime repetenda eſt : horum  
autem inſtitutio cuidam provido Natura  
conſilio debetur , qua cum alia aliis  
ſeorſum impertiverit , factum eſt , ut  
iſſi inter ſeſe tacita paſſione homines con-  
ſpirarint , ut qua alteri ſupererant , in  
alterius ultro opportunitatem conſerrentur ; itaque homo  
hominis , nationeſque nationum commodis viciffim proſpice-  
rent : eodem prorſus paſſo , ſi nobiliorem illam doctorem  
hominum ſocietatem conſiſtere velimus , qua nimirum , omni-  
bus licet terrarum ſpatiis interfuſi , ſtudiis tamen conſiliis-  
que conjuncti homines coaleſcunt , neceſſe eſt ut ſinguli in  
commune conſerant , videntque in partem ceteros ejus ,  
quidquid pro ſuo quiſque ingenio , quaſi e privato fundo ,  
ſcitu dignum expromſerit . Quod proſecto commercii genus  
cum dignitate rei , tum quod tutiſſime expeditiſſimeque geri  
ſoleat , ceteris facile omnibus antecellit . Siquidem qua  
vulgo ad civitatum opportunitates commercia inſtituuntur ,  
id præter cetera adjunctum habent incommodi ; quod quan-  
tum aliis tribueris , tantum tibiſmet neceſſario detractum  
ſentias : neque ſeci alicujus copia atque opulentia parari po-  
teſt , quin alterius penuria atque inopia conſequatur . At  
in doctrine , de quo diſſerimus , commercio deſ licet aliis ,  
quantum uſus tulerit , tantum abeſt ut ullum inde tibi ,

A

re-

rebusque tuis detrimentum generetur , ut potius auctior eo , ac locupletior evadas . Quod si litteraria isthac negotiatio tanto intervallo alias omnes antecedit ; certe quidem cum quodvis aliud commercii genus colendum est ; tum vero hoc scientiarum carere omnino non possumus . Nam cum nec homines univérse paribus omnino ingenii viribus polleant ; nec , cetera ut suppetant , otii , reliquorumque ad id subsidiorum tantundem omnibus concessum sit , quantum ad absolutam quandam doctrinæ copiam parandam requiritur ; aliorum subinde opera utendum nobis est : atque ea , quæ præstare ipsi per nos nequimus , ab aliis mutuari , inque usum nostrum revocare nos decet . Quæ cum in quolibet disciplinarum genere vera sint ; tum profecto in Naturali Historia , quæ videlicet summa est , & complexio plurimorum , sæpe ætate ac loco diffidorum phænomenon , si quis propriis dumtaxat inquisitionibus , privatisque observationibus contentus esse velit , apud hunc vilescant necesse est mirificæ naturæ vires , atque in maxima prope divinarum ejus facultatum ignoratione versetur . Quæ nimirum quamlibet maxima in minimis , ut dici consuevit , atque vel in ipsis usitatoribus effectus admiranda ; tamen hominum oscitantia atque incuria facile exolesceret , ac fere protereretur , nisi aliquando augustiore assumpta persona quodammodo assurgeret ; itaque vel dormitantium oculos percelleret atque perstringeret . Ad hæc & loca quedam sunt , quibus uti natura videtur , ut magnificentiore quam alibi , perpetuæque opum suarum ostentatione , in potestatis nos suæ , ac propemodum majestatis considerationem excitet , deque ingenio suo commonefaciat . Hujusmodi regiones , quæ ob naturalium mysteriorum revelationem visuntur , hominum sermonibus circumferuntur sane non pauca : verum an ulla sit , quæ rerum varietate , frequentiaque & magnitudine cum Neapolitano solo conferri possit , haud facile dixerim . Id quod profecto confidentius jactari a nobis nemo judicabit , qui communissimam eorum , qui hujusmodi præter ceteros studiis delectantur , confessionem plane non ignoraverit . Atqui Neapolis ipsa nihil unquam admirabilius obtulit Vesuvio ; qui Mons est urbem ex oriente prospectans , paucorum

rum vix milliarium spatio interjecto : qui scilicet igneis conceptaculis , vehementioribusque subinde conflagrationibus uberem omni ævo commentandi materiam philosophis historicisque suppeditavit . Cumque vigeat adhuc ignium vis montis inclusa visceribus , vetustioraque incendia alia atque alia recentiora exceperint ; hinc factum est , ut nova semper scribendi seges succreverit : neque priorum scriptorum multitudo alios , qui secuti sunt , ab ea provincia suscipienda deterruit , aut liberavit . Quod sane novissime nobis profitemur accidisse tum , cum mense Majo anni 1737. immanis Vesuvii conflagratio exstitit ; cujus historiam multis observationibus atque animadversionibus instructam prodere in presentia constituimus ; ne earum forte partium obliti videamur , quas litteraria societatis institutum nobis imposuisse intelligimus ; atque ut ne nostrarum ( etsi nullius fortasse pretii ) mercium nimis tenaces adservatores , aliorum vel oblectamentum , vel profectum invidisse videamur . Præterquam quod commentaria isthac & seræ posteritati debere nos sentimus ; nos , inquam , qui Vesuvianam qualemcunque superiorum temporum historiam a majoribus nostris accepimus . Sed enim nostrum hoc inceptum quo loco apud harum rerum studiosos futurum sit , proculdubio ignoramus : ea tamen nos spes sustentat , fore , ut minus incommodum de eo iudicium feratur , si consilii nostri ratio habeatur . Id enim nobis propositum fuit , ut quidquid ad hoc argumentum pertinet , quam diligentissime colligeremus , inque unum corpus coactum vulgaremus : ita nimirum fieri posse , ut in eorum forte manus scripta hæc nostra pervexiant , a quibus concinnior huius materie forma , commodiorque usus haberi possit ; ad eum ferme modum , quo novimus nonnullos populos natura beneficio , quam ingenio artibusque letiores , rudem materiam informemque præstare ; quam deinde expolire , perficere , usuique dicare nationes alia sagaciores didicerunt .

Quæ hætenus commemorata a nobis sunt , eo videlicet spectant ; nostri nos instituti admonitu manus huic operi admovisse ; ut nempe physicarum disciplinarum cultum pro viribus promoveremus : præsertim cum nihil tale ab exteris

*expectari posset. quippe quibus eam commoditatem patrii soli natura negaverit. Verum enimvero nobilior animis nostris efficaciorque causa obversata est, quamobrem, quod nostrae scientiarum Academiae gratia jam suscipiendum fuisset, alacrius, ac propemodum religiosius aggredieremur. Nempe adnitendum nobis erat, ut collatis ingenii industriaeque nostrae viribus, quo ad ejus fieri posset, CAROLI Regis nostri gloriae laudique inserviremus. Cum enim maximo Dei beneficio in eam nuper beatissimae sortis celsitatem evecti simus, ad quam nedom spe, sed ne votis quidem contendere consueveramus, cum Regem pietate, aequitate, clementiaque prorsus singulari auspiciatissime nati sumus: cumque is pro sua divinae mentis consilio atque instinctu totus in eo sit, ut omnibus reipublicae partibus restitutis, ornatu litteris, artibus excitatis, natura in nos beneficiis felicitate Imperii quidam veluti cumulus addatur; erat profecto officii nostri ac pietatis, hanc ipsam de latissimis Regni ejus auspiciis opinionem apud externos populos re comprobare: quippe cum Regis nostri fortuna minime patiat, ullam divinorum consiliorum ejus partem incassum incuria nostra recidisse. En potiore hujusce nostri moliminis probabiliorumque rationem: cujus sane gratia maxime vellemus, ut ea, qua par est, dignitate opus nobis procederet. Quod tamen si imbecillitati negetur nostrae; ea saltem nos cogitatione consolabimur, quod prima quorumcunque artificiorum tentamina, ut rudia atque informia fuerint, ab aequis rerum aestimatoribus laudem commendationemque mereri soleant, ea saltem causam, ut ne quisquam in primo statim ausu despondeat animum; reique gerendae curam, cum spe successus, abjiciat: nam certe utcunque aliquid usque moliri, quam plane otiari, satius est, vel certe tolerabilius; nec enim quidquam inutilius aut despiciatius inertia est; Et saepe, parva licet, ac vix tolerabilia initia latissimi progressus atque exitus exceperunt.*

*Nunc rem ipsam propius aggressuri, ut ea omnia in conspectum proferamus, quibus novissima, qua de agimus, Vesuviana conflagrationis notitia expediri possit, de nostratis soli ingenio, Et charactere universe lectores commonefaciendi*

fuciendi sunt . Et quidem cum in hujus penetralibus ingens mineralium corporum copia delitescat , eorum præsertim , quæ igni concipiendo fovendoque aptissima existimantur ; hinc factum est , ut hæc regiones naturalibus spontaneisque incendiis nullo non tempore obnoxia exstiterint . De sulphuris , bituminis , nitri , aluminis , calcanthi , saliumque reliquorum , ut & nobiliorum fortasse mineralium , venis haud obscura apud nos capiuntur indicia : neque ex eo solum , quod passim hic thermalium aquarum fontes invenias ; verum etiam quod plerisque in locis corpora ipsa mineralia sponte e terra erumpant , aut minimo opere effodiantur , aliove artificio ad diversos usus eliciantur . Quod autem mineralia hujusmodi calori , quin & igni , flammæque concipiende apta nata sint , sive cum in angustiore locum coacta artius congregiuntur , continentique lucta se se vicissim exterunt & fatigant ; sive ex alia abstrusiore causa ; id satis exploratum iis videlicet est , quibus Chemicorum tentaminum effectus non omnino latuerunt . Sane id mineralium aquarum fervor ostendit : quin & ignis eruptiones , quæ prope earundem aquarum scaturigines sæpe sunt facta : ubi videlicet uberiora eorum mineralium seminaria subesse putandum est . Quæ cum ita sint , si quis Neapolitanum solum , si minus igni , at saltem ignis elementis , ac velut i seminibus scatere , sætumque esse contendat ; is haud facile refelli poterit : maxime cum & alia in promptu sint ad eam sententiam confirmandam idonea argumenta : at in re minime necessaria labor hic noster sine opera pretio impenderetur . Sed enim vero nolim quempiam ita ea , quæ modo attulimus , interpretari , ut pessime cum iis actum putet , quibus terra tam dirum tamque inhospitalem sætum in sinu gerens , incolenda obtigerit : nam contra , si , quod est , ratione perspicere velimus , nostratis agri fertilitatem , clementiam calis , aquarum salubritatem , ipsaque affecta valetudinis præsentissima præsidia , quæ nobis ultero thermæ suppeditant ; quidquid demum ad eximiam , omnibusque testatam Neapolitani soli felicitatem pertinet ; huic sane aut igni , aut ignis embryoni terræ nostræ interfuso acceptum ferre debemus .

Verum quidquid ejus rei sit , illud interim in proclivi  
est

est intelligere , quo nempe pacto ingens rerum ejusmodi accensibilem massa intra terra viscera huc illucque diffusa , in aliquem forte locum sensim congesta sit , atque in cumulum veluti succreverit : tum qua ratione massa eadem exorta , exagitataque , atque in fervorem adacta ignis exstiterit ; qui terra crusta superincumbenti disjecta , in apertum eruperit , eaque præstiterit omnia , quæ cum spontaneis aliquorum locorum conflagrationibus conjungi consueverunt . Sane ejus rei exemplum specimenque suppeditat Chemicum artificium , quo Aurum (1) paratur , quod Fulminans appellantur : quæ scilicet mistura non modo ad levissimum rei cujusque calentis attactum ignescit ; verum etiam cum ingenti disensione , quibus forte conclusa est , vasa diffringit ; aliaque efficit hujusmodi , ut a fulmine ob eam rem nomen invenerit . Præterea celeberrimus Lemeryus (2) ex Regia Scientiarum Parisiensi Academia , aquis sulphuris , ferrique detriti partibus aqua adpersis massam conflat , quæ terra supposita , ignivomerum montium imaginem retulisse visa est . Nam post interjectam octo , aut decem horarum moram , terra massæ huic superinducta primum intumuit , tum rimas egit , ex quibus sulphurea expirationes calentes , tandem flammæ ipsa evaserunt . Hac , aliaque id genus Chemicorum opificia circumferuntur , a quibus recensendis supersedemus , his contenti dumtaxat , quæ ad rem vel leviter adumbrandam satis esse putavimus .

Quibus ita positis , nemo non videt , plures in Neapolitano regno ignium scatebras omni ætate esse debuisse : quarum partim sive vetustate , sive celeri extinctione , sive alia qua causa omnis penitus memoria interiit ( itaque in collibus urbi ad occasum , septentrionem , atque ortum imminetibus cum ad hanc usque diem & combusti lapides , & cinis , aliaque hujusmodi incendiorum documenta supersint , ea nonnisi (3) opinio insedit , loca isthac quondam conflagrasse , cujus tamen rei nulla apud homines memoria reliqua

(1) Cassend. lib.2. de Meteor. cap. 5. Lemery Curs. Chim. par. 1. cap. 1.

(2) Hist. Acad. Scient. an.1700.

(3) Cornelius in Progymnasmate posthumo de Sensibus pag.50.

qua sit (1) : partim vero ex luculentis terræ ipsius monumentis , veterumque Scriptorum testimoniis extra omnem dubitationis aleam posita sunt ; quamvis revera nullum ex iis nostra, patrumque nostrorum ætate incendium exarserit. In quam scilicet classẽ Puteolanum agrum , Ænariamque insulam referre omnium consensione possumus ; quæ profecto loca Neapolitanum solum proxime contingunt . Siquidem in Puteolano tractu, præter mirificam aquarum ferventissimarum e terra manantium affluentiam , præterque nativæ hypocausti , ipsorumque combustibilium mineralium insignem proventum, Montes occurrunt cacumine minuti , atque ad Amphitheatri cuiusdam typum redacti : quàm certe formam nonnisi vi sapientis in eos ignis assumpsisse putandi sunt ; quamvis nullum amplius in plerisque ne levissimi quidem caloris indicium forte supersit (2) . Ejusmodi sunt mons Gaurus , accolis Barbarus appellatus ; item Leborii campi Græcis Phlegræi dicti , & ipsum cum primis Vulcani Forum (3) quo scilicet nomine apud eos significabatur mons ille , seu potius montis ruina , quem Sulfataram vernacula lingua dicimus . Est & Mons percelebris aditus Averno lacui , in quem etiam ex parte excurrit, Novus appellatus, qui anno 1538 post subitam vehementemque ignium eruptionem, sive intumescente solo , flammisque subter entibus, exitumque affectantibus obsequente ; sive ex cineris , lapidumque sursam ejaculatorum , rursusque recidentium acervo , repente emicuit (4) , & antiquam planitiem insedit .

Rursus Ænariæ insula eadem prorsus conditio est : utpote cui neque thermalium aquarum , neque vaporariorum, neque ipsorum mineralium copia deest : quæque insuper , ab  
re

(1) Sed fieri etiam potest, ut ii lapides, cinis, ceteræque combustarum rerum reliquæ, quæ in locis designatis occurrere solent, ab ipso Vesuvio, sive ab aliis Puteolani agri vetustis Vulcanis in hunc locum projectæ aliquando fuerint.

(2) Peregrinus de Campania dissertat.2. cap.17.18.19.

(3) Strab. lib.5. pag.177. Forum Vulcani, Campus circumquaque inclusus superciliis ignitis, quæ passim tanquam e caminis incendium magno cum fremitu expirant.

(4) Sanfelicius de Origine & situ Campaniæ pag.11.

re nominis origine ducta, regiones habet, quas Crematas (1) hodieque appellant. De ea autem insula scribit Strabo (2) Eretrienſes vetuſtiſſimos incolae, ob ſubitas igniam, calidarumque aquarum eruptiones, aliasque id genus calamitates eam deſeruiſſe: quin & apud eundem Timeus tradit, paulo ante ejus atatem collem Epopeum (3) medium inſula occupantem, poſt ingentes terræ concuſſiones ignem flammamque emiſſiſſe. Sed & ab Joanne Villano (4) litteris proditum eſt, anno 1302 tantum in hac ipſa inſula incendium e terra exiſtiſſe, ut multa hominum, beſtiarumque capita ignis abſumeret, ipſaque adeo inſulæ facies diſturbaretur: præterquam quod oculatus teſtis Joſephus Macrinus (5) confirmat, luſitanti ſibi inſulam non obſcura eorum torrentium, quos Lavas vernaculo ſermone dicimus, veſtigia occuriſſe, liquentium primum ab igne, dein obduratorum ſaxorum, qualibus ſcilicet & Veſuvii noſtri, & ipſius quoque Ænæ clivi obſiti ſunt.

Verum longe inſigniora conflagrationum documenta, quibus hæ regiones fuerunt aliquando obnoxia, occidentalis Neapolitani tractus ora ſervat, ſi id verum eſt, quod traditur, ex eo Prochyta inſula antiquitus nomen inditum eſſe, quod olim a proxima Ænariæ inſula continenti, quaſſato ſubverſoque vi ignium ſolo, diſtracta ſit, cui antea adharebat (6): ſive (quæ ſerme eodem recidunt) quod repente juxta eam ex undis emerſerit; non ſecus ac prope majoris arboris truncum germina ſurculique paſſim enaſcuntur: quam videlicet apparendi rationem preſſius deſignare videtur nomenclaturæ ejus vis (7) ac poteſtas. Neque vero, quod novas inſulas ſubito aliquando apparere poſſe diximus, vanum nos commentum, monſtrique cujuſdam inſtar atuliffe dicendi ſumus. Præter enim id, quod in hanc ſententiam

(1) Vid. Joſolinum de Remed. inſulæ Ænariæ lib.1.

(2) Lib.5. Geograph. pag. 379.

(3) Ex Caſauboni recenſione; qui pro Epopeo, (quæ vox in Strabonis textu lib.5. pag.380. legebatur) Epopeum repoſuit.

(4) Hiſtoriar. Florentinar. lib.8. cap.53.

(5) De Veſuvio cap.5. pag.41. et 42.

(6) Strab. loc. cit. Prochyta pars a Pithecufis avulſa.

(7) Plin. lib.3. cap.62. Prochyta non ab Ænæ nutrice, ſed quia profuſa ab Ænariæ erat, unde & apoxytus profundere.



tiam ab aliis traditum est (1); certe in *Ægæo mari* percellentibus est *Therasia* olim, nunc *Sanctærinæ dicta insula*, quæ omnium Geographorum (2) confessione primum ex imo maris fundo repente in conspectum sese dedit: Eique insula, ut primæ ejus originis fides memoriaque constaret, novi subinde scopuli, scopulorumque fragmenta ad nostram usque ætatem (3) haud absimili ratione adnata sunt: quorum quidem portentorum causam in unum subterraneum ignem impotentius furentem conferre æquum est; quando & flammæ globi eo tempore in auras exsilire visi sunt; & magna deinceps pumicum, cineris, ignique exesorum lapidum vis adjacentem maris tractum ad proxima usque *Ægæi litora* occupavit.

Quæ si satis ex dictis explorata res est, posse interdum ignis impetu ingentem terræ molem e maris imo diselli, atque coacervatis rupibus emergere, in insulamque facessere; illud etiam nobis potiore jure persuadebimus, eadem urgente ignis concutientis vi, posse terræ tractum quempiam discindi, partemque a parte secedere: eaque re fidem iis libentius haberi posse, qui prædicant, *Prochyten* *Ænariamque* unam olim eandemque insulam fuisse; quin & earum continentem ad proximum *Miseni promontorium* (4) pertinuisse. Eadem pariter de *Capreis* (5) conjectura procedet, quas adnatas primitus perhibent proximæ continenti, quod *Minervæ promontorium dictum est*. Neque secus de insigni insula *Sicilia* statuetur, quam a *Brutiorum finibus* vi aliquando majore diremtam, in eum locum rejectam esse ajunt (6), quem hodieque occupat; quem maxime eventum animo spectasse credibile est eos, qui urbi *Brutiorum* extrema, fretoque ipsi incumbenti, *Rhegi* nomen (7) imposuerunt.

B

(1) Strab. lib. 6. pag. 396. Plin. lib. 2. cap. 89.

(2) Apud Tournefortium *l. in. Orient. Epistola 6.*

(3) Id est ann. 1707. Consulatur idem Tournetort. l. c.

(4) Strab. loc. cit. (5) Strab. loc. cit.

(6) Claudianus *Trinacria quondam  
Italiæ pars una fuit; sed pontus, & æstus  
Mutare situm.*

Plin. lib. 2. cap. 9. Strab. lib. 6. pag. 396.

(7) Strab. loc. cit. Nomen a verbo *ῥήγναι* quod est rumpi deductum videtur.

runt . Cumque ex iis , quæ sua forte ætate evenerant , aliorum quoque prodigiorum , quæ olim accidisse potuerant , argumentum capere vetustati sollemne fuerit ; hoc terrarum discidium ad immanes illas Europæ Africaque continentes fidentius traduxerunt (1) , quas quidem terras illa ex parte primum conjunctas putarunt , qua Gaditani freti angustia extremas utriusque oras nunc temporis disterminant .

Sed ut ad institutum redeamus , ceteri præteritorum incendiorum , quæ ad Puteolanum potissimum , Pithecusanumque solum pertinent , nonnisi fama apud nos , vestigiaque , ut ut satis manifesta , supersunt ; Vesuvius tamen ab remotissimis temporibus ad hanc usque diem continentem immannemque ignium exhalationem effudit ; quam ad rem diligentius exsequendam curam jam nostram , sermonemque convertimus . Assurgit mons iste ad oram Neapolitani Crateris , orientalem urbis plagam prospectans , ab Apennino penitus diremtus , in planitie lætissima , celi , si qua alia , clementissimi , vitibusque consita robusti suavisimique vini feracissimis ; arboribusque pomiferis omnis generis . Sed enim præter adjacentem planitiem , ipse etiam inferior montis ælivs a vini copia atque præstantia summopere laudatur , vel antiquissimorum scriptorum testimoniis . Atqui montem eum conscendenti ex ea maxime parte , qua occasum & meridiem spectat , nova , eademque lurida rerum facies sese offert ; prærupti scilicet lapides igne exesi , cinis , ceteraque ejusmodi ; ut nedum pomiferarum arborum , sed ne virentis quidem graminis quidpiam superfit . At quo loco infelix hic montis aspectus a latiore alia parte distinguitur , exinde in duplex jugum discedere mons cernitur , in hunc modum . Ab septentrione quidem , atque oriente montis dorsum nusquam interruptum ab radicibus ad extremum cacumen exsurgit ; externe quidem virens , interius vero , qua abruptum est , exesis ambustisque rupibus horrens . A meridie vero mons eminet ipse per sese , suoque unius ambitu definitus , atque in coni ferme speciem conformatus ; cujus non alia videtur compages , quam coacervatorum lapidum , cineris ,

(1) Plin. lib.3. cap.1. Mela de Situ orb. lib.1. cap.5. Seneca natural. quæstion. lib.6. cap.29. Sic & Hispanias a contextu Africæ mare eripuit .

neris , arenarumque . Ex hocce monte ad meridiem sito , cui peculiaris vulgo Vesuvii appellatio attributa est ; maxime autem ex ejus supremo vertice ignis frequenter erumpit , & fere semper fumus . Vertex alter ad septentrionem positus , celsitate quidem alteri suppar , apud nos Mons Summæ audit ; quam scilicet appellationem quo impertitur ille , aut certe nanciscitur ab oppido cognomine baud infrequenti , ob aeris salubritatem , fructumque præstantiam laudatissimo ; quod oppidum inter orientem , & septentrionem montis radicibus insidet . Sed non abs re fuerit admonere , quotidiano nostratum sermone sæpe horum nominum discrimen susque deque haberi : nam & ipsam ignivomum montem nonnunquam Montis Summæ appellatione indigitari ; & antiquis Scriptoribus Montem hunc ~~venisse~~ una Vesuvii denominatione innotuisse , satis constat (1) . Ex adumbrata hac montis delineatione intelligere licet , Vesuvii radices , sive imam regionem singulari , continuaque orbita contineri : ex ejus vero altitudinis fere medio illum in duplicem verticem scedere ; quo fit , ut Vesuvium eminus intuentibus , congeminati montis species exhibeatur , uni , communique basi inbærentis .

Verum quomodo ea sit in præsentiarum Vesuvii constitutio , baud tamen vero simile est eandem prorsus faciem primitus eum præ se tulisse : ad quam rem confirmandam satis esset in eas mutationes & metamorphoses animum intendere , quæ patrum nostrorum memoria ad hoc tempus

B 2

Vesu-

(1) Quin & illud verosimile videri possit , antiquitus quempiam ex Puteolanis Vulcanis Vesuvii appellationem nactum esse Scriptorum maxime negligentia , errandique proclivitate . Cui opinioni si locus apud Lucetii interpretes sit , jam versus illi ex libr. vi. commodiorem , quam usque adhuc , explanationem suscipient :

*Qualis apud Cumas locus est montemque Veserum  
Oppleri calidis ubi fumant fontibus æstus .*

In quam pariter rem locus asserri potest ex Diodoro Siculo , qui Cumano agro Phlegraei denominationem ex eo attribuit , quod in eo Vesuvius sit , mons ignium eruptione memorabilis : & si Peregrinius rem alio traducat . Sed firmissima ad hanc opinionem stabiliendam conjectura capi potest ex Plutarchi testimonio , qui in opusculo de defectu Oraculorum Vesuvianam conflagrationem designans , quæ scilicet paucis annis ejus ætatem præcesserat , Cumarum , Puteolorumque calamitatem deplorat ; cum manifestum sit , Herculanæum potius , & Pompejos eam cladem afflixisse ,

*Vesuvio acciderent. Atqui nibili fuerit id tantum innuisse, montem temporis decursu a primæva constitutione descivisse; illud profecto & utilius & jucundius inquirendum, quanam potissimum antiquus illius positus; quæ prisca facies esse potuerit. Atque illud quidem in primis tenendum videtur; eam, quæ nunc conspicitur, Vesuviani verticis geminationem pro adscititia, non pro nativa habendam esse; quæ scilicet ab iis ferme caussis, de quibus mox dicemus, repetenda sit; primitus autem unum singularemque montem ad summum usque verticem exstitisse. Cujus quidem rei conjectura capi primum potest a priscorum scriptorum testimonio, qui ejus descriptionem tradituri, unicum eum, ac unicipitem nobis proponunt. Sic Strabo (1) Vesuvius agriscinctus est optimis; demto vertice &c. Plinius autem ex Dione Xiphilinus (2) Vesevus olim quidem ex omni parte pariter excelsus erat, & tunc ex medio ejus ignis exstitit: nam ea parte tantum exustus est; extrinsecus enim intactus permanet ad hæc tempora, ex quo fit, ut cum ignis externas partes non exurat, eaque quæ sunt in medio consumantur igni, rediganturque in cineres; vertices qui circum sunt, usque adhuc veterem altitudinem habeant; & quæ pars igni consumpta est, dum in se coit, concava facta sit; ita ut totus mons ( si licet parva cum magnis conferre ) formam habeat Amphitheatri.*

*Sed & ineluctabili argumento in hanc sententiam planè adigimur, quod saxeorum torrentium, qui vehementius conflagrante Vesuvio egeri solent, eo loco vestigia sint reperia, quo pervenire nequaquam potuissent, nisi unicum aliquando Vesuvius cacumen habuisset. Nam superioribus annis cum Dominicane familiæ alumni in Cænobio Sanctæ Mariæ ad Arcum dicato puteum effodiendum locassent; terra ad centum palmorum altitudinem egesta, hujusmodi lapideorum torrentium stratum detectum est: tum alterum post insigne intervallum: deinde tertium; neque ita multo post quartum: itaque intra trecentos fere terræ palmos, quatuor diversa, suisque singula distincta spatiis, saxea strata depræhensa sunt, prorsus id genus, eandemque naturam*

(1) Lib. 5. pag. 378. (2) In Tito 4

ram præferentia , qua illa sunt strata , quibus meridionalis Vesuvii clivus completus est . Si quis ergo ejus cœnobii situm animo reputet , facile sibi persuadebit , non aliam hujus miraculi causam excogitari posse , quam si antiquissima Vesuvii constitutio ponatur ea , ut unico tantum vertice fuerit instructus . Alioquin si biceps , ut in præsentia , fuisse statuatur , nunquam liquefactorum saxorum rivi ad eum , quem dicimus , locum pertingere potuissent , nisi delapsi primum in eam vallem , qua meridionalis montis vertex a septentrionali determinatur ; tum per præruptum immensæ altitudinis clivum in alterius montis verticem incredibili nisu contendissent ; atque exinde per adjacens declive dorsum fuissent in subjectam planitiem delati . Sed & Xiphilini (1) sive Dionis descriptio , Vesuvii verticem cum amphitheatro conferentis , prætermittenda non est . At enim montis cacumen per ea tempora integra intactaque latera habuisse ; medium vero ignis vi absumtum ac depressum : quare partem ejus mediam , arcem ; latera vero intacta ac supereminentia , amphitheatri orbitam anæquaque circumductam retulisse . Ex his ergo conficitur , insignem mutationem Vesuvium subisse ; nihil enim hoc tempore in supera ejus regione , quod cum hujus historici verbis congruat , videre licet . Quid ? quod et hodiernus Vesuvii aspectus tum ad fidem , tum ad captum eorum , qua a Xiphilino sunt prodita , faciem nobis præferre videtur , ut mutili cujusdam amphitheatri speciem nos intueri videamur ? Nam ingens illa septentrionalis rupes , quam montem Summæ vulgo nominari diximus , quaque ignivomum montem ex parte ambit , amphitheatri rudera quædam nobis exhibet . Ea vero rupes ita interius , qua concava & inflexa est , excisa & torrida apparet , ut conflagrationis vetustissimæ luculenta vestigia agnoscere facile possis . Itaque antiquissimam Vesuvii formam & constitutionem fingere nobis possumus in hunc fere modum . Eminebat primitus in aperta planitie , non secus ac nostra quoque ætate cernitur , solitarius , atque ab aliis montibus sat magno intervallo diffitus Vesuvius : quo maxime argumento Camillus

Perc-

(1) loc. cit.

*Peregrinius* (1) in eam suspicionem adductus est, ut putaret, primam hujus montis genesis ab ignis violentia esse repetendam, adeo quidem, ut tempus exstiterit, quo nullum ejus uspiam vestigium apparuerit. Sed ut abstrusiores hujusmodi inquisitiones missas faciamus, illud optimo jure asserere possumus, prima, quaecunque fuerit, *Vesuvii* aetate multo breviores eam radices, magisque circumcisas obtinuisse; quae deinde procedentibus annis ex lapidum, cinerisque, ac potissimum liquefactorum, quae saepe evomuit, saxorum exaggeratione latius excurrerint. Nam ubicunque nunc temporis, praesertim ad meridionalem montis plagam, in ipsa etiam planitie terram vertas, plura hujusmodi ejectilia materiae strata, seu totidem lapidum venas, alias aliis per intervalla superinductas, offendes. Quorum stratorum agmen si demas, jam patet, quanto olim contractiores *Vesuvii* radices esse debuerint. Praeterea illud quoque ex hoc argumento consuetarium est, *Vesuvii* acclivitatem primum asperiores fuisse; id quod vel erectioris septemtrionalis lateris observatio confirmat; qua scilicet parte nulla jamdudum immutatio locum habere potuit; ex eo certe tempore, quo mons, ut diximus, in bina cacumina primum discessit. Atque hinc etiam intelligimus, maximam illam altitudinem, in quam *Strabo* sua aetate *Vesuvium* attolli scribit, ad septemtrionalis montis, quae nunc visitur, celsitatem esse referendam. His autem positis, ea constabunt, quae supra innuimus; superiores scilicet septemtrionalis montis rupes in orbem inflexas, atque interiori igni ambustas ac diminutas, ipsissimas esse superstites lacinias *Vesuviani* amphitheatri, cujus nobis iconem *Xiphilini* scripta reliquerunt. Jam vero exhibita utcunque baseos, acclivitatis, altitudinisque mensura, non modo de totius montis modulo, sed & de cacuminis ambitu conjecturam facile capiemus. Nimirum *Strabonis* aetate detritum illud, antiquo fortasse aliquo vehementiore incendio, depressumque, aquis tamen partibus, exstitisse: verum insequentibus temporibus, circa *Dionis* aetatem, ad eam formam redactum erat, ut integris lateribus, ambituque omni integro, media dumtaxat arca effici-

(1) De Campania dissertat. 2. pag. 314. Scotti Itinerar. Italic. part. 3.

*taciori ignis violentia labem passa sit , ut amphitheatro typum Vesuvius exhiberet ; quemadmodum & hoc tempore Vulcani forum , & alios pariter montes in Puteolano tractu amphitheatro quis haud incommode comparaverit ( 1 ) .*

*Quæ cum ita se haberent , novis postmodum supervenientibus incendiis , terra quassata , multisque in locis fatiscente , insignis effecta est montis structuræ conversio : nimirum disjici ac disturbari potuit ea Vesuvii pars , quæ meridiem , occasumque spectat ; superstitie duntaxat ac consistente extrema ejus jugi parte , quod ad septemtrionem & ortum positum est . Hujusmodi autem montis ruinam ac labem usque eo processisse conjicere possumus , ut meridionale montis latus longissimo spatio sub imminutibus septemtrionalibus rupibus defederit ; ad eam certe altitudinem , quæ meridionalis verticis radices nostra ætate posita conspiciuntur . Hujus autem tantæ vicissitudinis documentum ullum afferre non datur , in alto videlicet veterum scriptorum silentio . Postremo , quemadmodum flumina rapido turbulentoque cursu delata ab aliis quidem ripis aliquid abradunt , atque auferunt , aliis contra addunt & apponunt ; ita eadem vis ignis , & impetus , qui tam magnam montis partem absorberat , facile potuit ex ipsiusmet montis visceribus materiam eruere , atque in apertum educere ; quæ paulatim in unum locum congesta , alterius tumuli rudimenta posuerit ; cujus axis in planitie illa media , quam supra diximus , ruinisque creata statutus intelligitur . Qui scilicet tumulus sensim in eam molem evasit , qui novus , ut quibusdam placet , mons vocandus sit ; quique tum septemtrionalium , quæ supererant , rupium celsitatem æquavit ; tum fumum , flammamve fere continenter effundit . Ut autem ab incendiorum unice violentia , cineris , lapidumque , & ceteræ ab igne solutæ materiæ concretionem montem hunc exstitisse opinemur , eo potissimum argumento adducimur , quod is conicam omnino figuram & circumductionem servet , qualem nempe ille terræ tumulus refert , quem talpæ cuniculos agentes , terra egesta superque rejecta excitare solent : aut etiam*

( 1 ) Consulatur Peregrinius loc. cit. cap. 17. 18. & 19. tum Campaniæ topographica Mappa ab eodem exhibita .

*etiam qualem arenæ, frumenta, rerumve hujusmodi acervi effingunt, si per eandem directionem deorsum ferri continenti fluxu id genus materias sinamus: quibus scilicet binis modis figuram hanc induisse mons videtur: tamore nimirum terræ ab intestino ignium impetu; & emissis cineris furoribusque coitione; quæ sursum ejaculata, rursumque ad perpeticulum recidentia, tumulum immanem creaverunt.*

*Qua in re a Peregrinii (1) opinione discedimus; qui putat, quæ pars hoc tempore cineris ambustique montis cernitur, id vel omne, vel saltem plurimum reliquias esse ejus molis, quæ primitus Vesuvius constabat: quæque ignis impetu disjecta ac conturbata olim fuerit, ut in tumulum quendam undique circumcisum in quadam quasi planitie abierit. Quarum quidem conjecturarum utra verosimilior sit, decernere non audemus: nam in iis, ad quorum confirmationem idonea historicorum testimonia non suppetunt, quæque efficacissimis minusque usitatis instrumentis (qualis sine controversia ignea vis habenda est) natura molitur, nihil explorati, ac citra errandi discrimen produci unquam potest. Id nobis satis fuerit evicisse, priscam Vesuvii montis speciem ac positionem a presenti longe admodum discrepasse; unumque cum, ac singularem montem ante fuisse; ipsamque culminis distractionem, quam hoc tempore nemo non videt, metamorphoseos cujusdam recentioris loco habendam esse, quæ a crebris conflagrationibus, de quibus deinceps dicendum restat, profecta sit.*

*Et quidem si cui perspecta ratio fuerit, qua spontanea hujusmodi conflagrationes primum excitantur, cujus videlicet phaenomeni mentio a nobis supra interjecta est, facile animum inducet, ut credat, non nisi conjecturis meris agendum esse in statuenda prima Vesuviani ignis eruptione. Nam siquidem ejusmodi ignium fomes aut generatur, aut saltem coalescit & congeritur per interiores telluris motus, vegetationesve; sane mons quidam igniarius eo loco repente emicabit, quo nulla illius antea suspicio: & rursum multo post ejusmodi ignea scatebræ exhauriri, occludique præter opinionem hominum opinionem possunt: quorum scilicet miraculorum*

(1) loc. cit.



eulorum in naturali historia exempla non desunt . Super-  
vacanea igitur ac importuna quaestio institueretur , nam  
ab ipso rerum aspectabilium ortu Vesuvius exarserit ; tum,  
siquidem recentior primæ ejus incensionis ætas sit , id quod  
rationi magis consentaneum , ex quo potissimum tempore ,  
qui in eo adhuc jam viget , ignis eruperit . Id modo auda-  
cter tutoque pronuntiamus , multo ante Strabonis ætatem ,  
qui scilicet sub exitum imperii Augusti , primordiisque Ti-  
berii floruit , Vesuvianarum conflagrationum monumenta  
existisse . Hoc ipsius Strabonis (1), hoc Vitruvii (2) aucto-  
ritate discimus: quin & Taciti (3) locus non aliam commo-  
diorem interpretationem suscipit , quam quod ibi historicus  
recentium incendiorum occasione , antiquissima etiam ad  
memoriam revocavit . Atque vetustiores illæ , quas dicimus,  
conflagrationes multo insuper Strabonis ætatem antevorte-  
rint , necesse est , quandoquidem earum memoriam penè  
omnem intercidiisse vel ex eo intelligimus , quod is Geogra-  
phus , qui de remotioribus , iisdemque obscurioribus regioni-  
bus tam accurate scripisset , hanc admirandam Vesuvii in-  
dolem nec luculentius , nec pressius fuerit persecutus . Ex  
hoc autem Strabonis , ut & Plinii historici testimonio (4) ,  
qui cum non semel de Vesuvio sermonem interferat , ne  
verbum quidem de ejus igniaria facultate unquam addat ,  
illud saltem haud temere confici visum est nonneminis ; ve-  
tustiora hujus montis incendia levia , nec memoria digna  
fuisse , quippe quorum ne apud ipsos quidem accolæ fama  
superfuerit . Qua in re nil nobis , quod in alterutram par-  
tem dicamus , occurrit : nam & fieri potuit , ut conflagra-  
tionum levitas horum populorum animos non usque eo per-  
celle-

## C

(1) Lib. 5. pag. 379. Ut conjecturam facere possis ista loca quondam  
aruisse , & crateras ignis habuisse .

(2) Lib. 2. cap. 6. Non minus etiam memoratur antiquitus crevisse  
ardores , & abundavisse sub Vesuvio monte; & inde evomuisse circa agros  
flammam .

(3) Lib. 1. Histor. Jam vero Italia novis cladibus , vel post longam  
fæulorum seriem repetitis , afflicta . Haustæ aut obrutæ Urbes . Fecun-  
dissima Campaniæ ora , & Urbs incendiis vastata .

(4) Lib. 3. cap. 9. , & lib. 14. cap. 4.

Ad hæc , ubi Plinius de terrenis ignibus sermonem habet lib. 2. cap.  
109. Vesuvii commemorationem omittit .

celleret, ut eas memoria posterorum tradendas putarent; Et rursum Vesuvii diuturna cessatio in causa esse potuit, quare superiorum vehementium incendiorum memoria sponte sua obliteraretur; non secus ac ipsius quoque *Ætnæ* montis incendiorum fama, contra disertissimam Græcorum, Latinorumque scriptorum confessionem, inter vetustatis commenta sub exitum decimi sexti sæculi a quibusdam Catantensibus fuerat relata, ut est apud Carreram (1), ob id solum, quod longa annorum serie nullum ex eo monte ignium indicium exstitisset: quod Et aliis pariter ex eadem gente in mentem venerat (2) ante conflagrationem anni 1536. Verum horum apud lectores sit iudicium. Illud nos interea pro certo affirmamus, ante Augusti ætatem arsisse Vesuvium; quod profecto allata scriptorum testimonia satis nobis superque confirmant. At Morerii (3) non magni facienda est auctoritas, qui satis hercle fidenter ait, usque ad Augusti ætatem quinquies omnino Vesuvium conflagrasse: nam præter putidam illam supposititii Berosi fabulam ab Annio confictam, qua antiquissimi cujusdam incendii memoria proditur, nullum equidem idoneum ad ejus rei faciendam fidem universa vetustate scriptorem advocabit.

Sed his omissis, prima, eademque immanis Vesuvii conflagratio, cujus maxime ad posteros memoria propagata est, ea certe fuit, qua Tito imperante facta est, circa annum æræ Christianorum 79 (4): cujus descriptionem Plinius Cæcilius binis epistolis (5), Dio in vita Titi, alique ejus ætatis scriptores exsequuntur. Sed Et ejus quoque incendii mentionem aequales Poeta (6) verbis gravissimis fecerunt: quia Et id admodum credibile est, eo maxime tempore montis statum insigniter fuisse deformatum. A primo hoc incendio alia multa ad nostram usque memoriam acciderunt; quorum historiam recentiores quidam scriptores (7) diligenter contexuerunt: horum autem narrationes

sicubi

(1) Descript. mont. *Ætn.* lib. 3. cap. 7.

(2) Videtis Antonium Philotheum, *Topograph. mont. Ætn.*

(3) In magno Dictionario verbo *Vesuve*.

(4) Ita scilicet censet Tillcmontius. Vide ejus adnotationem 4. ad Vitam Titi. (5) Epist. 16. & 20. libr. 6. (6) Statius, Martialis, alique.

(7) Julius Cæsar Recupitus in primis.

sicubi discrepare deprehendantur, id eo factum est, quod leuiores incendia aliis quidem commemorata sunt, aliis pratermissa. Illa autem si expendas, conseruasque omnia, profecto nec temporis intercapedine, nec tempestate, nec aliis adjunctis sibi convenire reperientur. Id modo statuere licet, eruptionem anni 1631 vehementissimam, maximeque calamitosam exstitisse; cujus scilicet funestissima etiamnum supersunt monumenta: quippe cum ignitum profluvium septem propemodum pagos pene deleverit. Eo item incendio igniti lapides e Vesuvii cratere ejaculati quocunque forte recidissent, tuguria, villas, silvasque pene integras concremarunt. Hominum tandem ea calamitate fere ad decem millia (1) extincta sunt. Ex eo tempore crebrius quidem saevit Vesuvius, ignemque saepe emisit: at nihil admodum tam exitiale ex eo accidit. Illa vero & hic memoratu digna conflagratio, quae anno 1730 circa extremum Martii facta est; non eo quidem nomine, quod prater ceteras deservierit; sed potius, quod eam maxime insignis Vesuviani verticis immutatio consecuta sit. Siquidem cum ingens tum vitrificata materia, lapidumque moles vertici incubuisset, inhaesissetque; eo auctario fastigiatus, idemque acuminatior montis vertex apparuit. Eo etiam memorabilis ea conflagratio fuit, quod flammis Vesuvius confertissimas, maximeque luculentas, quae ad immodicam altitudinem attollebantur, emisit. Igneus torrens vix ultra supremi hiatus spondas effusus est: saltem illa torrentis pars, quae per adversa urbi montis latera ferebatur: nam ex eo latere, quo igniarius vertex septemtrionalium rupium aggere tegitur & ambitur, ingens ignita materia vis provoluta est; quae in saxeam duritiem coacta, innum ejus vallibus, quam Atria accolae appellant, fundum opplevit. Labes, si qua subjacentibus campis eo tempore insecutae, ab ignitis lapidibus, atque ab eructatis favillis profecta est: itaque magnum agri Octavianensis nemus igni correptum penitus conflagrasset, nisi profligatis excisisque ex parte arboribus, ad quas ignis properabat, depascenti flammæ iter opportune fuisset intercisum.

C 2

CA-

(1) Ita Carafa de Conflagr. Vesuv. At Recupitus 5000. scribit.

## CAPUT PRIMUM

## Conflagrationis Ephemeris.

**P**er septem fere annos, quot numerantur ab incendio anni 1730 ad postremum hoc anni 1737, nihil omnino mons Vesuvius remisit, nunc fumum, nunc etiam flammam emittens; paucique admodum dies abierant, quibus non aliqua occulta atque interna incensionis indicia dedisset; immo tribus quatuorve ante mensibus, quam proximo incendio conflagraret, perpetuo fumum, & interdum etiam flammam emittere visus est; nihil interea mirantibus, aut territis accolis, jamdiu per centum prope annos ejusmodi spectaculo assuetis. Sed & vetus quoque in vulgus jactata semper, & jam recepta opinio animi faciebat, qua creditum est, fausta omnia ab repetita per intervalla montis eructatione portendi; eo quod parvis hisce ac frequentibus montis exhalationibus, & si materia illa sub terra latens, unde oriuntur incendia, non omnis exhauritur; minuitur tamen paulatim ac dissipatur: quamobrem minus in posterum vel magna incendia timenda sint, vel terremotus; quorum causam ad id genus materiam intra telluris recessus plus justo coacervatam, referre quibusdam placet. Ceterum quidquid huic opinioni occasionem primitus praeberit; nunc certe ea omnes opinio, atque expectatio sefellit; non modo enim perpetua ejusmodi, ac continenti eructatione nihil imminuta conflagrationis materia est; sed sub finem Aprilis, & Maii initium adhuc magis magisque mons exardescere visus est.

Crevit adhuc postridie idus Maii fumi & flammarum copia, totoque proximo die tenuit; atque insequenti nocte tanta caput saxorum, aliisque ignita materia vis e montis vertice emitti, ut torrentem satis magnum exhiberet, sese ad ima provolvencem ea parte, quae orientem spectat, & Bosco, aliisque finitimis villis exitium minitantem.

Per tres deinde insequentibus dies amplius aliquanto  
mons

mons sæviit , majorque fuit ignis & sumi copia ; totusque vertex concrefcente, quod circa difperſum fuerat , ſulphure coopertus apparuit .

Sed non ante ſubjectos circa accolat terror invaſit , quam cum xiii. kal. Jan. fremitus montis ſatis magnus au-  
diri cepit; & altius ſublatus ignis , ac denſior quam ante ſumus in immaheſ turbines conglobatus , ea omnia, quæ ti-  
meri merito ſolent , quæque haud ita multo poſt accide-  
runt , portendere viſa ſunt . Nam ſub veſperum magna  
candentium ſaxorum viſ ſumo denſiſſimo immiſta erupit,  
quæ in altum maximo impetu ſublata , amiſſo tandem mo-  
tu undique per montis latera decidere cernebantur , provo-  
lataque per declivē , horrendum intuentibus ſpectaculum  
exhibebant .

Hæc montis facies non modo poſtero die nihil immuta-  
ta eſt , ſed multo terribilior evaſit ; in tantum circa ho-  
ram diei 13 recrudeſcente incendio , ut ne diei quidem ſatis  
clara lumen obſtaret , quominus inter denſiſſimos , quibus  
totus pene mons obducebatur, ſumi turbines , flamma , &  
candentia ſaxa rutilarent . Sub noctem cineris , punicum-  
que , & ingentium ſaxorum grando etiam atque etiam in-  
crebuit , ſumusque in ampliores globos expanſus eſt ; niſi  
quod aſpectum non adeo nigricantem , ſed flavum quodam-  
modo, ac ſubalbicantem colorem præferret . Tum vero, quo-  
niam hic rerum ſtatus triſtius aliquid minabatur , proſpi-  
cere quiſque animo, & fugam meditari. Ac proſecto aliquan-  
to poſt meridiem ingenti adeo atque horrendo tonitru inſo-  
nuit mons , ut plerique omnes crederent , non ſine aliqua  
nova immanique illius ſciſſura id fieri potuiſſe . Nec falſi  
opiniōe ſunt . Mox enim latus montis inter meridiem &  
occidentem apertum , & flammas emittens conſpectum; nec  
tamen interea ignis ac ſumi ab antiqua in ſummo vertice  
voragine effluentium imminuta, ſed magis auſta viſ eſt; ac  
graviffimus, qui ex utraque parte erumpebat, ſumus ſub-  
jectos ad mare campos omnes cooperuiſſet , niſi perquam ve-  
hementibus ſpirantibus Auſtris in adverſam regionem aſtus  
longius , ac diſſipatus fuiſſet . Sed prima nocte denſiſſima  
quædam cineris & ſumi nebula quaquaverſum ſe effundens  
totius

totius montis conspectum ademit, quamvis & fremitu ipso horribili magnam materiae eruptionem, quæ paulo post secuta est, minaretur; & confertissimas tenebras frequentes illæ coruscationes interdum discernerent, quales in magnis Vesuvii conflagrationibus sæpe vidisse meminimus, fulminum illorum similes, quæ ignes quidam artificiosi aptissime representant; ac Ferrillos vulgus appellat.

Jam igitur e disrupto recens montis latere ingens materia candentis & liquefacta torrens, majore quam pro more impetu, & qui etiam eminus notari posset, ea parte deorsum ferebatur, quæ Retinam spectat: quam ob rem consternati omnino oppidanorum animi, tristiora longe, quam præceperant, expectantium: cum repente torrens uterque, quorum alter Boscum, ut diximus, Retinam alter petebat, sistitur; ac fulgore paulatim amisso, quasi extincto igni, spes injecta fortuna melioris. Nam quod ejaculato e vertice ingentium saxorum, cineris, & fumi turbine adhuc mons fureret, & sonitu fremeret horribili, & nunquam interrupto, leviora certe hæc omnia videri poterant præ iis, quæ certum ac præsens exitium minabantur. Ceterum non diu ea animo concepta spes mansit. Nam circa mediam noctem, iterum ignis veluti integratis viribus, quæ nova data porta fuerat, in rapidiorem, majoremque, quam antea, torrentem auctus, magna etiam flammæ, fumi, saxorum comitante multitudine, quod non ea parte ante contigerat, prolapsus, totum pene montem candentem exhibuit, accedente quoque fumi omnia involventis, & undique coruscantis splendore. Terribilem hanc per seipsam montis universi faciem adhuc terribiliorem faciebat assiduus, & nunquam ante auditus strepitus, terræque frequens, & formidanda concussio. Tum vero omnium, illorum etiam, quos vel patriæ terræ caritas, vel bonorum amor, vel ingenium audaciores reddebat, fracti animi; arreptisque, quæ ad manum venerant, rebus carioribus, testæ, aliaque viliora victoris ignis arbitrio relinquunt; atque hæc, & illac dispersi, trepidi, turbatique in fugam vitæ præsidium quarunt. Igneus torrens rapido cursu magnam ejus planitie tractum brevi occupavit, quæ apertò nuper

nuper ori subest, quodque vulgo primum planum, qui circa incolunt, appellant; ibique sese aliquandiu continuit, passus fere 500 longitudine. 300 latitudine complectens: quanquam per clivum planitiei proxime subiectum candentia ab ignito lacu saxa deciderent, & correptis genistis, vepribusque, quibus ea parte totus circa vestitur mons, flammarum etiam alte emicantium spectaculum exhiberent; attonitis interea spectantium animis, & omnia, rei ignoratione, prout quisque affectus erat, in diversum trahentibus. Paulo post mediam noctem torrens ille, qui versus Boscuin ferebatur, extinctus omnino est: is vero, qui e superioribus faucibus versus occidentem eruperat, lentissimo admodum progredi cernebatur. Ille vero vastior multo, e latere aperti montis eiectus, cum aliquandiu, ad tres ferme horas, restitisset, nova eruptione paulatim auctus, & supra stagnantem antea materiam sese attollens, in subiectas vales provolutus est, variasque formas assumens, in diversos ramos pro locorum situ, & opportunitate effusus: quorum ille, qui versus Retinam tendebat, cum processisset aliquanto, obviam vallem nactus, in quam sese olim anno 1698 torrens alter immiserat, eo & ipse se exoneravit, agris omnibus, qua transierat, exustis. Is ramus vastior omnibus visus est, habens in fronte palmos amplius 80: qui nisi ea valle coercitus restitisset, nec Capuccinorum Cœnobium (ea enim via ferebatur) nec Turris octava exitum vitassent; quanquam certe non omnino vitarunt. In duos autem divisus est rivus, quorum alter in proximam vallem protrusus, plerosque, qua transit, campos devastavit; alter vero major cum satis spatii progressus esset ad usque Albam fossiam (sic incolæ appellant) quo olim quoque in altera anni 1696 eruptione pervenerat, iterum divisus in duos, pleraque sata concremarunt. Mansit hic aliquandiu immotus, adeo, ut omnino extinctus crederetur: sed xi. kal. Jan. prima luce iterum e media parte prorumpens, proximis vineis exustis, in parvum stagnum refedit. Expectabatur interea summo omnium pavore quid primum torrentis caput moliretur, quod nihil adhuc remisso impetu ferebatur. Itaque proculcat; qua transibat, vineis, & villis

villis quibusdam dejectis, in extremam Turris partem, quæ spectat orientem, pervasit, ibique Regia viâ ponte occupato, qui in adversam ripam vallis alta ad passus 25 transitum præbet ( eandem viam tenuerat igneus torrens anni 1698. sed eo usque nequaquam processerat ) ejusque laterum objectu, muroque horti tantisper detentus, nova superveniente materia, utrinque in publicam viam effusus est; & ad orientem quidem ad 67 passus progressus, sese in Purgatorii adem immisit, totamque sacrum suppellectilem absumpsit: altera vero parte Carmelitarum Ecclesiam ingressus est. combusta porta. Maxima vero torrentis pars in eam vallem, quæ Purgatorii adem, & Carmelitarum Cœnobium interjacet, excurret. Sed quoniam angustia prohibebant, ne latius extenderetur, altius intumescens, aggere superato, per portas in sacrarium & cœnaculum sese immisit; parumque absuit, quin etiam per fenestras in superiorem ædium partem penetraret. Habet ramus ille torrentis, qui regiam viam occupat, in fronte palmos 53, tantumque itineris spatium sex omnino horis confecit; quot nempe a 12 ad 18 diei sequentis intersunt: alter vero plerisque circa campis exustis, statim extinctus est. Solus vero torrens, qui sese in vallem dejecit, non ante horam diei 22, cum non procul esset a mari, moveri desuit.

Toto hoc temporis spatio ad usque VII. Kal. Junii vetus os montis flammæ, cineres, ac saxa perpetuo emisit: at tum primum cœpit ignis imminui, magna vi fulminum prius excussa; & si eadem maneret cineris & fumi copia.

V. Kalend. minor copia fumi; tum coloris dilutionis; sed non minore impetu ad eandem altitudinem extollebatur. IV. Kal. ignis in vertice pene nullus apparuit; & sequenti die omnino extinctus. Pridie, & Kalendis Junii invaluit fumus, sed coloris ex pallido albicantis; qui major adhuc IV, III. & pridie nonas Junii. Nonis ingens pluvia in circumstantes Vesuvium campos decidit; novumque inde spectaculum. Magna enim densissimi, & candidissimi fumi vis e torrentibus imbri madefactis sublata, conspectum rerum ad paucorum fere palmorum distantiam ademit. Tum sulphureus odor perquam vehemens aërem omnem infect,



cit, quod nunquam antea per eos dies acciderat; campisque proximis ad passus fere 600 damnum non mediocre attulit, foliis arborum, & tenerioribus adhuc fructibus corruptis. Nova paucis post diebus ingruente pluvia, iterum sumus, ut ante; sed non idem odor; non enim sulphureus, sed alius maxime, ut qui naribus & capiti apprime gravis, nullam præseferbat certæ rei naturam, cujus hætenus odor vulgo innotuerit.

Ignis ad VII. Kal. Junii vivus vel in extima torrentis superficie mansit; tum demum extingui cæpit, candente adhuc parte interiori per mensem integrum, atque amplius: nam ligna fissa ad duos prope palmos sub torrentis corticem intrusa, ignem concipiebant.

Hætenus ea, quæ ad diariam historiam postremi hujus incendii pertinebant: nunc cetera addamus, quæ vel nos ipsi vidimus, atque observavimus, vel alii nobis fide digni retulerunt. Ac primum omnium calî aerisque habitudinem, meteorologicas scilicet observationes describemus, quæ per totum Majum mensem ad usque v. idus Junii, obtinuerunt. Hæc autem subiecta Tabula exhibet; ad cujus intelligentiam nosse oportet I. nonnunquam eadem die, horis tamen diversis, observationes esse institutas. II. Ventorum majorem, minoremve vehementiam per numericas notas 4. 3. 2. 1. 0. esse expositam. III. Barometri altitudinem per pollices Neapolitanos esse definitum: singulos autem pollices in decem aqualia spatiola esse distinctos. IV. Thermometrum, quo usi sumus, Hauksbejani opificii esse; in quo scilicet frigus summum gradibus 100. ostenditur; summus vero calor grad. 0. V. Tandem aqua pluvia copiam modulis, sive mensuris nosci; qui moduli ita sunt exacti, ut quaterni tantum aquæ contineant, quantum, si aqua omnis in planitie resedisset, ad unius lineæ altitudinem supra terram attolli potuisset: lineæ autem hic quintam Neapolitani pollicis partem æquat.

	Die.	Hora.	Cæli Con- stitutio.	Ventus.	Barometrû.		Thermom.		Pluvia.
					Digit.	Dec.	Grad.	Moduli.	
Majo	1	10 $\frac{1}{2}$	caligo.	S.W.W.	1	34	7	34	
		14	pluvia.			34			2 $\frac{1}{2}$
	2	12	nubes raræ.	S.W.W.	1	34	6	35	
		17	nubes rariores.	S.	2	34			
	3	17	nubes raræ.	S.S.W.W.	1		5	34	
	4	17	nubes.	S.	1		4	35	
		19	fudum.	S.	2				
	5	10 $\frac{1}{2}$	nubes.	S.	1		7	33	
	6	10	nubes & pluvia.	S.	1		6	32	1 $\frac{1}{2}$
	7	18	nubes raræ.	S.W.	1		3	33	
	8	10	fudum.	N.W.	1		4	32	
		16	fudum.						
	9	10	fudum.	N.W.W.	2		5	33	
		17	nubes raræ.	N.N.E.	2				
	10	20	nubes interruptæ & pluvia.	N.W.W.	2		3	31	1 $\frac{1}{2}$
	11	10	nubes raræ.	N.W.W.	1		6	30	
		24	pluvia.	S.W.	1				
	12	10	nubes interruptæ.	N.W.W.	1		4	32	
		20	eadem constitutio.	W.	1				
	13		eadem constitutio.	S.W.	1		3	33	
	14		eadem constitutio.	S.W.	1		5	34	
	15		nubes spissæ & plu-	S.W.	1		6	35	
	16	9	fudum. (via.	W.	1		4	35	
	17		fudum.	W.	1		3	33	
	18	13	fudum.	N.W.W.	1		6	30	
		21		S.W.	1				
	19		caligo.	S.			6	27	
	20		caligo.	S.S.W.			9	28	
	21		caligo.	S.W.			7	28	
	22		caligo.	S.			6	24	
	23		nubes raræ.	S.W.	2		6	29	
	24		pluvia.	S.W.	1		7	24	2
	25		nubes raræ & pluvia.	S.	2		7	26	5
	26		nubes raræ.	S.	2		9	25	
	27		pluvia.	S.S.E.	1		7	27	70
	28		nubes interruptæ & pluvia.	S.S.W.	2		6	27	1 $\frac{1}{2}$
	29		nubes interruptæ.	N.N.W.	2		6	26	
	30		nubes raræ.	W.	1		7	28	
	31		nubes raræ.	W.	1		9	24	
Junio	1		nubes raræ.	S.W.	1		7	24	
	2		fudum.	N.N.E.	2		6	24	
	3		fudum, dein nubes.	N.W.	2		6	21	
	4		eadem constitutio.	S.			7	21	
	5		pluvia extra Urb.	S.W.	1		8	20	
	6		pluvia extra Urb.	S.W.	1		7	19	
	7		nubes raræ & pluvia.	S.	2		7	21	2

*Quæ quidem omnia eo persequi, diligenterque adnotare constituimus, ne quid prætermisisse videamur, quod ad investiganda arcana naturæ opera conferre possit. Cum enim ea mirabili quodam nexu, constantique ordine procedat, juvat plerunque omnes ejusdem effectus simul animo intueri, & contemplari, quo, sicubi alter ab altero pendeat, facilius causa ejus, quod potissimum queritur, innotescat. Sed etiam illud impulit, uti faceremus; quod veteres crediderunt non sine ventorum vi aliqua & potestate in Vulcaniis insulis incendia excitari. Sic enim Strabo (1) Observatio, inquit, fidem fecit, expirationes istas flammarum tum ibi (in insulis Vulcaniis) tum in Ætna ventis exasperari, iisque delinentibus cessare: cumque ex Polybio retulisset, ignem in iis pro varietate ventorum accendi, aut cohiberi, majoremque fremitum savientis incendii, aut minorem exaudiri, addit: ceterum ex fremituum discrimine, initioque efflationum flammarum atque fuliginum prænotici etiam, quis tertio post die spiraturus sit ventus: & Liparentium quosdam facultate navigandi negata, certo prædicere futuram. Qualiscunque autem fuerit veterum de ea re opinio, quam aut hi, aut alii scriptores nobis tradiderunt, nos certe nullo moveri argumento possumus, ut credamus, aut quidquam conferre posse ventorum aërisque temperiem ad excitandum, aut saltem prædicendum hujus montis incendium; aut ab incendii natura, certa que conditione portendi, qui altero vel tertio post die venti spirare debeant. Quanquam nemo quidem negaverit posse ventos non modo huc aut illuc fumum, & cinerem, in remotissimas quoque regiones agere; sed etiam efficere, ut major minorve montium ardentium fragor audiat; ex quo fortasse ea vetus opinio orta est. Ceterum nullas hactenus notas deprehendere licuit, quibus futuras montium ignivomorum conflagrationes divinare possimus.*

*Sunt etiam, qui vel ex odore sulphureo, quo aliquot ante incendium diebus, totum circa aërem affari perhibent; vel ex acido sulphureoque aquarum sapore, quæ ad Vesuvii radices erumpunt, indicia peti posse putant instan-*

*tis incendii . Quod profecto quanquam simile vero videatur , quisquis tamen reputat , sepe odorem quidem ejusmodi deprehensum esse , nec tamen montem arsisse ; contra vero nullo ante odore diffuso magnis nonnunquam incendiis flagrasse ; is certe intelligit , quam temere signis ejusmodi fides unquam adhibeatur .*

*Nec magis quenquam illud movere debet , quod referunt quidam agrestes , se ante aliquot dies , quam mons flagrare inciperet ( quod etiam paulo post terræmotum mense Martio (1) eodem anno acciderat ) cum in proxima silva lignarentur , strepitum ingentem , atque murmur audisse , veluti per angustum aditum ruentium , ac sese comprimentium porcorum ; summoque pavore correptos statim sese loco proripuisse . Id enim neque negare , neque affirmare in animo est , ut qui sciamus , quam facile omnibus per casus ejusmodi turbari mens soleat ; præsertim cum quæ primo parum comperta sunt , rumore deinde dissipato , & conserratis terrore & calamitate animis tanquam certa deinde jactari soleant ; nec desint unquam , quos omnia terribiliora reddere ultero delectet , atque in majus augere . Ut taceam etiam de iis , quæ monstrosa olim anno 1631 in maximo illo Vesuvii incendio accidisse narrantur (2) , & a Plinio in altera epistola , quam de sui temporis conflagratione scripsit (3) , a Dione item (4) de prodigiis atque ostentis memoria prodita sunt , quibus præsagium turbulentum illud ac luctuosissimum tempus vulgo creditum est .*

*Quod si frustra ex his omnibus futuri incendii signa petuntur ; nihilo magis argumento esse potest fumus recta via in altum sublatus , & pini formam referens , majorem tum , ut quidam sibi persuaserunt , instare destructionem ; cum ipse impetus id possit efficere , tranquillo*

*præ-*

(1) Leviculus terræmotus XVI. Kal. Aprilis ann. 1737. paulo ante Solis occasum Neapoli factus est .

(2) Nominatim in Tractatu de Vesuvianis incendiis Jo: Bernardini Juliani.

(3) Epist. 20. libr. 6. Nec defuerunt , qui fictis mentitis terroribus vera pericula augerent . Et paulo post : Plerique lymphati terrificis vaticinationibus & sua , & aliena mala ludificabantur .

(4) In Tito . Magnus numerus hominum inusitata magnitudine , quales gigantes finguntur , in eodem monte , regioneque finitima , ac proximis civitatibus interdiu , noctuque vagari , versarique in aëre visus est .

praesertim calo, & nulla ventorum vi agitato, quod & Plinius (1) optime intellexit, explicavitque.

Quod ad fragorem illum ingentem, tonitrum imitantem attinet, quo interdum, frequentissime vero cum maxime invalesceret incendium, mons & vicinus aër undique resonabat, praesertim XII Kalendas Junii; & non modo firmissima quaque urbis aedificia, perinde atque in terramotibus, sed dissita etiam ad quindecim atque amplius passuum millia concutiebantur; hoc animadvertere licuit, non intimo terrae tremori concussionem illam tribuendam esse, sed aëri a nova & per intervalla repetita flammaram eruptione disjecto; non absimili ratione, atque e pulvere nitrato in ignem immisso, ut nova flamma, sic etiam strepitus oritur. Idque eo argumento satis comperisse censemus, quod montis quidem fragor, aedificiorumque tremor tempore exacte concurrebant: uterque autem subitas quasque & immodicas flammaram eruptiones, aliquo temporis spatio interjecto, subsequabatur; non secus ac in tormentorum explosione fieri solet, quorum flamma prius conspicitur; tum vero post aliquod temporis spatium, pro locorum distantia, strepitus propagatur. Siquidem terrae tremores eodem pene momento temporis vel in dissitis regionibus sentiuntur, scilicet per continentes terrarum tractus motu transmissio & communicato; hic vero nonnisi aliquanto post tempore, quam flamma effulsisset, fragor una ac terrae concussio percipiebatur. Atque hinc fiebat, cur ii, quibus non ignota erat huiusmodi phaenomeni theoria, e sublati in aërem flammis, ut fragorem & bombum, sic etiam aedificiorum succussionem, ex urbe prospicientes, praedicerent.

Fulmina quoque in hac conflagratione frequentissima aëre fuerunt, atque in aliis, quae nostra, patrumve nostrorum memoria contigerunt. Inter cineris & summi densissimos nimbos accensa late coruscabant; referebantque ea fulmi-

(1) Epist. 16. libr. 6. Nubes . . . oriebatur, cujus similitudinem & formam non alia res magis, quam pinus expresserit. Nam longissimo velut trunco efflata in altum, quibusdam ramis diffundebatur; credo, quia recenti spiritu evecta, dein senescente eo destituta, aut etiam pondere suo victa, in latitudinem vanescebat.

*fulmina, quae serpere inter nubes solent, atque hae illae turbato rapidissimoque motu discurrere; nisi quod minor aliquanto fulgor erat, strepitus vero permodicus, ita tamen, ut satis clare per noctis silentium inter tenebricosam fumi & cineris caliginem conspici ex urbe ipsa possent, & vero exaudiri: fragor vero non qualem tonitrua edere solent, aut bellica tormenta ob sinuosos nubium, aut terrarum tractus, contrafactum, & pluries veluti repetitum; sed qui subito, ac pene momento evanesceret. De fulminum hujusmodi Vesuvianorum vi aut effectibus nihil haecenus in aliorum scriptis dignum occurrit, quod hic referretur. Sed neque Borellus in historia, quam Aetnae incendii anni 1669 conscripsit, mentionem ullam fulminum fecit; vel quod nulla ibi unquam fuerint; vel potius quod ob immanem illius montis altitudinem cerni non potuerint, evanescente scilicet inter nimias flammam illorum fulgore. Meminit vero diserte Plinius, ubi incendium, cui ipse spectator interfuit, describit: nam eo spectare videtur, cum ait (1): ab altero latere nubes atra & horrenda, ignei spiritus porrectis vibratisque discursibus rupta, in longas flammarum figuras dehiscere: fulgoribus illae & similes, & majores. Ceterum quod maxime dignum memoratu est, non modo inter obscurissimos fumi e superioribus montis faucibus erumpentes turbines micare fulmina cernebantur; sed inter ipsam quoque ex igneo torrente, longius per montis clium progressu, surgentem caliginem; quanquam debiliora aliqui, & variora. Frequentissima observata sunt in ipso incendii majore aestu; eo vero deservescente, minus frequentia.*

*Illud quoque in Vesuvii montis si non omnibus, saltem maximis quibusque incendiis accidisse narrant historici; mare scilicet recessisse; ac non modo pisces, reductis in altum aquis, sed naves quoque ipsas aliquantis per in sicco habuisse. Idem sua aetate Tiro imperante accidisse auctor est Plinius; idem quoque, qui incendio anni 1631 interfuerunt, scriptores memorant. Sed quidquid ejus rei sit, aut quacunque hujusmodi aquarum recessus causa fuerit, id certe nobis in comperto est, ne minimum quidem per hoc*

in-

(1) libr. 6. Epist. 16.

incendium motum suis finibus mare esse. Quod fortasse argumento esse potest, ut cetera præteream, nequaquam inter majora, quæ olim fuerunt, hoc incendium recensendum esse; minime certe cum binis illis conferendum, quorum alterum Plinii ætate, alterum centum ab hinc annis contigerunt.

Hæret præterea adhuc omnium animis ejus aquarum exundationis memoria, quam omnes, qui de Vesuvio scripserunt, ferunt accidisse, cum an. 1631 maxime mons per incendium insaniret. Ac quoniam creditum vulgo est, atque etiamnum viget opinio, omnem illam aquarum colluvionem ex iisdem montis faucibus, unde ignis emittebatur, præfluxisse; hinc factum est, ut sibi quisque investigandam suscepit causam admirabilis eventus; præsertim cum nihil tale quidquam vel in *Ætna*, vel aliorum montium conflagrationibus accidisse memoria proditum sit. Quamobrem alii alia commenti sunt. Sed, nisi fallor, non tanti facienda est vulgaris illa omnium opinio; nihilque erat, cur in quarendâ causâ tot præclara ingenia tantopere laborarent, cum nihil res miraculi, si rectius diligentiusque ratio ineatur, continere dicenda sit. Nam sive naturam & habitum montis, locorumque monti proximorum consideremus; sive illorum temporum historiam consulamus, nihil occurret, quod fidem faciat, ut plerique tradunt, absorptam e mari aquam per apertas incendio fauces montem evomuisse; immo omnia potius, quibus satis constare possit, nonnisi magnam vim & vehementiam imbrium eam attulisse vastitatem. Et quidem omnes historiæ testantur, assiduam ac maximam per incendii dies fuisse pluviâ; cumque completis plerisque vallibus materia jam ante a Vesuvio eructata, non haberent amplius quibus aquæ alveis continerentur, in subiectos & patentes circum campos, magno impetu effusa, omnia, quæ ferebantur, arbores, ædificia secum traxerunt; ruinamque illam, quam quisque facile completi animo potest, intulerunt. Quod si quis magnam quoque cineris copiam secum reputet, quæ non modo totus undique mons, sed omnes finitimi campi cooperiebantur; is profecto mirari desinet, tantam aquarum inundationem fieri

feri potuisset. Non enim aliter per juga montis cinere strata aqua defluxit, quam solet per ædificiorum tellus, nulla videlicet parte residente aut resorpta, tota decidere. Verum utcumque hæc leviora videantur argumenta, historiæ ipsæ miseri illius & luctuosissimi temporis faciem nobis præstunt, ut falli opinione nostra profecto nequeamus. Ferunt enim non majus certe damnum & calamitatem oppidis illatam, quæ ad meridiem sita sunt, Porticibus, Retinæ, Turri octavæ, & Annuntiæ; quam Summæ, Nolæ, S. Anastasiæ, ceterisque, quæ ad septemtrionem, ex altero Vesuvii latere; spectant: quæ certe alluvionem omnem vitassent, siquidem ab ipsis montis faucibus, unde flamma emittitur, aquæ erupissent: nisi crediderit quispiam potuisse aquam in altum ejaculatam, atque in aëre, aquæ ac cineri accidit, diu suspensam, ventorumque vi versus septemtrionem propulsam, amisso deinde motu, decidere; quod certe absurdissimum videtur esse reputantibus spatium illud vastissimum inter utrumque montis verticem interjectum. Sed cur adhuc de re satis explorata rationibus disceptemus? Exstat (1) adhuc Consilii Collateralis Neapolitani sanctio, quæ non modo municipiis, quorum ager circa Vesuvium vel incendio, vel cinere, & lapidibus, vel aquarum alluvione obrutus atque vastatus est; sed & Abellæ, ob toleratam ab aquarum exundatione calamitatem, immunitates, tributorumque remissiones impertit: aquæ igitur vicini Vesuvio campi, ac remotissimus ad VIII fere passuum millia Abellæ ager vexatus alluvione est. Maximis igitur eo tempore delapsis pluviis ea aquarum effusio tribuenda est; quibus certe inundati campi fuissent, etiamsi nullo per id tempus incendio mons arsisset: quod non raro iis agris usuenire solet, qui montibus subjecti sunt.

(1) Consulatur Tractatus de Vesuvio, ejusque incendiis Jo: Bernardini Juliani pag. 167.



# CAPUT SECUNDUM

De igneo Torrente a Vesuvio ejecto ;  
deque ejus mensura.

**E**A hactenus summatim exsecuti, quæ novissimum Vesuvianum incendium comitata sunt, nulla earum rerum ( quod nostri tenuitas ingenii potuit ) quæ ad eladit hujus initium, processum, exitumque pertinebant, parte prætermissa; operæ pretium nos facturos duximus, si eadem accuratius, atque distinctius retractaremus, certa methodo, partitioneque ea, quam sorte accommodatissimam judicavimus. Porro ex insignioribus incendiorum hujusmodi effectis, sive adjunctis, principem sane sibi vindicat locum ille liquentis ignitaque materiæ fluxus, quem nostrates Lavam appellant; quæ quidem materia frigesacta, formamque, ac duritiem induta saxorum, perenne documentum est ferventissimarum virium fornacis illius, ex qua ad noxam perniciemque plurimorum aliquando derivata est. Horum autem exitialium Vesuvianorum torrentium nulla, quod sciam, apud veteres harum rerum scriptores mentio est: sive quod per ea tempora nihil tale ex Vesuvio sit emissum; cum revera nec par semper, nec usquequaque constans Vesuvianarum conflagrationum modus esse consueverit: sive quod illarum ætatum homines tantarum rerum pavore concussi, turbatique, diligentius horum observandorum nec cogitationem suscipere potuerunt: cumque ardere omnia, pervertique nativam montis faciem ignis vi tradidissent; tum nihil præterea narrandum sibi studiosius censuerunt. Jam vero id sibi quispiam facile persuaserit, in immaniissima illa sub Tito conflagratione, talem liquefactorum saxorum fluentium agmen, quale posteriora sæcula sæpe notarunt, non defuisse, Plinii maxime testimonio adductus, qui scribit (1) quadriresem, quæ avunculus vehèbatur, litus Vesuvio subjacent tenere non potuisse, propterea quod, velut

E

pro-

(1) Epist. 16. libr. 6.

promontorium quoddam, litus ipsam in mare longe procur-  
rerat : sic enim sibi commode interpretari verba illius ista  
forte videbitur : jam vadum subitum , ruinaque montis li-  
tora obstantia ( 1 ) : cujus quidem riparam excursus exem-  
plum suppeditat incendium anni 1631 ; quo tempore ignei  
torrentes e Vesuvio delapsi ad mare usque decurrerant , in-  
que ora ejus extrema inhaeserunt . Sed longe illustrius mo-  
numentum Catana litus servat post Aetnae saevissimam  
erupti nem anni 1669 ; qua tanta ejusmodi ignitae materiae  
vis in mare evoluit sese , ut satis prolixo saxea molis  
tractu conflato , non parva maris pars praclusa fuerit ,  
ut pro portu navium stationi non incommodo esse possit .  
At enim eam litoris productionem, de qua Plinius meminit,  
non inde factam esse, ex eo primum conjicimus ; quod cum  
Plinius avunculus sub ipsius conflagrationis initia e Miseno  
solvisset , credi vix potest , tam brevi tempore , quantum  
conficiendo a Miseno ad litus Vesuvio proximum itineri  
suffecerit , ignitum torrentem e montis jugo ad mare usque  
pervenire potuisse : cum satis exploratum sit, torrentes hosce  
tardissimo supra fidem , impeditiissimoque fluxu deferri . Sed  
Et illud compertum est , materiae hujus effluvium nonnisi  
post fumum, flammisque largiter eructatas, post magnam-  
que adeo montis perturbationem contingere consuevisse . Ad  
hac , cequod tantum illud impedimentum quadriremi litus  
affectanti ab igneo hujusmodi amne creari potuit ; quem si  
vastissimum prope ad miraculum fingere animo voluerimus ,  
vix ad ducentos illum , tercentosve ad summum in fronte  
passus extendemus ? itaque quadriremis cursu nonnihil de-  
flexo, inopinati obicis injuriam vitavisset . Potius ergo pu-  
taverim, immenso cineris , arenae , lapidumque nimbo in  
eum locum incumbente , maritima ora fundum oppletum ,  
accessum quadriremi , stationemque opportunum negavisse .  
Hanc vero conjecturam illa suadet observatio, quod Stabias  
quoque ( quod oppidum a Vesuvio multo remotius , in oppo-  
sita Crateris ripa situm est ) tanta vis lapidum , ruinaque  
inestas habuerit , ut idem scripserit Plinius , nisi avuncu-  
lus , aliique in quodam conclavi versantes tempestive exiis-  
sent ,

(1) loc. cit.

sens, omnem iis evadendi copiam ademptam iri. At quorsum hæc? nempe ut probaremus, vetustissimos scriptores nihil usquam de ignitis Vesuvii torrentibus tradidisse: quamvis de Ætna cum scriberent, disertissimis verbis liquentium hoc saxorum effluvium Strabo (1), Virgiliusque (2) commemorarint.

Primus itaque qui torrentium Vesuvianorum istorum notitiam habuisse, scriptoque tradidisse creditur, Procopius est; qui cum multa de Vesuvii conflagratione persecutus esset, tum quoque huiusmodi igniti fluvii mentionem luculentissimam facit in hæc verba (3): Ex ipso præterea montis culmine in Ætnæ morem fluidus ignis descendens magna illuvie ad radices usque pertendit; fluentique aquæ similis, qua forte defertur, universa absumit. Cui quidem sententia ipse quoque Tillemontius subscribit in Vita Titi (4). Sed vero nobis alia omnino sententia est: nempe fuisse etiam ante Procopium, qui ejus rei mentionem non obscuram fecerit. Nam Cassiodorus (5) in epistola illa percelebri, quam Theodorici Regis verbis ad Faustum Campaniæ Præpositum dedit, torrentes ejusmodi Vesuvianos memoravit: tametsi is, propterea quod verbis ambiguis usus est, facile lectoribus imposuerit. Porro ejus verba sic habent: Videas illic quasi quosdam fluvios ire pulvereos, & arenam sterilem impetu fervente, veluti liquida fluentia, decurrere. Quod enim de arena, pulvereque potissimum meminert, offendiculo fuit, ut cum de arena, favillarumque imbre, Vesuvianorum incendiorum comite, locutum esse lectores imberberint. Cum vero addit Cassiodorus: Stupeas subito usque ad arborum cacumina dorso intumuisse camporum &c. ex perversa prioris sententiæ interpretatione & illa fuit scriptorum hallucinatio consuetudina, ut

E 2

pro-

(1) Lib. 6. p. 413. Lapide in crateribus colliquato, ac deinde sursum egresso, humor vertici superfusum cœnum est nigrum, per montem deorlum fluens: deinde ubi concrevit, lapis fit molaris.

(2) Lib. 1. Georg. Vidimus undantem ruptis fornacibus Ætnam flammarumque globos, liquefactaque volvere saxa.

item III. Æneid. vers. 576.

(3) lib. 3. de Bell. Goth.

(4) artic. 6. (5) Variar. lib. 4. Epist. 50.

proderent, in Vesuvii sub Theodorico Rege conflagratione tam magnam cineris copiam in adjacentes campos depluisse, ut arbores ad extrema usque cacumina obruerit, penique contumularit: itaque dum in ejus incendii, a Cassiodoro gravissime descripti, mentionem incurrunt, scilicet id mirabundi depradicant, tantam cineris vim ea tempestate pluisse, ut arborum culmina exaquaret. In hac sententiam Tillemontius ipse (1); in hac Josephus Macrinus in *Traëtatu de Vesuvio* (2) aliique concessere. At ego (quod eorum pace dixerim doctorum hominum) allatis hisce Cassiodori verbis ipsissimos torrentes igneos, de quibus sermo nobis institutus est, designari puto. Quod autem ibi arena, pulverisque mentio interjecta sit, id videlicet eo factum est, quod, si quis interdum horum torrentium cursum observet, pulveream maxime, arenosamque colluviem, lapidumque fluitantium fragmenta sibi videre videatur; abstersa scilicet, abolitaque pene omni, pro majore ambientis aeris effluvia, concepti ignis specie: id quod suo clarius loco patebit. Præterquamquod, sicut fidem omnino excedit, tantum aliquando cineris nimbum posse demitti, ut totas arbores illico cooperiat, opprimatque; ita e contrario non semel observatum est, ignitos torrentes in eam altitudinem subcrevisse, ut procerissimarum plantarum cacumina facile superaret. Nullus igitur reliquus est (nisi nostra nos fallit opinio) de Cassiodori mente dubitandi locus (3). Sed enimvero non idcirco animum inducimus, ut credamus, superioribus sæculis Vesuvium hujusmodi liquefactorum saxorum flumina nunquam alias evomuisse, propterea quod antiquiores scriptores de ea re omnino siluerint. Cum enim in *Æt-na*, *Æoliarumque insularum incendiis* hos ignitos effusos esse

(1) loc. cit.

(2) cap. II.

(3) Hoc ipsum luculenter ex Sigonio, *De occidentali imperio lib. 16. ann. 512.* eruatur, qui Cassiodori sententiam planius proponit in hunc modum: *Cinis inde tantus effundebatur, ut provincias quoque transmarinas obrueret. In Campania vero quidam quasi pulverei amnes sivebant; & arena impetu fervente more fluminis decurrebat, qua plana camporum usque ad arborum cacumina tumescebant.* Quibus scilicet verbis arenæ, cinerisque imbrem ab ignitorum torrentium fluxu aperte distinguit: torrentibus autem ejusmodi camporum intumescuntiam ad arborum usque cacumina tribuit.

esse torrentes; Strabonis, vetustiorumque etiam auctorum testimonio teneamus; eamque unus Vesuvius a consortium montium indole descivisse dicendus est? Itaque aut omnia, aut pleraque saxea illa strata sub Aedibus Fratrum Predicatorum S. Mariæ ab Aëre deprehensa atque effusa, pro vetustissimis Vesuvii ignitis effluviis habenda sunt. De eorum vero ætate tum demum certi aliquid pronuntiare liceret, si & illud cognitum haberemus, quo primum tempore prisca montis constitutio ac deformatio immutata sit, inque eam, quam cernimus, speciem faciemque conversa.

Verum his omisissis, profecto cum tot tantisque documentis exploratum sit, Vesuvium torrentes ejusmodi, salutem a Procopii ætate, emisisse; eaque re maxime Ætnæ morem emulatum esse; plane non assequimur, quid sibi voluerit noster Thomas Cornelius, cum in suo de Sensibus Progymnasmate, postquam de Ætna, deque insulis Vulcaniis, ac de ignitis saxorum fluviis inde manantibus verba fecisset, miranti similis Vesuvianam hanc ipsam indolem narrare suscipit, velut ab se primum cognitam, atque assertam. Ita enim inquit: Quid? quod ipse quoque Vesuvius ejusmodi materiam (quod a nemine ante nos fuerat animadvertum) semel ac iterum large, copioseque eiecit? Quo hæc contigerint ævo, latet penitus in obscuro &c. Ut enim superiorum ætatum homines nil tale unquam nec accepissent ipsi, nec aliis tradidissent; certe quidem quicumque memorabilis conflagrationis Vesuviane anni 1631 commentaria reliquerunt (quæ scilicet calamitas Cornelii memoriam multum præcesserat) ii aperte de immensa quadam ignitæ materia colluvie meminerunt; cujus videlicet ardore atque impetu prædia, villæ, oppidaque haud ignobilia inflammata sunt, atque disjecta: ut nihil omnino fuisse videatur, cur ejus rei, quæ tantopere testata, vulgataque erat, gloriam sibi ille inventionis, vel certe observationis arrogare vellet. Illud modo fortasse novum, & ad eam diem inusitatum facile crediderimus; quod nimirum nostris in mentem venerit, ex horum torrentium in silicem obduratorum venis quadratos lapides excidere, & continnare, quibus urbis viæ commodius sternerentur; quod a Cornelio eodem

eodem loco proditum memoria est. Sed de his hactenus : quod occæperamus dicere , persequamur .

Anno itaque 1631 horum torrentium vis intemperatissime defævit ; totumque pene meridionalem , occidentalemque montis clivum incredibili vastitate occupavit ; quin & plerique amnes hujusmodi , superato pluribus in locis objecto litore , in mare sese exoneraverunt ; atque ex eo tempore , ne in levioribus quidem incendiis , non aliqua existit liquefactorum lapidum eructatio ; ut ea circa summum Vesuvii craterem plerumque substituerit . At in postrema conflagratione hac , sive quia reliquas nostræ , patrumque nostrorum memoriæ omnes ( una illa excepta , quæ anno 1631. facta est ) vehementia impetuque superaverit ; sive quia torrens igneus ex recenti hiatus circa medium fere montis egressus , non parvum itineris compendium fecisse videri possit ; sive tandem quia per rectas expeditasque vales iter aggressus , non ita magnum virium suarum , per anfractus diverticulaque viarum , detrimentum subierit : quæcunque , inquam , ex his causa ponatur , sive ea magis omnes in hanc rem conspirarint ; illud certe satis est exploratum , ab incendio anni 1631. nunquam alias ignitum hoc flumen tantundem spatii decurrisse ; usque eo , ut & regiam viam intercideret , modicoque a mari intervallo subsisteret .

Porro princeps hic torrens , qui ad mare usque delatus est , xlii. Kalendas Junias sub occasum solis erupit , ut in Ephemeridibus adnotatum est : eique eruptioni horribilis montis fragor & bombus , circa decimam nonam ejus diei horam , prælusit ; qualem alias quoque sub vehementioris alicujus incendii initium exauditum esse accepimus . Quasi nequeant torrentes ejusmodi ignei erumpere , inque conspectum venire , nisi solidiore quadam nativæque montis crusta diffracta , ac debiscente ; quod necessario displosio quadam , tonitruque terribile consequatur . Sed vero illud nobis in obscuro est , an ad eandem diei horam fluvius ille ignitus decurrere primum incæperit , qui inclinata jam die omnibus palam innotuit : an tanto temporis intervallo opus fuerit , vel ut ejectanda materies magis magisque excoque-

retur ,

retur, atque in faciliorem fluxum liqueceret; vel ut ex abditioribus cuniculis, quibus forte harebat, ad superiorem montis crustam contenderet, atque evaderet. Vero tamen similis putaverimus, protinus ab audito strepitu tonitruque fluere liquentem materiam illam coxisse, satis tamen lente, atque impedita; ut non ante solis occasum luculenta illius torrentis species spectatorum oculis objecta sit.

Sed & illud verbis plane designare haud facile fuerit, quo potissimum loco emissarium ejus amnis existerit: ut montis delineationem (quam in calce hujus commentarii dabimus) intuentibus, qua parte occasum meridiemque spectat, ipsa sese offert primaria hujusmodi torrentis origo. Verum id nos minime pratermitteremus, tunc nobis ejus scaturiginis locum pressius designatum iri, aliisque commodius intellectum, si ignivomum cinereumque verticem, ex quo ab affini vertice secedit, in terna parvis altitudinis segmenta cogitatione partiamur; nam eo ferme intervallo, quod inter infimam mediamque sectionem est, igneum id flumen emissum fuit, quo nimirum ex loco etiam anno 1631. quantum ex ejus incendii historia eruere potuimus, ingens ille liquefactorum saxorum fluvius erupit, qui subiectos late campos inundavit: vel certe, si revera designatus is locus non ipsissimus fuit, ad eandem montis libellam latus aliquod, unde tanta vis ignitæ materiæ efflueret, patefactum est. Supra hunc novum montis hiatus cernere licet immane quoddam montis segmentum diffusum dissolutumque, instar ingentis cujusdam arte excavati forniciis; id quod facillime eo factum est, quod ibi montis compages nonnisi tumultuaria ac fortuita lapidum arenæque coacervatione conflata esse videtur; ut ipsa per se res loquatur ruinam eam intuentibus. Hæc autem ruina, sive hiatus, fieri potuit materia primum concussa, tum desedente, atque in subiectum chasma proriente: quamvis id chasma, vi ignium factum, desuper ipsa rursus materia concrecente, atque incumbente complanatum, suppletumque sit. Ea igitur, quam descripsimus, nupera montis scissura est, ex qua immensus is torrens, qui ad mare usque perripit, effusus est: sed & simul ex superiore cratere (quod su-

pra monuimus ) alii quoque rivi ejusmodi defluerunt, sed qui non longe admodum progressi sunt ; quare hodieque licet cernere per supremum montis verticem , satis cetero-qui declivum , magnum eorum numerum velut in sublimi penditium , alterius altero superioris , latiorisve .

Hi autem novissime e Vesuvio emissi torrentes eminus etiam spectantibus facile in oculos incurrunt ; neque tantum ex eo , quod solum, cuicumque forte adhaerunt , tumere , adjacentesque campos superare videatur ; quod ipsum tamen, sicubi vallibus infederunt, animadverti nullo modo, ne cominus quidem , potest ; sed inde etiam magis , quod ferrugineum atrumque colorem referant ; eoque imbuti diversi quidam amnium tractus per montis clivum ducti conspiciuntur . Talis autem color eo magis satur ac densus apparet , quo propius scatebras suas torrentes aspexeris . At temporis itinerisque processu sensim remittit , tum evanescit , usque eo , ut si longo post tempore spectentur eo loci , quo soli elevatio notari facile nequeat , ex uno coloris aspectu dignosci minime possint . Hoc igitur maxime coloris discrimine , tempestati , qua singuli torrentes ejectati sunt, ut docuimus , respondente , expeditum tutumque observatoribus est de eorum ignitorum amnium aetate, qui cinereum montis clivum frequentes obsident , judicium ferre : siquidem post excussum , quem induti processerant , atrum ac ferrugineum colorem , eo tandem deveniunt , ut pra se nil aliud ferant , quam vulgarem communis terrae speciem . Cujus aspectus commutationis caussum partim circumambienti aëri , & aquae pluviae assignare possumus , partim etiam irruenti sive cineri , sive palvisculo , eodem , ventorum nimborumque vi, adacto , atque injecto . Interim si quis Vesuvii montis , tot tantisque per omnem aetatem torrentium semitis distincti , imaginem formamque aliquam imbibere utcunque velit , is intacta adhuc terrae planitiem videre se reputet , in qua tum primum semitae tractusque varii conspiciantur , neque uno tempore, neque certo ordine aratro distincti . Ibi tractus ii , qui recentissime avastrum experti sunt , nigrum fere colorem referent , qualem scilicet uligo , qua terra imbuta est , exhibet ; partes vero ce-  
tera



terra pro tempestate, ex qua arando versa sunt, ab ea coloris specie plus minusve desciscunt; quousque eo ventum sit, ut non tam a coloris, quam a glebarum observatione conjiciendum sit, tales terræ tractus vim aliquando aratri subiisse. Atque hoc quidem exemplo non modo id declaratur, quod ad colorem pertinet diversorum diversis temporibus ejectorum a Vesuvio torrentiam; sed & id commodi insuper inde existit, ut probe intelligatur, eorum agminum quis positus sit, quæve constitutio; tum quæ superficies sit altera attritior, aut asperior. Nam quo pacto, dum prius integra intattaque terra proscinditur, emergunt fragmenta illius, formæ moleque inter sese diversissima; tum glebæ aliæ alio situ, aut subnixæ consistere, aut abjectæ jacere, aut aliter vomeris irruentis cæcum impetum, modique ac directionis expertem, ostentare: ita pariter sese intuentibus exhibent, primo quidem aspectu, torrentes ii, de quibus differimus: quo fit, ut is, qui nullam ejus, quod est, notitiam præceptam habens, oculorum tantum judicio fidere velit, necessario in eam opinionem abiturus sit; sibi varios terræ tractus videri, quibus tum primum aratram sit alte immissum, eoque eversa omnia, turbataque, ac confracta. Sed enim illud inter hæc discriminis comperias, quod torrentium quidem fragmenta non solum magnitudine, sed & acutæ firmitudineque aliarum terrarum particulas facile superant, ut & angustis sæpe basibus non ægre innixæ subsistant; & positum formamque eam, quam primitus obtinebant, diutius servant: in terræ autem glebis, utpote fragilioribus, compageque laxiore constantibus, hujusmodi nihil invenias. Ceterum quemadmodum in terra jam pridem subacta cernere licet exstantiores glebarum angulos, & si nulla ad id opera adhibita sit, procedente ætate obtusos, perfractosque, ac tenui undique pulvisculo superinducto squalentes; id ipsum in Vesuvianis quoque torrentibus observatur. Ex his itaque animadversionibus nec ægre, nec temere conjecturam de torrentium horum ætate, primæque eruptione capiemus; siquidem tum coloris, tum status eorum angulorum, sive exstantiarum rationem, quam tradidimus, habuerimus.

cici asperitas, quam explicavimus, haud illa quidem usquequaque par & aequalis per totum torrentis tractum apparet: nam sub initia quidem illius, materia quoque natura id ferente, lenior est, atque aquabilior; de quo infra copiosius.

Illud autem hic praetermittendum non est, in horum torrentium decursu, maxime vero ejus, qui ad mare usque devolutus est, fere centum passibus antequam ad publicam viam deveniatur, rudera exstare, ad quindecim aut viginti fere palmos super cetera saxea materia planum eminentia: de quibus videtur statuendum, ea fragmenta esse nativorum rupium montis, in quas ignitus amnis incurrerit, transversasque egerit, quousque illa obicem quemcunque natia, subsisterent, crustaque, fluentis materia contagione, obsiderentur. Horum autem saxorum, sive a torrente ipso fortuito incurso delatorum, sive ejectorum a superno montis biatu, passim vim magnam offendas, quo se cunque torrens diffuderit; quae allapsu superfluentis materia, quasi limo & ferruginea quadam scabie cooperta visuntur: quamvis cortex iste, vel crusta, tam modice, laxaeque ejusmodi saxi adhærescat, nullo ut negotio inde possit avelli: avulsa autem atque abstracta plane eam formam positumque servat, quam subiecta saxi superficies ei, cum a liquiditate obduruit, impertivit. Itaque haud infrequens est ejusmodi extrariorum saxorum occursum, quae partem quidem faciemque torrenti adversam crusta obductam & coopertam ostendant; aversam autem, prorsus innoxiam, atque adscititia labis expertem.

Est illud praeterea animadversione dignum, pluribus locis in torrentis superficie offensas nobis atque notatas massas quasdam, tam affubre conformatas, ut non tam temerario caetque materia coalitu, quam constanti prudentique ac necessaria causa effictas primitus fuisse suspicari possimus. Quae suspicio vel ex eo juvari potest, quod ejusmodi concretarum materierum plane similium multa, intra satis modicum torrentis tractum, comperta sunt. Conformata autem sunt ingentium quarundam pilarum modo, rotunditatis, pro tot tantarumque caussarum tumultuario perturba-

turbatoque concursu , admiranda : Magnitudine inter se admodum differunt . Maxima earum , quæ nobis observantibus objectæ sunt , quatuor , vel amplius , pedum diametro constat : eaque vix paucis passibus a via regia distat , montem versus . Materia conflantur eadem , qua torrens reliquas : consistunt mediocriter : colore , ceterisque dotibus nil peculiare ac proprium , nil insolens præ se ferunt ; forma autem , in quam elaborata sunt , nonnihil habet elegantiae , ac dignitatis : itaque conformatio ipsa faciem præferre possit videtur , ut de illarum primæva structura aliquid vel divinando conjiciamus : nimirum successivo diuturnoque , secundum singula puncta superficiei , rotatu , eas primitus coaluisse . Sunt enim ita compositæ , ut consent multiplici crustarum , sive laminarum , duos tresve digitos crassarum , ambitu : quæ quidem lamina , alteri altera superinducta , suum quæque orbem fere conficiunt & absolvunt , ad eum maxime modum , quo lapidum Bezoar , calculorumque in animantium vesica succrescentium compages exacta est : eaque facili negotio altera ab alteris dimoveri , divellique possunt .

Id modo expediendum superest , æquis modus , mensuræ fuerit ejus universim materiæ , quam hoc incendio Vesuvius in torrentes egressus : hoc autem supputatione rudiori utcumque præstabimus . Jam maximi torrentis longitudo , qui a novo montis chasmate ad mare usque protenditur , Neapolitanis mensuris ( quas Cannas vulgus appellat ) 3550 fere constat . Neapolitana Canna palmis item Neapolitanis octo comprehenditur : palmus autem nostras pede Parisiensi sexta parte minor est ; ut sex Neapolitani palmi quinque pedibus Parisiensibus aquiparentur . Latitudo ab ipso torrentis exortu per cannas fere 750 , totidem cannis definitur : media profunditas palmis octo . Quæ in longum supersunt canna 2800 , latitudinem mediam ( quantum ex decies repetitis , atque ad rationem redactis observationibus innotuit ) obtinent palmorum 188 : mediam vero profunditatem palmorum 30 .

Ex majoris rursus torrentis derivationibus , rivus ille qui in cultos campos vineasque effusus est , a puncto discessus

*ad longitudinem habet cannarum 1150 : ex quibus cannae 1050 , latitudinem mediam, triplici exploratione cognitam, dant palmorum 207 ; profunditatem palmorum 10 . Reliquae in longum diffusae materiae latitudinis, est cannarum fere 100.*

*At rivus, qui Cappuccinorum Cœnobium versus delatus est, longitudinem exhibet cannarum omnino 1800. latitudinem, septies repetitis observationibus deprehensam, palmorum 548 ; profunditatem palmorum 20 fere. Ex qua ratione conficitur, materiam illam, quae torrentis igniti specie e Vesuvio profluxit ( nam de cineris, lapidumque incendii tempore ejaculatorum ; ut & de reliquorum minorum torrentium a supremo vertice devolutorum mensura, nullam iniri hic rationem fatemur ) palmos cubicos equare fere 595'948000.*

## CAPUT TERTIUM

*Alia quædam in Vesuvianis Torrentibus insigniora .*

**Q**uidquid hactenus de Vesuviano Torrente igneo narratum est, notiora quædam, magisque obvia illius adjuncta complectitur : reliquum est, ut de nonnullis aliis, quæ ratio historiae hujus postulare, quaque operam qualemcunque nostram mereri videntur, verba faciamus . Et principio quidem illud in antecessum animadvertendum, torrentem hunc bisariam spectari expendique posse : sive cum recens e monte effusus est; sive postquam incendium plane desedit : hæc enim duo longe diversa sunt . Tum enim, cum primum erupit, & fluit quidem ille, liquorum instar, atque ignescit, vimque habet urendi ; nam per noctem lumen quam longissime emittit, non vivax illud quidem ac rutilum, quale flamma consuevit ; sed languidius atque enervius, eorum corporum modo, quæ citra flam-

*flammam candescunt : tum qui ad ignitum id flumen propius accesserit , is profecto vim illius igneam vehementissimam sentiet , quemadmodum & ipsa pessimo suo sentiunt arbusa , adificiaque , ac cetera omnia , in quæ is torrens incurrerit . At vero si quid vis ignis remiserit , exempto fluendi facultate deficitur ; ut non coire solum & coalescere , sed & in saxum dirigere videatur : tum ignitam speciem , coloremque ; postremo , sensum tamen ac pedetentim , ipsum etiam calorem amittit .*

*Ut primo igitur de materiae hujusce fluore differamus ; nobis videtur ille non incommode fluori vel bituminis liquati , vel etiam magis vitri fusi comparari posse . Sed fluxus hujusmodi , ( sive mollitia magis ea dicenda sit ) nec in omnibus torrentibus par-omnino deprehenditur , nec parem in quavis ejusdem torrentis parte gradum , rationemque servat . Præter enim id discrimen , quod a primigeniæ materiae conditione , atque ab admistione diversorum corporum , alterius altero solubilioris , proficiscitur ; certe ipsa vis ignium potior ac vehementior majorem eidem , ac ceteroquin pari materiae , fluxum ingenerare potest . Qua ex re commode intelligimus , qui factum sit , ut ignitus fluvis nupera hac eruptione a recenti montis biatu effusus , multo fluidior eo fuerit , qui e superiore cratere manavit ; id quod ex inæquali utriusque cursu addidimus : nimirum in parem materiam hujus par ignis actio atque efficacia fuit . Necnon & illud assequimur , quamobrem torrens ipse , quo scatebræ suæ initiis propinquior est , eo majore impetu fluat : & contra , quo inde longius abierit , eo etiam amplius de fluore remittat . Ad hæc , sicut non omnes ignei amnes aquabiliter fluere consueverunt , nec quacunque in parte locove torrens idem , ut dictum , fluxu pollet æquabili ; ita longe etiam alia vis fluendi in partibus torrentium extimis , seu superficie , ac in visceribus prope ipsis esse comperitur . Quippe a multis sæpe observatum est , tum , cum sese torrens evolvit , si oblongo hastili exteriores ejus partes verberentur , eas tam firmas obduratasque deprehensum iri , ut & sonitum remittant , atque resurgent ; cum interea nibilo secius interior massa liqueat : fluit enim*

enim illa ; quod certe , ni liqueret , omnino non posset .

Verum si quis forte hanc vim fluendi , seu , quam rectius dixeris , liquiditatem Vesuviana materiae ejusmodi abjudicare velit , sibi que persuadeat , torrentes hosce nisi massam quandam esse ambustorum rudera , cinerisque igniti , eamque solo violento continentique motu ab igni suscepto defluere : non secus atque conspiciamus , saxa camentaque subruti aedificii uno deferri impetu , moverique Et quodammodo fluere , si loci natura patiatur ( cui profecto sententiae momentum addere ipsa torrentis etiamnum fluentis contemplatio possit ; quippe in quo nihil prater confractorum lapidum congeriem , terraeque , ac cineris praerupte ruentium , seseque vicissim impellentium speciem tibi videre videaris , sine ullo liquiditatis indicio ) si quis , inquam , ita opinetur , is facile ab ea opinione discedet , si duo prater cetera animo reputaverit . Primo quidem , si vel semel ad internas fluminum istorum partes animum adverterit , deprehendet tam solida omnia , inque unum veluti corpus conflata , atque compacta per id omne , quo decurrerint , spatium , ut omnino intelligat , fieri non posse , quin fluxa liquidaque primo ea materia exstiterit , quae deinde in tantam soliditatem duritiamque concesserit . Rursum crusta , quae saxis , a torrente inter fluendum adscitis , adhaerescit ( quae nimirum crusta saxorum ipsorum figurae , ut dictum , apprime respondet ) locupletis documento est , ipsam aliquando mollem fluidamque fuisse : ut de clavis , aliisque corporibus extrinsecus assumptis taceamus , quae materiae istius penetralibus artissime cohaeserunt : nisi enim materia illa mollis primum exstitisse ponatur , nullus intelliget , qui valuerit ea vel tam facile arcessere , vel tam intime complecti . Porro curam hanc laboremque asserenda liquiditatis Vesuvianorum annuum idcirco suscepimus , quoniam torrentes hos cursim semel , aut iterum intuentibus , haud facile veritas innotescere potest ; pluresque sunt , qui vel errore , vel perverso loquendi usu , non satis hujus materiae indolem cognovisse videntur ; cum eam alteri pulverem , alteri cinerem , alteri glaream appellitarint ; ut de Cassio.

*Cassiodoro* (1), *de Carafa* (2), *de Borellio* (3), aliisque (4) dici potest.

Jam vero, ut ad institutum nos nostrum revocemus, nonnihil etiam de vario diversoque fluore, qui in diversis torrentium partibus, externis scilicet, atque interioribus, observatur, dicendum est: quandoquidem, ut ante docuimus, externa jam tum rigent, cum intima vel in fluxum molles sunt. Hanc differentiam Borellius quoque in dissertatione de conflagratione *Ætnææ* & agnovit, & tradidit: ejusque rei causam, satis profecto accommodatè, in aëris efficaciam confert, qui massa totius, jam universim liquentis, exteriorem quidem partem allabendo efficiens, tantum inde caloris subducit ac dissipat, quantum præsentì mollietati adimenda satis esse possit: coque fieri, ut statim atque in apertum torrens erupit, pars illius exterior, crusta superinducta, prope in saxum obdurescat. Cui quidem sententiæ repugnare ipsi plane non possumus: quin & illud adjiciamus, quod si cui forte tam subita commutatio insolens difficilis videatur; sibi que persuadeat, potius aërem tam ferventis ignitæque materie propinquitatè, atque attactu incallescere oportere, quam ferventissimam materiam

vi

(1) loc. cit.

(2) Qui cum in sua de conflagratione *Vesuviana* dissertatione torrentibus hujusmodi igniti cineris appellationem omnino tribuisset, in hæc verba alicubi locutus est: Nunc adeo obdurnit cinis ille, ut in lapidem diriguisse videatur. Quæ scilicet loquendi ratio satis declarat, eum *Vesuvianorum* torrentium naturam haud penitus intellexisse.

(3) Borellius torrentes *Ætnæos Glaream* constanter appellat in historia *Ætnæi* incendii: quamvis satis ille quidem alias ejusmodi glareæ sive torrentium germanam indolem exposuisse dicendus sit.

(4) Adeo verum est in Montium ignivomorum torrentibus designandis plerisque offendisse, ut Virgilii paraphrastes & interpres Carolus Ruzus liquefacta saxa ( quibus verbis I Georgic. vers. 473, & III Æneid. vers. 576 pariter Virgilius usus est in *Ætnææ* commemoratione ) interpretatus sit: Saxa exesa, et igne comminuta, seu pumices aridos ac spongiosos, vel cineres: quod inde constat magna interdum copia erumpere. Item Exesa in pumices, commutata in cineres, qui torrentium instar inde erumpunt etc. Ex quibus manifestum est, aptissimam Poëtæ phrasim imperiti hominis temerario judicio in præposteram explicationem esse deductam.

*vi circumstantis aëris refrigescere; is vulgato vitri fusi experimento refelli poterit: quod cum ad nota artificia in caminis comparatur, ignescit quidem & candescit maiorem in modum; at mox, ut in apertum eductum est, in tantam duritiam cogitur, ut & summam fragilitatem, qua nihil est magis a mollitia alienum, induat. Qua in re & illud constat, non solum vim aëris notandam esse, sed indolem etiam peculiarem eorum corporum, in quæ vim suam aër exercet: etenim bitumen, pix, aliæque id genus, ad ignem resoluta, quanquam ad primum frigidi aëris allapsum coagulari incipiunt, tamen non penitus solidescunt: immo, cum ejusmodi soliditas illorum corporum nature minime conveniat, affirmare tuto possumus, illam nullo unquam tempore adscitura fore. At vero vitrum, ceteraque, suo qualibet modulo, metalla fusa, vix dum remittente ignis in ea actione, pristinum duritiei statum exemplo recuperant: id quod omnes experientia sumus edocti. Ceterum præter id discrimen, quod aëri haud immerito fertur acceptum; aliam nos causam subesse cognoscimus; quare torrentium superficies ab interiore massa, firmitudine ac soliditate diffideat: nimirum, quod lapidam glaræque his torrentibus supernatare solet, id non omne partem esse, ac veluti spumam torrentis ipsius; sed, opinione quidem nostra, pleraque illa adscititia esse, fluminique igneo adjecta, vel cum primum e montis faucibus ejectaretur (proindeque ad eam montis crustam pertineant, quam torrens ipse exitum affectans diffindere amoliri que debuerit) vel sorte deinceps in decursu objecta arreptaque: in summa, illa esse ejusmodi, ut igni his immutandis liquandisque nec temporis fuerit, nec virium satis; sed ea, pro suo cujusque ingenio, vel concremarit, vel superficie tenuis ambusserit, vel in calcem redegerit. Porro ut ita opinaremur, multis rationibus adducti sumus. Primum enim sæpissime videas in torrentis margine complura ejus generis saxa tam ab interiore massa, atque adeo ab ceteris saxis affinibus, natura diversa, nullo ut pacto tibi (quod Borellius forte arbitratus est) persuaseris, ea fragmenta, frustaque esse illius crustæ, quæ primum aëris ope toti liquenti massæ  
 su-*



*Superinducta, tum præ diverso disparique partium motu disiecta sit, atque discesserit: indeque tanta partium, ac formarum varietas exstiterit. Cum enim interior massa, serius illa quidem, verum æque ac cortex ipse, obdurescat; necessario deberent tandem utraque homogenea, ejusdemque prorsus indolis apparere. Rursum tam magna glaræ lapideæque torrenti supernatantium copia nonnisi in remotioribus ab ipsius torrentis origine locis visitur; ut indicio sint, quo ulterius ille progressus sit, eo uberiores talium corporum multitudinem offendisse, arreptamque secum tulisse. Postremo, ima etiam superficiæ, qua ignitus hic amnis terram contingit, crusta adnata deprehenditur asperior, ac fere spongiosa; quam ~~orse~~ nemo sanus ab aëre effictam putaverit; cum inter solum, liquidamque materiam maxime gravitantem nullus aëri locus nedum ad agendum, sed ne ad subrependum quidem reliquus esse possit. Longe ergo verisimilius est, crustam illam ex terra, glaræque, ac lapillis ab igne torridis, ibique quasi affixis intimeque coalescentibus constatam esse. Sed enim præ his omnibus, quas ad opinionem hanc nostram firmandam attulimus rationes, ipsa torrentis oculata ac diligens observatio scrupulum omnem eximet; ipsosque etiam obstantes in sententiam nostram coget: evincet enim, præter eam partem flumini isti primigeniam cognatamque, quam secum illud ex ipsis montis visceribus eduxerat, plurimum etiam forinsecus accessisse, inter decurrendum adscitum; idque impotentissimo astu prope in aliam naturam, in insuetum nempe colorem, gravitatem, & soliditatem abiisse. Cujus positionis & illud etiam consuetarium est; quamobrem materia isthac prope biatum ipsum montis, ex quo evomitur, purior, magisque impermixta, coloreque etiam saturatione videri soleat; tum videlicet, cum nondum tot admixtis corporibus conturbata est; nec dum propemodum a se ipsa desciverit. Sed hæc hactenus.*

*Porro illud notandum, fluxum hunc igneorum amnium admodum lentum esse, multisque partibus remissiore aquæ, ceterorumque ejusmodi liquorum cursu: qua de re plura alias, atque opportunius. Interim tamen ad rei hujusce*

G

pro-

probationem juvat illud asserere, quod nos ipsi non procul a nupero montis biatu, unde vastissimus recenti hoc incendio torrens erupit, mirati sumus. Cuncta nobis accurate lustrantibus forte saxum occurrit, in quod cum ignitum flumen pene recta incurrisset, exsiliit quidem illius pars ceterorum liquorum modo, si in eundem locum forte magno impetu fuissent adacti, quatuor ferme digitis super saxi superficie effusa: at cum recidere, refluereque cum cetero agmine debuisset; hæsit, concrevitque eodem loci; speciem videlicet aliquam imaginemque referens earum, quas Chæmici dicunt, Vegetationum; quas videlicet ipsi diversis metallis exhibent, ex imo vase, quo continentur, per interiora ejusdem latera sursum enitentibus. Quod spectaculum duo nobis pariter cognoscenda obtulit: mirificam scilicet ejus materiae tenacitatem; & incredibilem ad eam obdurandam aëris efficaciam; quarum profecto rerum si alterutra defuisset, nil plane ejusmodi factum esset. Quodque magis mirere, prope ipsum torrentis exordium, ut monuimus, id contigit; nimirum cum materia ipsa liqueret, feruereque ut cum maxime; quemadmodum ex his, quæ adhuc disputavimus, quæque deinceps sumus de horum fluminum motu dicturi, aperte constat.

Altera torrentium ignitorum etiamnum fluentium conditio insignis, est immanis quædam, planctque incredibilis ignea vis; cujus quidem primum efficacia, tum vero diuturnitas atque longævitas expendenda nobis est. Et ad primam quod attinet; quandoquidem satis jam inter physicos constat cum experientia populari, tum vero accurato a viris doctis tentamine instituto, vim caloris atque energiam non esse octo illis gradibus, quos Scholæ commenta sunt, metiendam (cujus quidem positionis consequens illud esset, ignem ab igni discrepare quidquam non posse) sed calorem materiae, quam forte corripuerit, firmitudini, ac densitati respondere: hoc, inquam, posito, facile exinde conficitur, quam vivaci, quamque acri calore materia isthac Vesuviana exardescat. Neque tamen tota concipiendi caloris disparitas ab una densitatis materiae disparitate pendenda est: quippe permulta materia sunt, quæ peculiari, atque

atque occultiore indole & ad concipiendum acrius, & ad diutius retinendum calorem comparata sunt: itaque passim videmus, non solam metalla vehementius, quam tenuiora rarioraque alia corpora, inflammari; lignaque item firmiora ac spissiora præ fragilibus; sed & mineralia corpora, quæ accendi quoquo modo possint, ut puta sulphur ac bitumen, peculiari, quod dicebamus, facultate longe efficacius, quam alia multa, quamlibet graviora solidioraque corpora, incallescere: quo in genere resina etiam, gummi-que est, necnon oleum ipsum; quod aqua licet multo levius, multo tamen præ aqua vehementiore calore corripitur. Quæ cum ita sint, si quando hæc duæ res, materia scilicet soliditas, peculiarisque corporum quorundam natura conveniant atque conspirent, nemo non videt, calorem ejusmodi præter modum efficacem immanemque futurum. Atqui ejusmodi omnino est Vesuvianorum torrentium ignis. Nam, ut mittam hic querere, habeat materia illa, necne, admixta metalla: tum, si habere ponamus, quoto gradu, quotave parte admixta habeat; hæc, inquam, ut omittam, id unum satis habuerimus, si ad solam ejus materiae densitatem, atque ad ingentem (quæ densitatis indicium fidi-ssimum est) gravitatem animum advertamus; ita scilicet, qualem, quantamque vim caloris arcessere illa ferreque possit, liquido apparebit. Quod si super his permixtam quoque illam materiam reputaveris, atque concretam sulphure, bitumine, salibusque; profecto jure ac merito statuas, torrentes hosce supremum illum caloris gradum, quem sentire, quemque assequi cogitatione possumus, continere. Hoc autem dictum a nobis hic esto velut in antecessum, rei generatim utcunque indicanda gratia: jam vero exponemus, quæ ratio nobis inita, quæve facta pericula sint, ut certius aliquid, liquidiusque de caloris hujus efficacia cognosceremus.

Nonis Junii, nimirum decimoquinto a torrentium eruptione die, Socii quidam nostri summo mane in Herculanum profecti sunt, caloque nondum plane albente; qui propius ad torrentem accedentes, rimantesque curiosius omnia, inter fortuita saxorum interstitia cavernulam

quandam duos ferme palmos altam offenderunt, ardentem, vividamque; ut saxa serobis illius, igniti ferri candorem referrent. Arreptorum inde lapidum, qui tantopere adhuc ignescerent, cum soliditatem crebris gravibusque mallei ictibus tentassent, non cedere illi quidem, sed conteri magis, inque minutissimas micantesque partes abire: tanta nempe illis firmitas, soliditasque inerat. Tum vero aliis quoque argumentis eandem torrentis vim igneam explorare pergunt. Saxis illis ardentibus plumbi frustulum conica figura injiciunt, pondere duarum unciarum; idque compertum vix altero horæ minuto transacto mollescere: post tertium & dimidium plane diliquisse ita, ut per occurrentia saxorum intervalla deflueret. Alterum etiam plumbi fragmentum ejusdem prorsus tum figuræ, tum ponderis ferratæ palæ majorem in modum ignita, caminoque data opera accenso incumbenti, imponunt; atque animadvertunt, post sex horæ minuta nullum illud liquationis signum edere: Vix post septimum penitus consumptum est. Hac plumbi massula primum quidem liquata, tum frizefacta, eandemque, quam a liquatione induerat, figuram servans (pressam nimirum, atque contusam) cum rursus in ignitos torrentis lapides conjecta fuisset; tota intra horæ sesquiminutum resoluta est; quam quidem in rem conduxisse putaverimus cum nonnullam (quantacunque ea fuerit) quæ a recenti ignis actione reliqua erat, mollitiam; tum vero, quam tradidimus, figuram; quæ omnium accommodatissima est excipiendæ vi ignium, atque in quamvis massæ particulam insinuandæ.

Ad hæc, aqua vasi infusa cum eidem ardenti cavernule fuisset applicita; post trium ferme minutorum spatium fervere leniter sine strepitu: post quatuor ebullire intemperanter. Paulo post idem vas altero tanto aquæ perfusum flagrantibus carbonibus (qui positi, ac vivacitate, quoad ejus fieri posset, ignem illum torrentis emulari viderentur) impositum, quarto horæ minuto fervere vehementer; quinto immodice aestuare visum est. Quibus experimentis compertum videlicet est, vim atque energiam Vesuviani caloris, quem his tentaminibus explorare Academicis.

nostris datum est, vehementiae atque efficaciae carbonum  
 ardentium, ignitque adeo ferri (quem scilicet calorem  
 longe omnium acerrimum novimus) antecellere. Verum  
 multo luculentius intellectum esset, quot partibus Vesuvia-  
 ni fluminis ardor communis ignis ardori praestaret; si eo lo-  
 co observationes periculaque hujusmodi facere licuisset, quo  
 loco longe vividiorum atque immitiorem latere ignem opor-  
 tebat, nempe in torrentis adhuc decurrentis visceribus.  
 Cum enim, quo tempore tentamina hujusmodi instituta  
 sunt, lapides illi, quibus ad experimentum fuit utendum,  
 usque eo diriguissent, ut diffracti malleo, contritique prius  
 sint, quam subacti; conicere inde quisque facile poterit,  
 quantum de calore, quo primum in fluxorem liquefacti fue-  
 rant, decessisse oporteret. Quare, etiamsi ex recensitis ob-  
 servationibus id confectum esset, vim ignitorum lapidum  
 communis ignis vim atque efficaciam exaequare (quod sane  
 confectarium falsitatis arguit utrarumque virium, quam  
 diximus, instituta contentio) tamen ex eo discrimine,  
 quod inter liquentem fluidamque materiam, eandemque  
 mox duratam atque fragilem intercedit, nullo negotio di-  
 sceremus, quam magno intervallo Vesuviana materia ar-  
 dor reliquorum ignium calorem superaret. Nam cum ani-  
 mo concipiamus materiam eam liquidam prius ac fluxam,  
 in talem tantamque duritiam, nonnisi ob detractum sensim  
 atque per gradus pristinum calorem, celsisse; necessario il-  
 lud est consequens, si durata illa tantundem virium,  
 quantum vulgaris ignis quam vehementissimus, obtinisset;  
 multis profecto partibus vehementiorem vim illam igneam,  
 qua scilicet una torrens antea liqueret ac fluere, existi-  
 tisse. Hac autem ratiocinatione dubitari non potest,  
 quin conjectura aliqua ac specimen capi possit mirandae  
 Vesuvianorum ignium efficacitatis. Sed dissimulare nos ve-  
 ritatis atque ingenuitatis studium minime patitur, argu-  
 mentationi huic falsum subesse nonnunquam posse, ob ma-  
 teriarum, quas ignis corripit, varietatem. Siquidem &  
 materia esse posset ejusmodi, ut modica ignis ope statim li-  
 quesceret; & contra alia, quae adversus efficacissimum  
 quemque ignem, duritiam suam nihilofecius tueretur.

Ita-

*Itaque qui propositam rationem differendi subsistere velit , id sibi ipse sumat necesse est , liquiditatem corporum quoruncunque ab igne profectam , ipsius ignis energia examusim respondere : id quod est enimvero falsissimum . Illa itaque argumentatio tum suum utcunque locum habitura esset , cum observatio atque experimentum in materiam ignitam , qua in imo torrente delitescit , cadere posset ; quæ videlicet omnis fere pari natura prædita est , parique indole ; aut certe sincerior , magisque impermixta est , quam cetera superficies ; quæ plurimum numerum habet diversorum natura , compageque saxorum , qualia nempe fortuito occursu fluentibus torrentibus accreverunt .*

*Porro quæ hætenus de incomparabili ignitorum horumque fluminum calore dicta sunt , rationesque eæ , quibus ea , quæ dicebamus , confirmare adnisi sumus , id etiam simul evicisse videri possunt ; ignem hunc , vel calorem saltem , qui materiam illam semel occupaverit , maxime diuturnum , ac constantissimum esse debere . Quippe hæc tria plerunque conveniunt , atque ex æquo concurrunt : mora atque oblutatio concipiendo igni ; ejusdem semel concepti vis atque efficacia ; obniscus tandem , ac repugnatio excutendo exuendoque igni , qui materiam semel occupaverit . Quibus ita constitutis , haud temere affirmaverimus , extremam torrentium ignitorum materiæ soliditatem , multis insuper variisque mineralibus , salibus , bitumine , sulphure concretam , non vim modo acerrimam Vesuvianis ignibus addere , sed & incredibilem diuturnitatem ingenerare . Huic autem argumentationi observatio , atque res ipsa plane convenit . Nam non modo decimoquinto post majorem conflagrationem die scrobs ardens duos fere palmos altus , ut supra scripsimus , procul a scutebræ ortu repertus fuit : sed etiam post fere sesquimensum , operæ , quæ Regio jussu publicam viam torrente oppletam atque interceptam purgare expedireque moliebantur , desistere ab incæpto coactæ sunt ; propterea , quod interiorem massam etiamnum calentem usque eo , ut & ferramenta mollirentur , quorum opus ususque erat , deprehenderunt . Facit etiam illud : quarto post eruptionem mense passim e torrente spissos continentisque ca-*

calentis sumi globos exhalasse ; quorum quidam tum celeritate motus , tum vaporum densitate ita conspicui erant atque insignes , ut ad viginti etiam palmos confertim assurgere , sursumque niti viderentur . Atqui lectores monitos voluerimus , hujusmodi evaporationes , ut & calorem ipsum , quem torrens omni ex parte efflabat , prope extremum amnis igniti tractum , quam sub illius initia , frequentiores gravioresque existisse : cujus rei causam arcessere aliunde ; quam a majore igniti amnis altitudine , non possumus ; quandoquidem intra vallem , quæ a ponte regie viæ ad mare pertinet , ad usque vigintiquinque passus , & ultra , immanis moles excrevit . Manifestum enim est , quo igneus torrens uberior & altior est , eo etiam fore retinendo calori , quem semel induerit , aptiorem . At quoniam vix quisquam adducetur , ut credat , posse massam ullam , quamlibet maximam , tuendoque calori accommodatissimam , tamdiu calere , si nulla alia occasio feratur esse novi subinde caloris concipiendi ; proxime ad verum accedit conjectura , vi admistorum , quæ diximus , mineralium , eorumque coitione atque lucta , massam illam continenter ebullire atque effervere ; eaque re tum calorem ipsum conservari circumobsidentis materia ; tum densos calidosque vapores , quos passim e torrentis rimis prodire prospicimus , exhalari . Nostram conjecturam illa consideratio maxime firmat ; quod qua parte fumus ille efflatur , adjacentes lapides crustam ostendunt sulphure , aliisque varii generis salibus illitam atque conspersam ; qua de re commodius alibi verba faciemus . Porro in hæc torrentis rimas , unde major exhalationum ejusmodi copia exspirari consuevit , si quis post amplius mensem lignum exile iniecisset ; brevi illud ignitum , aut saltem torridum inde extraxisset . His autem , quæ ad probandam caloris Vesuviani fluminis longævitatatem attulimus , non leve momentum accedit ex observatione etiam ingentis fumi , quem e toto ferme ignei torrentis tractu delapsæ forte pluvie exciderunt : neque id vero tum solum factum est , cum paucis ab incendio diebus , ut in Ephemeride narratum fuit , fumus præter modum spissus atque confertus apparuit ; sed & sæpe alias , atque adeo quotiescunque per id tempus

tempus calum pluit , prodeuntem fumum mirati sumus; rariorem tamen in dies , tenuioremque fere totidem partibus , quot torrentis calor ipse remitteret . Atque , ut mittamus cetera , id unum dixisse abunde fuerit ; ob effusas pluvias , quæ mense Octobri deciderunt , nonnemi ex urbe intuenti , non sine stupore xi Kal. Novembres ( quo tempore Historia hæc scriberetur ) ex quibusdam torrentis tractibus , in quibus forte vividiuscula caloris particula adhuc supererant , fumi nubem subalbam sursum sese ferentem fuisse prospectam . Non ignoramus , Borellium , ut similis phænomeni , excitati ab imbris fumi in Ætnæo torrente , qui ceteroqui extinctus videbatur , causam traderet , scite satis atque acute existimasse , id fieri potuisse ex permista concretæque massæ illi materia ejusmodi , quæ artefactæ calcis vim , atque indolem emularetur ; quæ videlicet calx simul atque aqua adpersa imbutaque fuerit , fervere , ebullireque , ac fumum calidissimum spissumque exspirare vulgo cernitur ; quamvis neutra singularum partium calorem præsentem continere ipsa videatur . Quæ sane viri docti commentatio eo etiam probabilior redditur , quod ad calcem arte parandam nil præter hæc duo requiri potissimum novimus ; solidiora saxa , atque ignem efficaciorum ; ex quibus videlicet neutrum in montibus hisce ignivomis certe desideres . Sane quidem hæc explicatione Borelliana & nos ipsi , & , si quid sapiamus , reliqui plane omnes contentos se ultro fateri possunt . Verum nec illud tamen silendum est , etiam sine ulla ejus materiæ ope , quam Borellius phænomeno causam assignat , ex uno igne , caloreve in torrentis visceribus latitante probe posse cognosci , cur debuerit aquarum pluvialium illapsu fumus exciri . Videmus enim vix insusam vel prunis ardentibus , vel aliis præcalidis materiis aquam , illico in vapores solvi ; fumumque ingentem , haud secus , quam calx ipsa aquis inspersa imbutaque assolet , exhalare ; immo vero quivis alius tenuior etiam , quique haud ægè in vapores abeat , humor , tantundem præstabit . Quod autem materiæ illi ad effectum hujusmodi satis virium etiam tum suppeteret , argumento est emissus subinde ex variis torrentis partibus fumus vel tum , cum nil omnino aqua-



aquarum celo demissum est. Hac itaque altera, minus certe exquisita, at non minus quam Borelliana, accommodata ratio est ad causam intelligendam ejus fumi, quem aliquando post pluvias torrens Vesuvianus efflavit; qua videlicet ratione caloris ignitorum fluminum, quam diximus, diuturnitas, & ponitur, & firmatur.

Verum enimvero quoniam hucusque contendimus, vim caloris prope incredibilem Vesuviana materia, ratione metiri & comprehendere; ut partes, quas in historia suscepisse nos profitemur, ingenuitatis ac fidei agamus diligenter; religioni esse duximus eas pratermittere observationes, ex quibus plane pugnancia iis, quae nuper tradidimus, consequi necessario videantur. Sane non nobis unis, sed reliquis omnino omnibus, qui Vesuvianum torrentem, ejusque effecta cominus servare studuerunt, multa multis in locis, quae ille volutatus est, documenta, vestigiaque exiguarum caloris illius virium stupentibus occurrerunt. Siquidem ad oras torrentis extremas arbores bene multas, quin & herbas complures minutas ac teneras non solum vivere, sed vigere quoque, ac virere mirati sumus, easque vix palmum ab ignito amne diffidentes: quodque etiam magis mirandam, herbula nonnulla comperta sunt intacta virescentesque, cum forent undique lapidibus circumsepta; qui lapides e superiore torrentis sponda ruentes, cum adhuc ille decurreret, ibi demum substiterant; ut necesse omnino sit, non calidos modo illos, sed & ignitos fuisse, cum eo loci restitissent. Sed leviora fortasse haec, & haud scio an paucis observata, notataque. At illud in stuporem rapuit eos, quicumque Carmelitarum Cœnobium, quo nempe loco torrens igneus quam maxime desavit, inviserunt: quod scilicet viderint, supremam torrentis crustam ad vitreas usque fenestras, quibus scala, aditusque ad superiores cellas collustrantur, profutuisse, peneque vi in eas incurrisse; illarum tamen interea non vitro solum incorrupto, nullaque parte labefactato; sed (quod longe mirabilius est) vel ipsis tenuibus plumbi striatisque lamellis, quibus conglutinari inter se & coherere vitra solent, nec a tanta propinquitate ignis, nec ab incursum ipso aliquarum partium torrentis,

tis, qui Cœnobium præterfluebat, quidquam violatis atque offensus; integritatemque suam ac statum pristinum adversus immane flumen ignium nihiloscius tuentibus: cum tamen id flumen ipsum per januarum fenestrarumque aditus in sacrarium, atque in triclinium, (quæ loca vitreis illis, quas commemoravimus, fenestris subjecta erant) delatum, quidquid ibi elaboratorum lignorum, quidquid supellectilis erat, plane absumserit, in cineremque verterit, vel illud quoque, quod longe aliquantum erat positum: usque adeo caloris, quem materia illa efflabat, efficacia valuit. Quodque amplius admiremur, in triclinio eadem torrentis vi scyphi vitrei mensæ impositi liquefacti sunt, in massamque informem redacti: vitrique ejusmodi fragmenta multorum ad manus venerunt, vulgoque circumdata sunt. Sed & de arboribus etiam ad ignei fluvii ripas positæ comperitum est, nonnullarum folia, viginti, forte etiam triginta palmorum intervallo ab ora torrentis extrema remota, tosta, ambustaque fuisse. Quibus rebus omnibus inter se se collutis, illud haud dubitanter inferre possumus, sicubi ejus materia vis ignea remissior visa sit, id non repugnanti cuidam, atque indoli illorum corporum, quæ deflagrationis immunia exstiterunt, tribuendum esse; sed potius fortuito incursum materiarum talium, quæ sive suomet ingenio, sive necessaria actionis, motusque aëris defectu, sive alia quacunque, quæ nos fugiat, causa, eum caloris modum aut nunquam adsciverint, aut citius abjecerint, qui cremandis stirpibus, vitro, plumbove solvendo, ceterisque efficiendis omnibus, quæ alibi Vesuvianus ignis maximo impetu molitus est, satis esse posset. Sed de his satis dictum habeo.

Jam vero nonnullas de torrentium istorum motu considerationes nostras adscribamus: is autem motus spectari bifariam potest. Primum itaque de intestino quodam motu, ac prope occulto, quem astum, aut effervescentiam dixerimus; tum de manifestiore altero, quem progressivum appellant, differamus. Et ad priorem quod attinet; qui animo imbibere, usitatior, probabiliorque caloris concipiendi, ignisque in Vulcanis hujusmodi exci-

tan-

randi rationem eam ipsam esse, quam nobis exhibeat  
 chemica Auri fulminantis conflatio; vel fervor atque  
 aestus olei tartari, & spiritus vitrioli coitione excitat,  
 aliave id genus multa; is enimvero facile intelligit, sicut  
 in artefactis illis, ita etiam in naturalibus huius sponta-  
 neisque incensionibus motam intestinum vehementissimum  
 poni oportere; qui aut sit plane ignis ipsissimus, ut qui-  
 busdam placuit; aut saltem ignem ibi deliscescentem atque  
 constrictum excutiat, extricet, educat. Itaque facile  
 quis sibi persuaserit, nullo pacto hanc ignitorum flumi-  
 num materiam inflammari; multo etiam minus liquari,  
 liquatamque diu persistere posse, nisi utroque tempore mo-  
 tus ille interior, seu effervescentia, de quo primo memini-  
 mus, praesto fuerit. Verum praeter etiam physicam hanc ra-  
 tionem, vel unus materia istiusmodi sive adhuc fervescen-  
 tis, sive jam frigescentis durataque aspectus & contempla-  
 tio fidem ejus rei apud nos haud dubiam facere possit. Nam,  
 cetera ut mittamus omnia, qua afferri possent; materia  
 isthac jam frigerata praefert exteriore crusta raram quan-  
 dam laxamque texturam; quam profecto aliter effictam re-  
 putare non possis, quam si posueris, quo tempore massa illa  
 tota fluebat, alia intrinsecus causa intimas ejus partes in-  
 zer se commissas & conflatas fuisse; ut tumerent, atque  
 in bullas assurgerent. Sed & insignem illam Vesuviani  
 fluvii partium inequalitatem, qua superficies asperatur mi-  
 rum in modum, atque distinguitur, modo depressa & cava,  
 modo elata atque protuberans, nulla lege certa, nullogue  
 modo; ab hoc ipso actu, seu effervescentia, qua in exte-  
 rioribus torrentis partibus magis, quam aspiam alibi prodit  
 se atque emicat, arcessendam esse haud temere judicaveri-  
 mus: quamvis nonnihil etiam hanc in rem adscita porro  
 saxa conducant; quod supra monuimus. Atqui longe com-  
 formatior, longeque etiam visu pulchrior scabrities illa est,  
 qua illis in locis visitur, quibus fortasse lentius torrens  
 ingressus fuit, ob minorem tum loci, quo est forte delatus,  
 declivitatem; tum copiam saxorum, glebarumque, qua ex-  
 trinsecus collecta esse supra tradidimus. Siquidem ibi supe-  
 rior torrentis pars ex transverso in sulcos scinditur satis

altos, eosque pene rectos, sibi que tantum non parallelos; quod vero geminos inter sulcos medium est, aliquantulum intumescit: itaque terræ, porcis sulcisque distinctæ atque discriminata, imaginem mirifice representat. Quo aspectu duo nobis satis aperte, satisque efficaciter significari intelleximus: alterum quidem, quod superficies ipsa torrentis vi circumambientis aëris vel tum diriguerit, crustamque induerit, cum interior massa mollis existeret: alterum vero, quod omnino interioris motus ope factum esse oporteret, ut spuma illa concreta tumesceret, atque exstaret, nativæ superficiei modum ac libellam transgressa. Sed super his, alia quoque ut commentaremur, ille nobis aspectus occasione fuit. Eo enim argumento coniecimus, nostrorum torrentium materiam ad earum rerum numerum classemque revocandam, quæ, ubi cœunt ac solidescunt, minorem in molem adstringuntur: id quod, ut de aqua taceamus, neque in ferro, neque in stibio, neque in bismutho obtinet, cum solida ex fluidis fiunt. In re autem nostra id videre visi sumus; interior massa dum fluere, exteriorem vi circumstantis aëris obdurescentem, in artius spatium cogi omnino debuisse: ob idque cum interiori massæ fluenti insuere hæc atque adherere tota non posset, in manifestos hiatus dissiluisse: et rursum, ea crusta diffusa, rimas illas transversam lineam, sicut res ipsa loquitur, tenere debuisse. Factum autem id est violento quodam jam jam obdurescentis crustæ protractu; quæ torrentis cursum cum persequi nihilominus affectaret, idque, fluxu in eam rem necessario plane deperdito, efficere nequiret, consequens fuit, ut cum in modum disjiceretur; itaque reciperet quodammodo sese, ab eoque impetu, qui illam deorsum secundo cursu abriperet, prope vi expediret. Patet igitur, quorsum mirandam hanc, sed ordine quodam, legeque elaboratam torrentium arationem, iis modo locis visendam, quibus cum tardior forte eorum cursus, tum rectior exstiterit, retulimus atque interpretati sumus.

Verum cum tot tantaque documenta teneamus fervoris atque aestuationis ejus materiæ, quæ in nostrorum torrentium superficie est; certe satis etiam argumentorum est, cur

cur internas quoque partes , atque ubi materia & densior est , & defecior , fervere atque ebullire fateamur . Sane saxorum , quæ ad publicas Urbis vias sternendas ex veterum torrentium venis exciduntur , nonnulla visuntur bullis exstantibus plus minusque , atque frequentibus distincta : quæ nimirum luculento testimonio sunt , materiam , cui forte inhaeserunt , non modò liquidam fuisse aliquando ; sed insuper interno fervore atque aestu commotam , agitatumque : eamque inter effervendum sensim diriguisse , vestigiaque ipsa bullarum constanter retinuisse . At vero his , an recentium observatio responderet , plane ignoramus : tutoque affirmare possumus , naturam ipsam , ut sæpe alias , pro materia , aliorumque eventorum ( quibus fit , ut aëris major minorve copia fluentem massam subeat , pervadatque ) varietate , varia quoque diversaque moliri . Et re quidem vera veterum torrentium multi sunt , qui vel parum , vel nihil prorsus ejusmodi bullarum saxis insculptarum ostendant .

Reliquum unum est , ut de manifestiore altero igneorum amnium motu disputemus , quo illi spatia quandoque ingentia decurrunt ; ut ad primum , secundum , quandoque etiam ad tertium & quartum a scatebræ initiis milliariè progrediantur . Hujus autem motus torrentium , interim dum sævit incendium , facile spectatorum oculi judices sunt . Videas tum saxorum ignitorum agmen ingens provolutari , fumum undique horribiliter exhalans ; eoque tramite , quem locorum declivium opportunitas dederit , ingredi atque deferri . Qua in re notandum venit , quod cum motus hiece partim a materia fluore , partim a locorum , per quæ forte defluere torrentem oportet , declivitate pendeat ; cumque fieri vix possit , ut hæc duæ res aequaliter usque conveniant atque conspirent ; ea propter vix unquam , aut ne vix quidem æquabilis in singulis eruptionibus eorum fluminum motus existit . Et sane exploratum est , quo minus ab origine sua torrens recesserit , eo fore fluxum expeditiorem ; tum quod efficacior ibi ignis esse consueverit ; tum fortasse etiam magis , quod tum haud ita  
mo-

magna saxorum, terra, aliarumque diversa indolis materierum copia torrenti admista accreverit; qua videlicet retardare illius cursum non mediocriter possunt. At enim seu debilior, seu vehementior ignis ponatur, materiaque ea sive impurior, sive sincerior atque impermixta; na illa haud tanta unquam fluendi facultate praedita putanda est, ut, nisi continenti nova materia accessione impellatur urgeaturque, vel paucos passus ultra processura esse videatur (1). Ob idque in nupera hac conflagratione torrentes nonnulli ignei e supero montis hiatus profecti, substituisse visi sunt pene medio cursu, in extremi montis praeruptis atque acclivibus lateribus; non aliam ob rem, quam quod impulsus is recentis materiae, quo ad ceptum iter peragendum opus erat, omnino cessarit. Neque vero id unum contendimus, fluxam hunc igneorum fluminum per se impeditiorem ac tardiozem esse: verum & illud adjicimus: quotus ille, quantusque est, facili negotio, ac fere ad primam aëris impressionem, tardari atque impediri. Ac licet non eodem statim momento interna pariter externaque partes fluore destituantur; saltem satis erit, si exterior crusta riguerit, ut interioris quoque cursum, quem illa affeclat, remoretur, ac impediat: quippe fluendi vis illa, quam antea interius cunq; ponatur, haud tantum habere virium potest, ut vim, obniscumque externa crusta jam obdurata, qua undique ambitur & premitur, vincat, illamque secum abripiat repugnantem.

Porro ex hac saepe inculcata fluxus materiae mediocritate, faciliq; ac repentina externarum partium incrustatione, proclive est intelligere, qui fiat, ut quanquam torrentes hujusmodi per declivia montium, perque imas vales, quo sese forte immiserint, fluere passim consueant; tamen non illam motus rationem, legemque, qua cetera liquida ferri conspiciamus, admodum servant. Itaque saepe in horum fluminum tractu loca nonnulla videas, in quibus,

(1) Ad hanc rem confirmandam juvat recitare Borellii verba de Aetna incendio cap. 5. pag. 32. Anno (inquit) 1614 refert Carrera flumen ignitum decenniali cursu duo milliaria tantummodo confecisse, licet assidue promoveretur.

bus, et si obuii lateris cuiuspiam declivitas videbatur fluentis materia cursum eam in partem flexura fuisse, atque ad sese advocatura; nihilo tamen minus torrentes impulsui impetuique succedentis materia obsecundarint: ut ut eam ob rem egerentur supra libella sua modum assurgere, obiectumque fortasse iniquiorem locum superare. Cumque cliyum transensum ejusmodi, humilior forte locus excipiat; factum exinde est, ut tractus isti ignitorum amnium subinde ardui assurgere, subinde jacere, ac se demittere videantur; soli, quod peragrarunt, inaquabilem varietatem pedissequo cursu aquabiliter referentes. Cui profecto rei id etiam contulisse putandum est, quod serius agriusque frons ipsa torrentis, quam ejus latera obdurescere, crassamque induere possit; scilicet ob vim ibi ignium vivaciorem, quam alibi, atque efficacior. Alia quoque nobis argumenta suppetunt tarditatis nostrorum fluminum, præter cunctationem satis prolixam, vel tum, cum brevissimum spatium decurrendum est; maxime vero si forte minime id declivis sit: ejus autem generis sunt, primo longum illud temporis spatium, quo torrenti jam in regiam viam ingresso atque effuso, fortuitum repagulum obsectorum pontis parietum superandum fuit; tum quod adicula Purgatorii in eadem publica via exadificata parietes, quos flumen ipsum pene recto cursu impetiit, commoti vix fuerint, rimasque egerint; adeo ut hodieque stare satis commode tutoque possint: illi sane ipsi parietes, qui vix agminis aquarum vehementiore cursu delatarum impetum sustinere potuissent.

Ex quibus omnibus facile discimus, nullum omnino hominum, nullumque ceterorum animantium, tam lento, tamque impedito gradu ferri, quin exitium ex his torrentibus impendens vitare facile possit: adeo sunt enimvero illi animalibus quibusque tardissimis tardiores. Quod autem traditum accepimus, terribilissimo incendio anni 1631 ingentem hominum pecudumque multitudinem desideratam fuisse, miserabilique futo defunctum; id accidisse putandum est, partim propter horribilem lapidum, cinerisque igniti nimbum circa delapsam; partim propter aquarum

tor-

*torrentes ; quæ , vel citra fervorem , assequi tardiusculos homines bestiasque , atque occupare ; tum alio atque alio pacto extinguere procul dubio valuerunt .*

## CAPUT QUARTUM

### De Vesuvianorum Torrentium materia .

**E**T si ea per sese ignis energia , atque facultas est , ut cuicunque materia vehementius adhaerit , omnem illius naturam destruere , vel obruere potius videatur , ad seque unum fere totum intuentium animum , cogitationesque avocet vindicetque : tamen si quando vehementia ignis illa remiserit , quod materiae superest , facile se doctis viris atque industriis cognoscendum examinandumque præbet : ut , & qualis sponte sua ea materia primitus fuerit , & qualem deinceps vi ignis indolem superinduerit , possit intelligi . Itaque quantaam vulgo tradi de Vesuvio , jactarique soleat , illum subinde ignem evomere , torrentesque item ex eo prodire igneos ; nihilo tamen minus ubi deferbuit restinctaque est vis ignium , restant studiosorum curis expendenda ingenium , peculiareque notiones ejus materiae , quæ olim implicitum , penitusque inditum ignem deferbat . Quarto hoc ergo historia nostra capite ad examen revocabitur materia , qua torrentes Vesuviani consistant ; tum interna eaque solidiore , tum externa ac laxiore parte . Nam de lapidibus , cinereque a Vesuvio ejectis commodius infra tractabitur .

Atque ut hoc in examine ordinem dicendi , quem tenere majorem liceat , teneamus : quandoquidem Vesuvianus ignis potestate , efficaciaque acerrima est , ut paulo ante probavimus ; inde omnino fit , ut & materia ipsa , cui forte implicitus ille est , ex earum rerum genere esse debeat , quæ & validius tumentur vim ipsam igneam , & augent  
ma-



maiores in modum , acuantque . Ejus generis sunt metalla ; sales quoque , ac pingues materiae , & bituminæ : demum silices , si quando candescant , ignem etiam efficiunt vehementissimum . His autem omnibus , sive propter salium copiam , quibus scatet ; sive magis propter artem spissamque constitutionem , accenseri facile vitrum potest ; quod sicubi eatenus ignescat , ut liquefiat , calorem longe efficacissimum adsciscit & concipit . Necessario itaque affirmandum est , Vesuviani ignis materiam vel metallicam esse , vel saxeam , vel vitream , vel mineralibus inflammabilibus factam : aut memoratas has res ad eam conflandam vel nonnullas coire ; vel plane universas . Solo autem metallo constare , affirmare non ausimus : primo , propterea quod metallorum generi eo conditio , atque indoles est , ut cedant facile gravibus ictibus , atque obsecundent potius , quam frangantur : eamque ob rem Malleabilia esse dicuntur . Id vero in materia hac Vesuviana non obtinet ; quæ malleis , aliisque instrumentis gravissime icta , consistit nihilo secius , ictusque sustinet ; ut ante frangi atque comminui , quam flecti & distendi possit . Quod autem Bocconius ( 1 ) in epistola ad Abbatem Bourdelotum data de incendio Ætnæ , & rursus Bourdelotus ipse Bocconio cum rescribit , materiam Ætnæam illam plane metallicam dixerint , movere nos minime debet : cum in eam sententiam inducti videantur esse , Bocconius quidem non satis accurata rei consideratione ; alter vero eo , quod rem ejusmodi nunquam coram intuitus , rimatusque sit . Rursum nec solis mineralibus , quæ ignem concipiunt , salibus , sulphure , bitumineve concretam esse putaverimus : nam nec extrema durities , nec immanis gravitas , quam in torrentium istorum materia observamus , quod salium , sulphuris , aut bituminis natura convenire ullo tempore potest . Denique si saxeam tantummodo , vel vitream hanc materiam fecerimus , certe nec metallorum cujuscvis generis , nec salium particulas in his torrentibus , quas videmus , ullas videremus : neque tam magna circumquaque sulphuris copia appareret ; qua nempe potissimum fit , ut hodieque , multis post conflagrationem decursis mensibus , anbeli-

(1) Inquisition, &amp; observation, natural. Epist. 7. &amp; 8.

*tus rimis nonnullis expirentur calentes , qui saxis propinquioribus crustam sulphure ipso , salibusque , ac pingui quadam , bitumineaque materia concretam aspergunt . Itaque tenendum esse videtur , ad materiam Vesuviani fluminis constituendam concurrere ( quoquo id pacto usveniat ) earum omnium rerum congeriem , non aquis licet partibus : nimirum metalla , mineralia , viva saxa , aliaque multa , vi ignis impotentissimi subacta ; quorum scilicet micis atque vestigiis , haud equalibus tamen , fere totam torrentium massam intermicantem & conspersam aspicias . Hac autem sententia constituta , coire videlicet in Vesuvianam materiam id genus omne materialiarum ; facile rationem reddere possis variantium vel aspectuum , vel naturarum , quas in materia isthac passim animadvertimus .*

*Atque ut ab iis rebus , quarum ad tantam torrentium massam portio maxime exigua est , ordiamur : primo loco de metallis pretiosioribus verba faciemus , auro , argentoque . Creditum vulgo est ( 1 ) materiam a Vesuvio effusam non omni parte vacare metallorum hujusmodi : sibi que videntur videre auri , argentique miculas inspersas torrentium massae atque confusas : notantque pro iis atque designant pellucidas aliquot nitidasque particulas colore aureas , aut etiam argenteas , in materia Vesuviana intime coherescentes , maximeque in parte ejus massae solidiore . Idque etiam magis comprobari putant liquatione nonnullorum eorum lapidum vi ignium facta : qua ex liquatione micae hae nitentes exstiterunt , quae in unum veluti corpus collectae , specie aurum , vel quid auri simile retulere . Quae sane res cum ita prorsus , ut ajunt , habere se possit : tamen fieri etiam potuit , ut frustula ea pellucida , aurique colori proxima , vel ex alio quopiam metallo essent , sive puro illo putoque , sive permisto , ex eorum genere , quae auri aspectum , fulgoremque mentiuntur : vel ea ne metallum quidem ullum exstiterent ; sed ita coloratorum lapidum minuta segmenta . Nihil hac in parte certi pronuntiare maluimus : quando nihil certi liquidique tentationibus curisque nostris valuimus elicere : fierique etiam fortasse posset , ut*

*peri-*

(1) Id ipsum tenuit , tradiditque noster Cornelius Progyrnasmi. citat.

periclitati olim per otium subtilius facta, exploratiu<sup>s</sup> aliquid aliquando cognoscat. Sane quidem Strabo (1) cum de insula *Ænaria* scribit, aureas ejus terre venas commemorat; earamque gratia, præter fertilitatem etiam agri, vetustissimos incolas longe beatos, locupletesque habitos esse. Quod si *Ænaria* tellus a vicinis *Vesuvio* regionibus indole non admodum distat; jure quis, meritoque contendat, nec montis nostri visceribus auri venas fodinasque deesse. Sed de his satis.

Sint vero in *Vesuviana* materia, nec ne, æs, ferrum, stannum, plumbumve, nec statuere etiam certo possumus. Et ferrum quidem inesse, est cur satis probabiliter suspicemur: neque ob id solum, quod qui torrentes nostros intuitus fuerit, is videre sibi ferrum ipsissimum omnino videatur; tantum hic ferri insar est, seu potius ferrea spuma, vel ferri adusti: sed etiam propterea, quod multis experientis compertum est, magnetem. sicubi ad nonnulla *Vesuvianorum* lapidum fragmenta admotus sit, vim propinquitatis persensisse non dubiis indiciis: cumque insuper videamus nauticæ pyxid<sup>s</sup> acum, diversis ejus materia particulis admotam, circumagi nonnihil, jactarique inæqualiter; illi conjecturæ pondus accedit: simulque in eam cogitationem adducimur, ferrum non per totam omnino massam æquabiliter fusum esse. Ceterum & illud etiam novimus, aliis quoque rebus, præter ferrum, cum magnete necessitudinem intercedere: maximeque omnium arena, cujus ad recentia scripta siccanda usus apud nos est, magneticam vim sentire cernitur, vel præ sebo ipsa ferri. Quanquam ne id quidem omnino nos ad abjudicandam *Vesuviana* materia omnem ferri admistionem cogit. Siquidem a vero etiam non prorsus abhorret, arenam ipsam, quam diximus, ferri parte non modica satam esse, pessundati tamen, nullique jam amplius ministerio apti, ob exercitam in ipsum vim potestatemque præpotentis cujuspiam causæ, utputa ignis: qua de re sequenti Capite, ubi de cinere lapidibusque *Vesuvianis* tractabitur, prolixius differemus. Neque vero, quod propositum est a D. Gothofredo (2) solas obscuras

I 2

arc-

(1) lib. 5. pag. 579.

(2) *Hist. Acad. Scientiar. ann. 1701.*

arena hujusmodi particulas magneti obsecundare ; nullo autem pacto lucidas micantesque ; id plane verum esse deprehenditur : cum tali pulvisculo magnes applicitus , illum maxima efficacia ad sese rapiat & contrahat universum . Atqui si quidem de ferro non satis explorata res est ; longe etiam minus solidorum argumentorum est ad adstruendam aris , stanni , plumbive praesentiam . De Stibio dumtaxat certius aliquid asseverare licet (1) . Si quidem rimantibus diligentissime nobis quidquid torrens ante paucas hebdomades e nupero montis biatu effusus exhiberet , forte chasina visum est , longum quinque amplius palmos , latum unum , altum tres ; cujus fundo atque lateribus mica quaedam lucidissima adhaerebant : quae tum opacitate loci , tum aliis de causis haud sese quidem , quid rerum forent , primo obtutu prodebant ; quousque frustulis nonnullis vi distractis , arreptaque pulveris , qui fundo insederat , exigua parte ; utraque stibium plane esse comperimus : ipseque hic pulvis praesertim tenuissimam , laevissimamque stibii scobem referebat , lucida arena ejus , quam foliaceam dixeris , simillimam ; qua ante hos aliquot annos nonnemo ad siccandas illitas atramento chartas uti cepit , alterius vice vulgatiore , granataque & ponderosioris , de qua paulo ante meminimus . Sed & Bismuthi sive Marchasitae particula nostris hisce torrentibus plurima sunt ; quamvis non omnes aque impermixtae esse videantur . Praeterea nec specularis etiam lapidis sive Talci sunt omnino expertes (2) ( quamlibet minima ejus mineralis portio sit ) fragmentaque ejus nonnulla , quae nostras ad manus venire , nullum dubitandi locum reliquum fecerunt : ut ut Macrinus , Vesuviane historiae non penitendus scriptor , hanc vulgi opinionem de talco Vesuviana materiae permixto haud ita magni facere videatur . Ad haec , passim aspicias inter ambustos lapides quaedam veluti crystalli fragmenta compacta , alterum altero nitentius . Demum , ut uno verbo omnia complectamur ;

(1) Bernardus Connor in dissertatione de Vesuvio , inter *Acta Erudit.* Lijf. ann. 1696. edita , Antimonii admixtum luculenter asserit .

(2) Consulatur *Hist. Acad. Scient.* loc. cit.

*mur; materia Vesuvianorum annuum, plurimarum; pen-  
neque innumerabilium specierum varietate coagmentata est;  
quarum causas, initiaque singularum perquirere, ac de-  
finire nimium sit: cum facile reputare apud se quisque pos-  
sit, vi ignium immodica, multorumque etiam elementor-  
um coitione quantopere immutari res ipsas oportuerit, in  
aliamque veluti formam migrare: ita, ut dissimulata na-  
tiva conditione, aliaque quasi persona assumpta, facile oculis  
hominum ac mentibus imponant. De notioribus ergo, de-  
que copiosioribus, quæ nostrorum torrentium materia plu-  
rima portio sunt, mineralibus, aliquanto prolixius disputa-  
bimus, Sale, Sulphure, materiaque alia crassa ac bitu-  
minea, quam quis Petroleum non inepte appellet.*

*Atque ut a postremo hoc genere sumamus initium;  
in esse montis nostri penetralibus petrolei huiusce venam in-  
exhaustam, argumento est copia oleosæ materiæ hujus, quæ  
ad radices montis supernatare marinæ aquæ nullo non  
tempore cernitur: ut nullus fere sit nostratium hominum  
tam in suamet patria peregrinus, qui de ea re nihil hæte-  
nus inaudiverit; quandoquidem & odor quoque, si quando  
purus tranquillisque aër est, ventisque solis meridionalibus  
leviter percellitur, ad aliquot circum milliaria diffundi  
consuevit. In hanc ipsam petrolei abundantiam vir doctus  
Lucas Antonius Portius in altera earum (1), quas de  
phenomenis Vesuvianis scripsit disputationes, causam con-  
fert ejus ostenti; quod anno 1631 visus sit ignis aquæ in-  
nare, atque huc illucque discurrere: arbitratur enim fa-  
ctum id esse igni, quem materia bituminosa illa fluitansque  
conceperit; eamque, utpote aqua leviolem, aquæ superna-  
tasse; ut autem vivaci flamma correptam, intuentibus  
ignis speciem, aquas cursim allambentis, obtulisse. Ve-  
rum quidquid istorum sit, certe quidem multa post hoc in-  
cendium juxta recentium torrentium nobis conspecta sunt eo  
liquore maculata atque conspersa; quæ cum tractaremus,  
profecto vim sentire quandam illius pinguitudinis, qua illi-  
ta erant, nobis ipsi videbamus. Eaque ad multos menses  
servata, etiamnum illam ipsam humoris maculam præsefe-  
runt;*

(1) Disputatione VII, Videantur ejus Auctoris Opuscula.

runt ; nam nec siccata plane sunt adhuc ; nec in nativum colorem restituta : quod sane , si macula illa ex aqua , aliufve cujuslibet rei , præter crassas ac pingues , humore exsistissent , fieri nulla ratione potuisset . His omnibus accedat cineris a monte & recenti incendio hoc , & vetustioribus aliis ejaculati conditio : ut comprobetur tam petrolei , seu bituminis ad cetera Vesuviana mineralia admistio ; tum ingens ejus copia . Is enim cinis usque eo illitus hac pinguedine , imbutusque esse cognoscitur , ut neque effusis pluviis , neque vi ventorum non mediocri ex arboribus , herbarumque foliis , quibus forte inhaerit , neque a domorum tectis excuti , abstergique potuerit : quin aquæ pluvie admistu massa conflata ex eo cinere est viscosa admodum , ac tenax . Præter hanc , alias duas Vesuviani cineris dotes non silebimus , quibus expositus humor hic maxime confirmatur ; quæ pinguedo videlicet nonnisi partis ejus bituminæ , oleosæque , quæ de agimus , effectus esse potest . Prima est , quod cinis hic , arenæ e monte diffusa , bibula nulla parte sit , contra quam ceteræ vulgares terræ esse consuerunt . Quo fieri , etiam vetustissimæ majorum observatione , intelligimus , ut agri , clivique , quos forte cineris illius vis ingens obruerit , aqua minime imbuantur ; sed eam pene totam , quantam acceperint , penitus rejiciant . Itaque completis vallibus , aliisque humilioribus locis , usu-venire solet , ut post conflagrationes , forte etiam exuberanti pluvia facta , agri locaque alia clivis illis subiecta , detrimenta cladesque non mediocres accipiant ; delata scilicet in eos per inusitatos calles , atque irruente aquarum tota illuvie , nullaque per viam parte deperdita . Altera dos , vetustissimis quoque scriptoribus observata , ipsique etiam Straboni , cum de Ætna scriberet ( 1 ) , ea est , ut agros , quos cinis iste infederit , sæcundet majorem in modum ; post videlicet quam per annum terræ penitus immistus , subactusque fuerit . Quæ sane fertilitas , etiamsi salibus iis , quibus Vesuvianus cinis satius est , velit attribui ; sicut re ipsa ceteri omnes ex quovis alia materia cineres ob eam ipsam salium copiam terram sæcundam faciunt : tamen non

teme-

(1) lib. 5. pag. 413.

temere judicabimus, fertilitatem illam a pingui aliqua materia, atque oleosa, qua scatet Vesuvianus cinis, aliqua etiam ex parte arcessendam (1). Hec nimirum invicta argumenta sunt ejus bituminis, seu Naphtæ, seu Petrolæi (hæc enim omnia eodem recidunt) quod in montis nostri visceribus generatum, ejus quidem ad radices continenter erumpit; at, cum mons vehementius arserit, longe majore copia, ceteris cum mineralibus, eructatur; tum enim conflagratione vehementi, quidquid in montis recessibus conditum erat, evertitur, dissolvitur, exturbatur.

Jam vero de sulphure agemus: cujus quo copiosior in Vesuvianis torrentibus vis est, eo minus nobis superest opera, curaque impendenda. Sane affirmare tuto possumus, primas in Vulcanis omnibus partes sulphuri deferendas esse; neque ob eam modo copiam bene magnam, qua ejectatorum ab ardente monte saxorum massa obducta esse conspicitur: neque etiam ob anhelitus solum efficacissimos, qui in his incendiis circumquaque expirantur; sed ob quandam veluti præjudicatam opinionem; eo loco, qui vacuus a sulphure sit, ignem aut excitari plane non posse, aut excitatum cito evanescere & extinguui. Itaque saxa prope torrentes posita sulphure conspersa cernuntur, eaque parte cumulatus, qua aliquod continenti exhalationi spiraculum sit: quæ quidem exhalatio vel hoc ipso, quod, quamcunque in partem feratur, quidquid incurrerit, id sulphure incrustatum relinquit; documento esse potest, nil plane aliud illam esse, quam fumum ex interioris sulphuris liquatione perenne expiratum; atque hæc, quæ dicimus, de primaria Vesuvii voragine æque, ac de frequentibus torrentis ipsius biatibus dicta volumus.

Postremum mineralium, cujus est in Vesuviana materia præcipua portio, Sal est; isque Ammoniacus; quod fiet, recensendis mox experimentis, quæ de ejus vi facultateque instituimus, manifestum. Sal hic saxis, quæ fumus  
e di-

(1) Strab. lib. 5. pag. 379: Habent enim pinguedinem glebæ, qua igni ardescunt, & fructus proferunt . . . consumpta pinguedine, & glebæ restincta, ac in cinerem conversa, ad fruges producendas redacta est commodior.

e diversis torrentis partibus eductus allambit, adhærescit; quin in montis ipsius vertice tanta illius copia aliquando, interiore aliqua incensione, egesta est, ut superioribus annis accola de eo ad vitæ usus necessarios colligendo cogitarint. Sed ad salern quod pertinet cum, quem diximus saxi a fumo aspergi; is certe iis lapidibus, quo fumus est recta delatus, affixus visitur, ac pendulus; baud forte aliter, quam veteribus caminis ex perpetua inflammatione hæret fuligo, atque dependet. Quo in genere, nobis montem lastrantibus jucundum satis, ac narrandum spectaculum, in fumante quadam torrentis rima, centum fere passus a via regia versus montem distante, flores salis hujusmodi obtulerunt. Etenim salis particula non hærebant quidem illæ, suspensæque erant, ut alibi passim, confuse ac perturbate; sed elegantissimos quosdam, arteque elaboratos flocculos exprimebant. Prope recta pendebat bacillum ex plurimis salis partibus conflatum; cui adhærebant ad latera, alarum instar, alia salis fragmenta tam ordinatim, tamque concinne, ut plumam elegantissimam plane referrent. E pluma hac, bacillove alato bina, ternave, aut quaterna etiam vel quina minora bacilla dependebant, eique adhærescebant; ut inde flocculorum, quam diximus, imago speciesque existeret. Hi vero flocci a suis sedibus dimoti abstractique non sine cura, sive inter manus, sive chartæ impositi, formam nihilominus suam tuebantur: diffracti vero, in sexcentas veluti tenuissimas acus, ac in minutissimum candidissimumque pulverem abibant. Porro has ita comparatas salis particulas explorare microscopio, quod tum præsto non erat, minime licuit: sed aliis tamen experimentis, observationibusque cessatum non est, ut indolem salis Vesuvianæ generatim cognosceremus: quas videlicet observationes nec injucundas lectoribus nostris, nec inutiles futuras, cum iis ultro communicamus. 1. sal hicc nonnullis in saxi reperitur vulgaris salis Ammoniaci specie simillimus. 2. gustatu & sapore nonnihil ab illo differt: nam Vesuvianus linguæ impositus paulo acutior est; parumque abest, ut & causticus esse videatur. 3. e diversis saxi sal collectus non pari sapore est: qui enim e sub-

nigris



nigris saxis, plerunque asperior efficaciorque est eo, qui ex flavis albisve decerpitur. 4. aque copia equalis plus Vesuvianis salis, quam vulgaris Ammoniacy solvitur. 5. e nonnullis lapidibus sal eductus est quadam pinguedine, coloreque subflavo aspersus: isque igni injectus odorem bitumineum, Petrolei fere, efflabat. 6. sal Vesuvianus in arduentes carbones coniectus non crepitat; in fumum solvitur, marinarum rerum ambustarum (1) nidorem referentem. Verum ille ipse in ignita torrentium saxa effusus, absumi, discedereque in fumum omnino per vices: scilicet fumigare, tum cessare, quousque totus plane esset absumtus: ferme ad eum modum, quo prodire per vices fumus cernitur illius ore, qui nicotianam herbam inflammatam expirat. 7. sal hic noster oleo tartari commistus, non fermentescit; uti ne si spiritu quidem vitrioli, vel salis misceatur: qua nimirum observatione docemur, salem cum neutrum, ut loquuntur, habendum esse; qui scilicet nec acidi quidquam, nec alkali habeat admistum (2). 8. Huius salis soluti semuncia in canis jugularem infusa acerbissimos ei dolores creavit, ut & miserabiliter jactaret sese, & quatuor post horas interiret: exploratoque corpore sanguis inventus est, quam fieri maxime posset, solutus, atque purpureus: talisque mansit spatio sex horarum. 9. Vesuvianus sal in minutum pulverem tritus, si naribus aliquandiu astrabatur, dolores capitis obstinatos facit. 10. ut exploraremus, tum an inter salia e diversis saxis educta magnum aliquid interesset; tum vero, an in sale hoc primigenia salia locum obtinerent, scilicet marinum sal, nitrum; vitriolum, alumen; quorum elementa inter solvendum concrelescendumque in easdem semper figuras solent migrare, ut chemicis compertum est: eam, inquam, ob rem

K magna

(1) Odorem quasi marinorum corporum Vesuviane materie plerunque reddunt: quod ab aliis quoque notatum, prodictumque est.

(2) Chemicis Scriptores universe Vesuvianum salem, ut et Putcolanum ad Ammoniacy genus referunt: quod & de Aetnae Borellus diserte tradit. (vid. Mercati Metallotheca) Atqui vulgaris, sive officialis Ammoniacy acidam alkalinamque indolem præ se fert; (vid. Petri Assalsi adnotationes ad Metallothecam Mercati) Vesuvianus nequaquam,

magna salium vis e multis saxis, colore inter se & gravitate differentibus, collecta est atque seposita: tum liquatione facta in vasis discretis, addibitoque microscopio, deprehendimus: primo nil fere salem a sale e diversis lapidibus elicitio discrepare: deinde salis hujus elementis fere nullas partes formarum primitivorum salium superesse: tertio massulae haec apparebant inusitata figura, ramosa; ramusculisque extremis inaequales plurimae, acutissimae, lucidissimaeque pyramides dependebant: interque ramusculorum interstitia longiuscula quadam corpora, eademque scabra, interjecta erant, aqua diametro laterali, cylindris, bacillisve similia; nonnulla etiam prismatis basis polygonae. In aliquot crystallizationibus corpuscula etiam quadam notata sunt, cubica figura; sed ea vix paucissima: quo experimento effici posse videtur, sali Vesuviano partem etiam nonnullam nitri, salisque marini inspersam esse; quamvis non omnia saxa aquis earum rerum partibus imbuta sint: eaque nobis tentamina saepius repetita sunt, & salium copia inequali. 11. sal Vesuvianum aquam, in qua forte solvitur, majorem in modum frigidam reddit; idemque proportionem perficit in alio quovis liquore, praeterquam in vulgari oleo: qua in re vis salis hujus nostri cum vulgaris ammoniaci effectibus congruit: praeterquam, quod vini spiritum Vesuvianus sal refrigerat non mediocriter: illam, inquam, ipsum spiritum vini, cui (si Florentinae Academiae (1) fidem habere velimus) nullum, aut certe minimum frigoris gradum sal ammoniacus insinuat. 12. duabus salis Vesuviani uncis in uncis aquae octo solutis, illucque thermometri pila immersa, quod erat altum pollices decem & octo; aqua ardens ad quatuor pollices & quadrantem depressa est: qui utique depressionis modus is est, quo nunquam deveniri solet quocunque in aqua sale resoluta, vel ipso ammoniaco: cujus certe vim cum Dominus Gothofredus thermometro suo totidem pollicibus alto tentare probareque instituisset, consecuta est depressio ad triginta tres lineas (2). His itaque duobus experimentis inter se collatis,

(1) Vid. sub titulo Experimenta circa nonnullos caloris frigorisque effectus. Exprim. V.

(2) Consulantur Monumenta Academiae Scientiarum Parisiensis ann. 1700.

latis, intelligimus, *salem Vesuvianum thermometri liquorem decem & octo lineis, idest sesquipollice, præ solutione communis ammoniaci, deieciſſe. Atque ut ea nobis periclitatio ad amuſſim procederet, curavimus, ut thermometri globulus aliquandiu aquæ, qua ſolvendum ſal foret, immerſus eſſet: intereaque ſal ipſum experimento deſtinatum in eodem circumambiente aëre continuimus: nimirum ut immutatio, quæ thermometro deinde accidiſſet poſt ſolutum ſalem, nulli vel ſalis, vel aquæ, vel instrumenti ipſius conditioni atque affectioni, proſecta a circumſtante aëre, tribui poſſet.* 13. *Veſuviani ſalis parte in pulverem extrita, nivæque, cui vas aquæ plenum erat injectum, inſperſa; vaſeque illo etiam atque etiam agitato, ut præter modum refrigeſceret; aqua guſtatum retulit moleſtiſſimum, ſaluſum, & graveolentem. Deinde ſimili tentamento factò cum altero tanto aquæ, nivis, ſaliſque communis; nulla ferme ſaporis depravatio ex ſalis ejus injectu deprehensa eſt.* 14. *ſale Veſuviano hoc, quem e ſumantibus torrentis hiatiſus collegeramus, cum ſale illo, qui e ſimilibus perpetuis Fori Vulcani vaporariis deſumptus fuerat, variis experimentis collato, intellecta nobis hæc ſunt, atque comperta.* 1. *ſolutionem Puteolani ſalis gallarum infuſo miſtam, rubicundum quidem, at ſubobſcurum, dilutioremque colorem inducere; Veſuviani autem ſubrubicundum quidem etiam, ſed aliquanto vividiorum.* 2. *neutrum illorum ſalium chartam caruleam rubro colore inſicere.* 3. *ſalem Veſuvianum ſolutum, oleo, infuſoque calcis tartari admiſtum, primo nullam ſervoris indicium ederè: poſt mediam fere horam, liquore turbante, tenuiſſimos crocei coloris quaſi floccos exhibere: idem experimentum cum in Puteolano ſale feciſſemus, plane idem eſt effectus conſecutus; niſi quod liquor omnis albo colore tinctus leviter ſit, imoque vaſe pars quædam ſaculentior reſederit.*

Ut autem porro partitionis noſtræ modum teneamus, id hic ſuperſt eſt unum, ut de maxima parte, quæ ex Veſuviana eructatione reliqua eſt poſt detractum id omne, quod ſalibus, ſalpbure, aliſque mineralibus hactenus expoſitiſus continetur, diſſeramus: nimirum de maſſa illa lapidea durissi-

rissima, ponderosissimaque, ac ferruginea, quæ postquam in torrentem fluxerit, congelascit & obdurefcit, cum primum e vehementissimo calore cæpit excidere, quousque omni tandem parte refrixerit. Sane quo pacto materia isthæc fusa progrediatur, quæ caloris illius efficacia, quanta fluendi vis, aliaque id genus multa, in superioribus capitibus executi sumus. Eo nunc curam nostram convertimus, ut expediamus, quibus elementis massa illa confectur, quo item modo convenient illa atque coalescant in materiam elaborandam ejusmodi, quæ & verbis adumbrata nobis est, & est enimvero conspicua non iis modo, qui torrentes hosce ad Vesuvii radices, ubi magna eorum multitudo est, coram contemplari studuerunt; sed & illis plane omnibus, qui urbis vias silice stratas aliquando viderunt: in quam rem nonnisi decisorum ex vetustis recentioribusque hisce torrentibus saxorum usus esse consuevit. Neque vero aliter rem hanc totam tractare nos vel accommodatius vel veracius posse judicavimus, quam si Borellii placita, quibus phenomenon hoc ipsum Ætneorum incendiorum explicare pergit, proponeremus; ne videlicet actum egisse videamur. Sunt vero ejus verba hujusmodi: quibus deinceps commentationem nostram aliquam subjiciemus.

*CAP. XII. De origine, & productione vitrificata materie fluidæ è voraginibus Ætneis ejectæ (1).*

**P**ostquam de materia flammæ, & de modo accensionis ejus abundè egimus, subsequi debet examen fluoris illius, qui in saxa vertitur. Verissimum profectò est, ut eruditissimus Franciscus Aretius nobilis Syracusanus mecum animadvertit, sulphur & bitumen ignita, & liquefacta intra Ætnæ fornaces nequaquam verti transformarique posse in vastas illas moles faxcas, nigricantesque, quas *Glareas* vocamus: sed potius censendum est terram, & arenam Ætnæ montis à ferventissimo igne in ejus fornacibus torrerî, concoqui, atque in fluorem vitreum verti; & postmodum ad aeris conspectum concretionem, duritiemque acquirere.

Quod

(1) Borellius de incend. Ætn. pag. 69.

Quod non minus eleganter , quàm eruditè Virgilius insinuavit , expressitque hisce carminibus :

*Vidimus undantem ruptis fornacibus Ætnam ,*

*Flammarumque globos , liquefactaque volvere saxa .*

Videmus enim , quod in fornace vitraria ex sulphure , & bitumine liquefactis nunquam vitrum efficitur , sed requiruntur marmoreæ glareæ , aut arenæ lixivialibus salibus admixtæ , quæ ab ignis fervore nedum dissolvuntur , sed etiam funduntur , & acquirunt vitream consistentiam . Præterea in fornace vitraria actu accensa fervente & undique clausa , remanentibus tamen exilissimis spiramentis , ignis violenter inclusus vim faciet , ut exitum ad auras sibi quærat ; & si fortè latus , seu crusta vasis vitrum fustum continentis satis gracilis , & dissipabilis fuerit , subsequi facilè poterit ruptio , & distractio parietum illius non absque concussione , & strepitu ; & ab aperto foramine prolident una cum fumis & flammis primo saxæ partes parietis distracti , quæ orificium obturabant , & postea vitrum fluidum ferventissimum è prædicto foramine egredietur , quod citò ad conspectum aeris concreset , & duritiem lapideam , frangibilemque acquiret .

Eodem propemodum modo philosophandum mihi videtur de Ætnæ conflagrationibus . Cogitandum est in profundioribus , & lateralibus Ætnæ cuniculis clausis coacervatam materiam accensibilem esse , quæ vehementer conflagrari possit , ut pulvis nitratus bellicus : & insuper habeat pabulum diuturnum , & perseverans , quod aut aliunde subministretur per terræ porositates , aut ibidem existat , sed talis consistentiæ , ut tantummodo ejus superficiales partes comburi & inflammari possint , illæ nimirum , quæ aerem tangunt , non vero profundiores , ut contingit in cereis candelis .

His positis effici potest inflammationis initium in prædictis cuniculis Ætnæ undique clausis , sed exiguis aliquibus spiraculis patentibus ; à qua deinceps ambiens terra , & saxa vehementi igne excalescunt liquefiant , ut in fornace vitraria contingit . Postea superabundante fervore , & incendio , primò crusta montis concutietur , & sic terræmotus ante

ante eruptiones in *Ætna* fient : postea subsequenter mugitus , & cuniculorum , parietibus in locis minus resistentibus diffractis , orificium aperietur ; ex quo arenæ , & fragmenta lapidea , & fumi ingentibus ululatus , & tonitruis erumpent : & tandem terra jam vitrificata , & in fluorem versa per foramen egredietur , atque per loca declivia excurrat , & ad aeris conspectum concreset , duritiemque faxeam acquirat ; deindeque diffingetur in plurima fragmenta glareosa , quæ ulterius impellentur à novo fluore superveniente , & sic facile fieri potest , ut torrens ille glareosus creetur .

Hactenus hujus effectus possibilitatem indicavimus : restat modo , ut probabilitatem ejus exemplis , & rationibus confirmemus .

Et primo quod terra arenosa , & saxa glareosa , ex quibus cortex *Ætnæ* montis constat , possint à ferventissimo ejus igne dissolvi , & liquefieri ad instar metalli , vel vitri fusi , constat experientia : nam observamus quod in fornace reverberii prædictæ arenæ facile fusionem patiuntur , si iis addantur aliqui sales , ut halinitrum , tartarum , vitriolum &c. & hoc pariter observatur in vitrariis fornacibus : si enim glæræ marmoreæ , aut arenæ absque salium admixtione in fornacibus immittantur , negant vitrarii dissolvi semper , aut fundi posse : at si iis admisceantur sales lixiviales ex cineribus confecti , citò in fluorem vitreum vertuntur : cumque in cuniculis , seu fornacibus *Ætnæ* sulphur & sales quam plurimi reperiantur , ut dictum est , & constat ex magna copia salis ammoniaci , quod ex fissuris glæræ egreditur , & colligitur : ergo pari modo in cuniculis *Ætnæ* terra arenosa fundi , & vitrificari debet , ac in vitraria fornace contingit . Id ipsum præterea confirmatur ab experientia facta *Catanzæ* : ibi enim in fornace vitraria posita fuerunt vasa illa , in quibus vitrum coqui solet ( quæ *Mortaria* artifices vocant ) facta ex saxis glareosis nigris , & ferrugineis olim ab *Ætna* ejectis , & hæc ab ignis fervore prius liquefacta fuerunt , quam arenæ in eis contentæ in vitreum fluorem dissolverentur . Hinc mirari licet inconstantiam *Carreræ* , & pertinaciam multorum , qui negant glæræam

ream fluentem ab *Ætnæ* voraginibus gigni potuisse ex arena, aut ex antiquis faxis *Ætnæis* : & hi profecto decipiuntur ab hac experientia : quotiescumque aut in torrentem glareosum *Ætnæum* ignitum, rubicundum, & candentem projiciuntur arenae, vel saxa, licet cooperiantur ab ardente materia fluida, veluti à calce vel gypso in parietibus saxa circumdantur, non tamen liquefiunt, sed remanent intacta ejusdem figuræ, & consistentiæ, quam prius habebant.

Non vident hi auctores, quod materia illa fluens per campos apertos minimè retinet ferventissimam caliditatem, quam in fornacibus habebat : & proinde non potest fundere, & liquefacere arenas, & saxa admista ; sicut in fornace vitraria extracta massa vitrea è fornace ad aerem externum, si ei misceantur aliæ concretæ & frigida particula vitrea, vel arenosa, non possunt à fervente illa massa dissolvi & liquefieri ; propterea quod requiritur valdè intensus gradus caliditatis perseverans, ad hoc ut arena, & vitrum solidum, & frigidum liquefiat ; quod evincitur ex eo, quod eadem fragmenta arenosa, & vitrea frigida, & solida intra eandem fornacem immixta subito liquefiunt. Igitur dubitandum non est fluorem glareosum genitum fuisse ex arenis, & faxis contentis intra ardentes cuniculos, seu fornaces *Ætnæ*.

Decipiuntur pariter illi, qui censent materiam, ex qua gignitur glarea fluens, esse metallicam, ex eo quod funditur ad instar metallorum : quasi non adessent fornaces vitrariæ, in quibus terra, & arena simplex in fluorem vertitur, non secus ac metalla. Sed his omisissis luculentissimo experimento nostra sententia confirmatur. Intra fornacem calcariam si diù testæ, & laterculi coquantur, tandem nigrorem acquirunt, & inflectuntur ut cera, commiscuntur, & liquefcunt ad instar vitri fusi ; & post refrigerationem vitream consistentiam, nigricantem, & opacam acquirunt, omnino similem fragmentis glaræ ex fornacibus *Ætnæ* ejectionis. Stultè ergo reputantur bitumen, aut metallum concrescere in glaream, quando ibidem terra, & arena pressò sunt, quæ facillimè vitream consistentiam acquirere possunt.

Sed negotium faceffit aspera figura, & opacitas glaræ, quæ minimè vitro competere videtur, quod externè  
lavi-

lævigatum , internè vero conformis consistentiæ est , & præterea transpicuum . Hanc difficultatem sufficientissimè diluit exemplum laterculorum in fornacibus diù decoctorum , quos fluorem , & consistentiam vitream acquirere manifestum est , cum tamen superficiem asperam , & inæqualem retineant , atque opaci omnino sint . Sed ratio quare Ætnæa glareæ aspera , & opaca est , peti debet ex difformitate materiæ vitrificatæ . Si enim misceantur arenulæ siliceæ inter vitream massam liquidam , efficient consistentiam asperam , & opacam . Pariterque si in eadem vitraria fornace apponantur arenæ diversarum consistentiarum , quarum aliæ particulæ minutiores sint , aliæ verò grandiores , & ex diversis lapidibus , nempe ex marmore , pumice , lapide nigro , viridi , & aliis innumeris , tunc conficitur massa vitrea impura , opaca , & aspera : secus autem si ex eadem massa lapidea candente ejusdem consistentiæ , & minutissima arena conficiatur ; tunc enim vitrum purissimum , lævigatum , & transpicuum confurgit .

Sic pariter quia terra , & arena in visceribus Ætnæ contenta non æquè contusa , nec homogœnea , neque ejusdem consistentiæ est , confurgit massa vitrea impura , & quodammodo lutosa ; & sic mirum non est superficiem ejus externam esse valdè inæqualem , asperam , & omnino opacam . Nulla enim alia de causâ fluores homogœni , & ejusdem consistentiæ explanantur , læviganturque , nisi quia constant ex particulis minutissimis ejusdem figuræ , & consistentiæ , & gravitatis ; & proindè non impediuntur , quin æquali nisu ferantur deorsum , seu inter se uniantur : at quando partes non sunt ejusdem magnitudinis , neque ponderis , neque consistentiæ , neque figuræ ; tunc aliæ quidem possunt liquefieri , aliæ non ; aliæ magis deorsum excurrere , aliæ vero eminerè , ut lignum super aquam innatans : proindèque necessario componitur externa superficies inæqualis , constans ex monticulis , seu verrucis , atque ex vallibus innumeris , ideoque aspera erit . Hæc eadem inæqualis , & difformis partium constitutio ut contingat quoque necesse est in partibus internis ejusdem glareæ per universam ejus profunditatem ; ex qua proinde sequitur opacitas ejus .

Præter-



Præterea alia de causa superficies externa glære impuræ post refrigerationem non potest esse perfectè lævigata, sed erit aspera, ex undis, & monticulis composita: in his enim proculdubio externa superficies aeri contigua concrescit, licet duritiem omnimodam non subito, & ubique acquirit: at internæ partes ejusdem massæ adhuc ferventes raritatem, & mollitiem pristinam retinent, & multo tardius restringuntur, & condensantur. Igitur concipienda est massa illa vitrificata comprehensa à veste, seu cortice magna ex parte concreto, & indurato in aliquibus particulis heterogeneis fusioni magis resistentibus, sed aliquantulum cedente in aliis partibus ejus: cum verò restringuntur internæ partes, non potest æquali mensura constringi cortex ille externus magna ex parte rigidus & durus, proindeque necesse est, ut partes aliquæ duriores in eodem situ remaneant, dum laterales magis cedentes contrahuntur interius; & sic efficietur cutis rugosa, non secus ac in senili corio contingit, quod olim ampliabatur ab abundantia carnum, pinguedinis, & humorum, & progressu ætatis induratum, deficiente pinguedine, quæ ejus cavitatem replebat, necessario contrahitur; cumque durities, & rigiditas impediatur nè universa cutis contrahatur, remanentibus partibus durioribus magis elevatis, consequuntur asperitates, & rugæ.

Id ipsum in nostra glarea multo magis haberi potest, ob ejus difformem partium compositionem: & præterea alia de causa; ex defluxu nempe ejus, quatenus superficies aliqua ex parte concreta inæquali velocitate moveri debet, scilicet velocius & expeditius propè initium fluxus, quam in locis ab eodem principio remotioribus; & in tali casu effici debent frequentiores & altiores rugæ, & asperitates; non secus ac contingit in luto ex inæqualibus fragmentis arcomposito.

**E**X *proposita hac Borellii doctrina satis, nostro quidem*  
*judicio, affulget, torrentium, qui e Vulcanis hisce*  
*manare consueverunt, materiam nil plane aliud esse, quam*  
*saxa, lapillosque, maximeque sabulum igni prævalido, quo*  
*correpta sunt, absorta atque liquata; conspirantibus for-*  
*tasse*

tasse in eam rem ac cōeuntibus tum sale permulto, tum mineralibus aliis sali affinibus, atque equipollentibus. Quæ sane materia quemadmodum ubi fusa est, speciem vitri conditionemque videtur prorsus induere; ita cum refrigescit, vitri quoque præcipuas dotes constanter servat: nam & durissima evadit, eademque ponderosa, & quodammodo friabilis. At quin, vitri instar, levis etiam sit atque pellucida, multarum materierum ac variarum coagmentatio facit; ex quibus nonnulla haud æque ac ceteræ, fusilis sit. Sicut ne vitra quidem ipsa æquabiliter omnia lævia sunt, atque translucida, ob intermixtam scilicet in iis constandis partem eorum corporum, quæ minus quam reliqua fundi solvique consueverunt. Atqui si hæc plane omnia satis illustrata videri possunt uno exemplo vitri elaborandi, aut etiam altero vitrificationis laterculorum, qui diu in ardentissimo conficienda calci camino concremati sint (quæ duo videlicet exempla a Borellio prolata fuerunt) certe non multo etiam magis persuasos de ea re futuri debemus; nos, inquam, qui in ejus veritatis confirmationem exemplum præterea habemus vitrificationum ab igni efficacissimo Speculorum ustiorum perfectarum; quorum ope, quod est Florentiæ anno 1694 & 95 experimento compertum, proditumque memoria in Ephemeridibus litteratorum Italiæ (1) his verbis, non sine stupore videas pene omnes materias tum simplices, tum compositas, lapides, ligna, herbas, poma, pannos, sericas telas, chocolate, caseum, aliasque non absimiles in vitrum commutari: ut de lapidibus pretiosis taceamus, qui paucis modo exceptis, paræm vicem paremque fortunam subire videbantur. Et Dominus Hombergius (2) in ipso etiam auro, atque argento hujusmodi speculorum ope fieri quoque vitrificationem animadvertit. Quod autem nonnemo sibi deprehendisse quidquam visus est, quare Hombergii experimenta reprehenderet; sane quidem istud

(1) Tom. 8. art. 9. pag. 221. Ubi Speculo ustorio ea experimenta transacta narrantur. At satis compertum est, Lentem omnino ad eam rem fuisse adhibitam. Lens autem ea Florentinæ similis, quæ Serenissimorum Parmensium Ducum Museo addicta fuisse ibidem dicitur, hoc tempore in Regia Aula Neapolitana adservatur.

(2) *Hist. Acad. scient. an. 1702.*

*istud non est rem ipsam, vel rei adjuncta oppugnare; sed impetere utcumque rationem, explicationemque effectuum ejusmodi ab eximio viro propositam (1).*

*Duplici hoc itaque vitrificationis exemplo quisque facile intelliget, sicuti cum crassiore igne, minusque compresso res est, qualis est enimvero ignis vulgariam caminorum; accessionem, opemque alicujus efficaciae instrumenti igni ipsi fore necessariam, ut injectarum materierum vitrificatio succedat. Quamobrem in fornacibus vitrariis sabulum, sive marmoreus pulvis nonnisi cum adjunctis salibus fixis, ex plantarum cineribus elicitis fundi solet: in fornacibus autem calcis conficienda, vitrificandis lateribus adjuumento sunt particula ipsa calcis summopere penetrabiles.*

*Cum vero alius ignis tenuior quidem atque spirabilior, sed magis collectus constrictusque est, qualis ex solaribus radiis arte coadunatis existit; tum certe sine alio adminiculo, brevissimoque tempore res vel plane, vel pene omnes in vitri naturam migrant. Quod cum dicimus, id videlicet dicimus: liquecere illas primum; mox refrigerando congelare; tum in materiam fragilem, aliquaque etiam parte translucentam durari. Quae cum ita sint, plane non videmus, atri horum ignium comparare Vesuvianum ignem potissimum debeamus. Et quidem non illi, qui ex radiis solaribus est: quoniam neque tanta collectio, neque tenuitas tanta, quantam igni ex coadunatis solaribus radiis ope vitrorum ustriorum inesse diximus, in Vesuvianis ignibus locum obtinet. At nec fornacibus etiam vitro calcive conficienda comparatis jure contulerimus. Siquidem multis observationibus ac tentaminibus, de quibus est Capite hujus Historiae tertio facta mentio, intellectum est, ignem Vesuvianum vim efficaciamque acerrimorum, qui ad communes usus excitari unquam solent, ignium multis partibus antecellere: sive propter mineralium efficacissimorum, quae procul dubio naturalibus hisce incendiis alimento sunt, naturam atque indolem: sive propter structuram, situmque cuniculorum, in quibus primo ignis accenditur: quae structura videlicet naturaque loci fieri possit, ut vis ignea*

L. 2.

86.

(1) Consule Ephemerides litteratorum Italiae Tom. 30. artic. 12. pag. 341.

*repercussu acuatur majorem in modum , atque augeatur . Qua ratiocinatione subsistente , in incerto est , egeat , necne , Vesuvianus ignis ad terram saxaque vitrificanda ejus opis atque subsidii , quod est caminorum igni arte excito ; ad sabulum fundendum , in vitrique indolem traducendum necessarium . Sed enim ambiguitate hac angi nos , deque ea laborare non decet : sive enim ejus adminiculi opus fuerit , sive plane non fuerit ; sane nec Vesuvii nostri viscera fodi-  
naque , nec reliqui omnes Vulcani ea salium omnis generis copia destituuntur , quæ vel omnino valeat ad vitrificationem hanc prorsus transigendam ; vel saltem ad expediendam eam , & consummandam conducibilis sit .*

## CAPUT QUINTUM

De Cinere , deque Lapidibus , quos  
Vesuvius ejectare solet .

**A**D pleniorē Historiā hujus Vesuvianæ captum non erit abs re nonnihil etiam de Lapidibus , deque Cinere a Vesuvio eructatis hoc Capite dicere ; deque eorum indole , atque effectibus : etiam si inter ea , quæ sunt nobis supra disputata , harum etiam rerum mentio interjecta sit multis in locis . Sane constat inter nostros , quavis tolerabili etiam , ac ne mediocri quidem conflagratione Vesuvii , inter sumi globos confertim prodeuntes nunquam non cineris , sive arenæ ingentem copiam conjunctam esse consuevisse : quæ donec sumi densioris impetu sustentetur , cum eo prorsus confunditur , nullo ut plane indicio dignosci inter se , discernique valeant : sed sumi cursu impetumque ipso , quo magis dissipatur , magisque ab ortus sui initiis recesserit , paulatim remittente , incipit cinis ille decidere ; primum quidem grandior graviorque , tum reliquus deinceps , ferme ea lege ritumque , quo cernas in flumine facile rapidissimi torrentis vi parere saxe , terram , arenam :  
sed

sed cum primum a celeritate sua tanta amnis cœperit excidere, ordine demergi videas atque ad ima detrudi primo ponderosiora corpora, dein leviora; itaque demum sensim ac pedetentim, limpidam aquam, omnique corporum, quibus occupabatur, colluvie purgatam.

Atque hinc factum, ut montis radices oppletæ fere totæ sint cinere, lapillisque istuc, quo diximus pacto, in levibus etiam incensionibus delapsis. At vero si conflagratio sævior sit, ac vehementior, tum uti fumus ipse vi impetueque prope infinitis partibus majore e monte erumpit; ita montis quidem ipsius radices non cineris, lapillorumque imbre, sed horribili immanium saxorum, ac propemodum rupium ignitarum procella vexantur; in paulo autem remotioribus locis lapillorum pluvia fit: tum materia magis attrita, atque a summo tractu delata frustula portione tenuiora levioraque longius aliquanto impulsæ decidunt; quoadusque minutus cinis tenuisque vel in remotissimis terrarum tractus asportatus, delabatur ac depluat. Atque hoc illud est, quod præcis recentibusque incendiorum narrationibus docemur, Vesuvianos cineres vel in Ægyptum nonnunquam (1), ac Syriam, aliquando Constantinopolim pervenisse: frequentius autem in Dalmatiam, in Adriaticum mare, inque Provincias Regni hujus nostri remotissimas. In quam admirandam plane cinerum dissipationem juvat hic nonnulla animadvertere. Primum: Nubem hanc summi cinerisque ingentem, quæ e Vesuvio exsurgit, facile vento obsecundare: quapropter prout is ex diversa cali regione aspiraverit, in diversam quoque partem fumum cineri mistum ferri: cumque novissimo incendio hoc plerunque australes venti obtinuerint; idcirco importuna hæc horribilique pluvia ea præter cætera loca infestata sunt, quæ ad septentrionalem montis plagam sunt posita, nimirum Urbes Summa, Nolaque, ac vicinus tractus: cum interea Pompejanum, Herculanium, Retina, Porticus, aditusque ager tanta calamitatis prorsus essent expertes: quamvis loca ista minus admodum, quam priora illa, a monte distarent: cum vero per aliquot dies, jam de-

(1) Apud Dionem, & alios.

*deservesciente conflagratione , ventorum esset facta conversio, tum demum fumus cinisque Pompejanum etiam , finitimamque regionem male habuit . Secundum : non in hac recenti deflagratione dumtaxat , sed & in antiquioribus fere omnibus præcipuas cladis partes iis locis , quæ montem ex septentrione , vel saltem ex oriente prospiciant , obtigisse : fatumque id , ut diximus , propterea , quod hic plerunque meridionales venti , vel saltem qui ad occasum accedunt , quos scilicet nos a mari omnes accipimus , vigere consueverint . Quocirca diffusus in Syriam usque , in Ægyptum , ac Constantinopolim Vesuvianos cineres accenimus : in adversam autem partem , vix in incendio sub Tito novimus , Dione testante , Romæ cineribus pluisse ; id quod fit etiam ex eo credibilius , quod de nebula Milenum , Capreas , aliisque loca ad occidentem , & ad africanum posita obsidente Plinius ( 1 ) scripserat . Anno 1707 tum , cum fami cinerisque vis confertissima , peneque incredibilis diem omnino ex oculis abstulit multis vicinis oppidis ; huic calamitati occidentales regiones præ orientalibus fuerunt obnoxia : at constat tamen plerunque rem secus habere ; ventosque meridionales , qui præ reliquis omnibus hic locum habent , urbem ab horrenda hac teterrimaque clade immunem servare solitos . Tertium est , quod quamvis passim Historici has cinerum in remotissima loca asportationes soleant in magnitudinis , vastitatisque incendiolorum argumentum referre ; tamen dicendum potius videretur , capi hinc conjecturam magis posse virium , potestatisque ventorum . Etenim quantusvis cinis ignium ope in apertum eductus esse fingatur , nisi opportuna tamen ventorum adspiratio , qua abducatur cinis ille atque asportetur , præsto fuerit , statim ad montis ipsius pedes reidat ; vix tantum spatium emensus , quanti fuerit primævus ille impulsus , quem ab igni , aliave qua re , qua eructati huiusce cineris causa ponatur , accepit . Cum itaque perbibent , Vesuvianum cinerem ad usque Ægyptum , & Constantinopolim delatum fuisse ; conicere inde deberemus , tunc temporis vehementissimos , diuturnosque ventos obtinuisse ; casuque omnino evenisse , ut ventorum talium vis*

*illo-*

(1) Epistol. 20. libr. 6.

*illorum cinerum, qui Vesuvio forte impendebant, reliquias secum auferret. Sed vero haud proinde dixerimus, nullum plane ex miranda hac cineris diffusionem capi vastitatis incendii documentum; nisi enim cinis ejusmodi copiosior sit, novaque ejus continenter decurrentibus ventis copia suppetatur; agere intelliges, qui potuerit ad tantam locorum distantiam in aëre sustineri. Quandoquidem experientia docemur, quamlibet citissime cinerea nebula a vento delata permoveatur; nunquam tamen non illa irrorari, inquinarique subjectam humum. Ut itaque intelligamus, terram ab urbe hac ad usque Aegyptum cinere fuisse conspersam tractu nunquam interrupto; necessario ponendum est, cineris vim ingentem atque immensam existisse.*

*At enim qui fieri potuit (quod est enimvero memoriae proditum) ut eodem tempore, seu potius eodem incendio Vesuviano cineri obnoxia fuerint loca diversa, imo aliquando etiam plane contraria? Id videlicet accidere potuit primo, quoniam per quindecim, aut viginti dierum decursum diversi atque etiam prorsus oppositi venti spirare potuerunt: quemadmodum & nupera deflagratione hac, qua brevior tamen fuit, novimus evenisse, ut nimirum alii atque alii subinde venti obtinuerint. Rursus & illa quoque ratio iniri posset, pro diversitate locorum ad eandem celi regionem positorum, potuisse peculiarem aliquem ventum alicubi excitatum, cinerem, quo forte ibi aër scatebat, arripere, transversumque actum in aliam deinde regionem demittere: itaque cinis, exempli gratia, adactus in Syriam potuit facile a peculiari aliquo vento Syriam forte perflante, in Aegyptum deferri. Quae profecto omnia cum a vario diversoque ventorum impetu arcessenda intelligamus; certe vi quoque ipsi impulsuique ventorum majorem minoremve celeritatem, qua in remotos terrarum tractus cinis argetur, ferre oportet acceptam. In conflagratione anni 1631. tradit Recupitus Aletium, Bariumque cinerem pervenisse fere octo post horas, quam a Vesuvio discessisset. De incendio autem sub Tito testis est Dio, cinerem Romanis delatum aliquot post montis incensionem diebus, cum tamen nondum ibi rescitum esset, quid in Campania accidisset: Vide-*

*Videlicet reputare animo possumus , per aliquot dies postquam ardere mons ceperat , variasse ventum ; cineremque , quem prius alio adegerat , tum demum Romam adduxisse ; minime vero , tot dierum spatio ad eam asportationem opus fuisse : eo vel magis , quod tuto affirmare possumus , nisi ventus vehementior fuerit atque citatior , cinerem diutius in aëre suspensum stare non posse : etsi in hanc rem tamen non parum conferre potest & ipsa tenuitas figuraque illius , ex ejus legis praescripto , qua fit , ut quo corpora minorem materia partem sub majore superficie contineant , eo facilius supernatent , aut in suspensio sustineantur a liquido altero corpore , se ipsis forte in specie , ut ajunt , leviores : quam nempe figuram minutissimus cinis vel habet ipse per se , primaque sua conditione ; vel deinceps adsciscit , adhaerescens inter se se , conglomeratusque illius ope pinguitudinis , qua imbutus est .*

*Verum si nosse deinde quis audeat , qua ex materia cinis iste concretus sit , quove pacto in auras tanto impetu dispergatur , Borellii in hac re sensa mentemque referemus , qui in saepe laudata , quam vocat , Meteorologia montis Aetnae , caput hoc diligentissime pertrahat . Is itaque primo cineris illius genesim confert in cinerem vel arenam illam , qua obduta jamdiu sit veteribus incendiis montis superficies ; quaque deinde impetu sevientis ignis amoveri , dissiparique in auras potuerit . Rursus existimat , arenas hasce generari de novo posse vel fricata , comminutioneque saxorum & pumicum , profecta ex totius montis concussionem , singulorumque lapidum incurso , & allisione ; vel congelatione jam fluidae materiae : quae sane & dissiliendo in auras potest repente in arenam minutulam solidescere ; & durata etiam in saxum , potest comminutionem eam subire , quam diximus veteribus pumicibus , aliisque montanis saxis obtingere posse . Sed & aeris quoque in hujusmodi concretionem partes nonnullas esse posse arbitratur : aliaque multa satis acute tradit , quare cinis , arenaque , ac majora alia saxa extrudi in auras queant , ejacularique longe lateque .*

*In quam Borellii commentationem placet duo animad-*  
*ver-*



vertere. Primum est de materia ipsa cineris arenaque, quam Vesuvius, ubi deflagavit, solet egerere. Videtur enim si minus ea plane omnis, certe magna illius pars ex soluta iterum, liquataque materia creari non posse; sed potius ex veteri montis crusta diffracta, inque tenuissima frustra comminuta, ob aliquam earum caussarum, quas Borellius exposuit. Quod arguimus ex eo, quod cinis hic noster illitus sit scateatque bitumine, ac pinguitudine quadam, passim ab rerum Vesuvianarum scriptoribus (1) memorata. Haud enim crediderimus, vim illam atque energiam ignis tantam, qua arena lapidibusque liquandis, & in vitri naturam immutandis satis sit, ullam in iis nihilominus humoris partem residuam relinquere posse, quin extinguat penitus & absumat. Inter causas autem cur arena isthac, lapilli, saxaque etiam ingentia in auras diffiliant, aliis multis a Borellio excogitatis juvas & alteram adjicere expeditiorem, maximeque e natura ipsa rerum, a Dionis acceptam: eaque posita est in comminutione atque dispersu, qui necessario ruinam consequi debeat saxorum immanium, integrarumque rupium & fornicum, qua, subruo vi vastitateque incendii fulcimento, magno impetu labefactata feruntur in præceps; haud secus atque ex repentino vetusti adificii casu turbinem quendam minuti cineris, circumstantem aërem plane occupantem, excitari videmus. Dionis autem verba latine versa sic habent; ad hæc & cinerem nonnunquam projicit, quoties simul aliquid subdidit: hoc est, cum quidquam illabi, atque incidere in ardentem ignem reputari possit, ut Leander Albertus interpretatus est.

De effectibus autem delapsi nupero hoc incendio cineris ut differamus, docendi lectores sunt, illum, præterquam quod in remotissimas Regni Provincias, quocunque cum diffundere ventus valuit, delatus est; locis monti propinquantibus, præsertim Summæ, Octaviano, Nolæ cladem vastitatemque gravissimam attulisse: uti ex factis ibi IV. & III. Id. Jun. a nonnullis sociis nostris observationibus,

M

quas

(1) Videatur præ ceteris Macrinus cap. 8. pag. 70. & cap. 10. pag. 91.

*quas proferre hic pergimus, potest intelligi. Summa autem est ejusmodi.*

*In Summano territorio occurrebat, adcunti scilicet per publicam viam, quæ ab Neapoli eo ducit, cinis centum amplius passibus antequam urbem ingredereris. Urbem vero ingresso omnia fusco colore obsita videbantur præ cinere parietibus tectisque adhaerescere, eaque fedante: qui pluviali aqua solutus, in quandam veluti mollem massam evaserat; quæ de summis tectis dilapsa, per parietum superficiem depluebat ad eum modum, quo liquefactum sebum per candelæ drisum decurrit. Nullibi apparebant neque lapidea viarum strata, neque earundem lacuna, asperitatesque priores: sed completa omnia, contexta, aquataque superinjecto glaræ, arena cinerisque pavimento. Ædificiorum autem in eo oppido, nec ruina ulla, nec labes fuit. Ager omnis coaquatus, & veluti stratus erat arena, cinereque desuper illapso; qui propter demissas pluvias videbatur quasi in massam coaluisse; ita ut forte percussus atque ictus, etiam abiret in frustula. Sub primo hoc cortice stratove arena latebat soluta, atque in diversa tum magnitudine, tum aspectu grana distracta. Cinereum illud pavementum non parem ubique altitudinem habebat; sed eo majorem, quo ad montem propius accessisses: cujus ad radicem multos palmos altam fuisse oportebat; quando non modo gramina & stirpes coopertæ fuerant omnes, atque adeo conssepulta; sed vix majorum arborum trunci pars nonnulla exemta eminebat. In planitie quoque herbe omnes occupata tectaque, sata dejecta: notatumque est, caules frugum firmiores, qui sese utcumque exonerare, atque expedire cinereo pondere valuerunt, omnes in oppositam monti partem curvatos deflexisse: quod documento fuit, cinerem inter labendum obliquam viam instituisse, ut impulsus scilicet, quem ei ventus indiderat, postulabat: isque flexus atque inclinatio in adversam monti plagam ubique pariter visabatur. Arborum frondes omnes vel plane emortuæ, vel certe marcidæ: digitisque contritæ statim in pulverem solvebantur. Idipsum de fructibus pro portione putandum est: ea tamen parte magis vexati erant, quæ primum cineris etiam-*

etiamtum ferventis illapsum exceperant. Teneriores autem arbores, ut & robustiorum culmina majorem præ ceteris noxam præferebant: itaque recens aliquis surculus potius e ramorum corpore, quam ab intermortuo culmine prodire visus est. Sed & illud animadversum, plus cladis illatum a cinere minutiore: auctumque id est tum, cum pluvia in massam concretus fuit, frondibusque ac fructibus, quos prius insederat, penitus adhæsit: cum tamen interea arena majuscula, ipsique lapilli, qui protinus humi deciderant, nullum nocendi locum habuissent. Inter læsas autem plantas primas noxæ partes pertulerant mali, piri, prunique: secundas populi, vites, fici: postremas mali medicæ, atque oleæ, quarum tamen etiam semiambusta culmina cernebantur. Nil detrimenti ceperant sorbi, fortassis ob frondium conditionem, magisque ob illarum figuram, ut situm. Ederæ pleraque innoxia, virentesque; sive præ natura ipsa frondium; arborum etiam & murorum, quibus adhærescebant, tutela atque præsidio; sive præ illarum positu, neque ad excipiendum pestilentem hunc cinerem, neque ad retinendum accommodato. Porro ut plures arbores reciperent sese ac reviviscerent, plurimum profuit terram circa earum pedes amovisse, cineremque e ramis excussisse. Quæ cura cum aliis aque minime fuisset impensa, contigit ut & illa ipsæ arbores, quæ acceptæ calamitati superstites videbantur, non multo post interirent; solasque populos, utut omnem prorsus humorem exuta viderentur, rescitum deinde est, præter spem atque expectationem reviruisse.

Calamitatis istius neque ipsa animalia expertia existerent, non ex pabuli modo desiderio, sepultis suffocatisque cinere herbis omnibus; sed & quod minutiora eorum, quaque sub dio victitant, neque pondus, neque molestiam demissi in sese cineris ferre potuerunt. Itaque aves passim vel extinctæ, vel semianimes: serpentes etiam, lacertæ, & alia id genus animantia suffocata. Homines non amplius duo desiderati; qui cum forte seorsum arboribus insiderent frondationis causa ad pasturam bombycum, tum cum occæpit cineribus pluere; ambo exsternati animo, præcipites corruerunt: tantaque fuit ruinæ perniciēs, ut pau-

eis post diebus e vita exceſſerint : Ex quo etiam illud affulget , primum ſubitumque effectum cineris eſſe , ut caput mentemque turbet ejus , qui illum ſub dio , nulloque praſidio tectus excipiat .

Aquarum occulta vena nullum detrimentum paſſa : eaque dumtaxat , qua hianſe cifternarum ore cineres acceperant , amaritiem nonnullam , qua vix ad paucos dies tenuit , contraxerunt .

Oſtavianum horribilis quoque Veſuviana materia grande infeſtum habuit ; qua prater minutum cinerem , glaream etiam , lapideſque non modicos ſecum ferebat : itaque ſolum partim tres , partim quatuor , partim quinque amplius palmos exceſſiſſe , ac tumere videbatur . Tanto haic oneri plurimarum adium tecta ſuccubuerunt : qua ruina tres ſacræ Deo Virgines oppreſſæ , exanimataque : quarta crura conſracta . Arboribus minus detrimenti fuiſe : cum enim crebra majorum arenarum lapillorumque grandine jam antea nudata frondibus eſſent , nullus ſuccedenti cineri ſubſidendi , adharendique locus fuit : itaque ſtatim pullulare iterum , novisque frondibus conveſtiri . Solam autem uſque eo obrutum ingenti cineris , lapidum , arenaque coluvie , atque occupatum erat , vix ut multo labore , longaque die ad cultum revocari , repararique poſſe videretur .

Nola , quod ad cineres attinet , eadem fortuna fuit ; nulla tamen adium labeſ . Fenestra vitrea pleraque fracta maleque habitæ impetu ruentium lapillorum ( id quod Oſtavianum quoque , Summæque acciderat ) iis dumtaxat indemnibus intactisque , quas licuit amotas in tuſo ponere . Hoc autem de illis modo vitreis fenestris dictum volumus , qua vento grandiusculas arenas lapilloſque cienti , urgentique erant objectæ . Biſmille ultra Nolaſſibus neque tantus cineris imber , neque tanta agris frugibusque calamitas inſedit , ut cum memoratorum locorum clade conferri poſſit . Id non ſilendum , fruſtus , maximeque ceraſa Veſuviano cinere tacta hiſ , qui inconfiderate illa comederunt , & moviſſe ventrem , & febres etiam exceiſiſſe .

At de cineribus arenisque ſatis : jam vero de ſaxis grandioribus a conflagrante Veſuvio eſſectatis pauca dicamus .

Sane

*Sane ex his, quæ de cinere arenisque disputavimus, proclive est intelligere, quæ ratione majores lapides in aurâs extradantur; quæve ex gravitatis cujusque modo ac figura alter altero longius ab igneo montis cratere decidas: quæve eorum natura, quæve conflatio statui verisimilius possit. Hæc pleraque non nativa propriaque montis saxa esse, sed concreta coagmentataque ex aliis corporibus liquatis, in vitrumque & calcem redactis tam est manifestum, ut Vitruvius sola id observatione cognoverit: itaque cum de Pumicibus, qui in Pompejano territorio, hoc est, in Vespasianio tractu sunt, loqueretur (1), opinatus est, reliquias illos esse materia cujuspiam inflammata, atque in aliam speciem traducta: ejus verba sunt: ideoque quæ nunc Spongia, sive Pumex Pompejanus vocatur, excoctus ex alio lapide in hanc redactus esse videtur generis qualitatem. Pumices hosce vel memoria sua spongas appellatos hic Auctor tradit: idque jure quidem optimo; re enim vera spongiarum instar sunt undique foratarum: ut nisi pondere, duritia, forte etiam colore discreparent, ipsissimarum spongiarum loco numeroque haberentur. Hi lapides ii sunt, quorum inter nostrates Architectos usus est plurimus ad fornificanda ædificia, propter eorum scilicet tum levitatem, tum facultatem etiam atque indolem, calcem humoremque avidius excipiendi, penitusque combibendi: unde fabricationum firmitas perpetuasque existit. Quæ ipsa ratio est, eodem loco a Vitruvio proposita, cur pulvis, terraque Puteolana, atque universe genus id omne materialium, quod tellus hæc nostra suppeditat, ad præstantiam ædificationum ac diuturnitatem mirum in modum conducibilia deprehendantur.*

*Horum vero ejellitorum lapidum plerique nec colore, nec gravitate, nec forma inter se constant: idque discrimen derivasse putandum est vel ex elementis singulorum primigeniis, vel ex impari ignis, quo procreati sunt, efficacia, ut est supra a nobis in alia causa traditum: nisi quod aliquando nonnullus ex his lapidibus montis ipsius proprius, nativusque esse videatur; aut saltem ætatis ve-*

(1) lib. 2. cap. 6.

tustissima, antiquioreque aliquo incendio generatum: argumentoque sunt illius soliditas, color, levitasque & complanatio superficiei: quæ videlicet qualitates videntur in materiam vix dum e priore liquiditate obduratam non admodum convenire posse. Inter hos autem lapides quidam sunt firmitate mediocri, nimirum ex genere neque spongiosorum plane, neque solidiorum; qui attriti, redactique in pulverem, in arenulas discedunt subfuscas, micantes, atque translucidas, ut patet, si qui eos microscopii subsidio adjunctus inspexerit. Qua scilicet observatione certiores facti sumus speculares illas arenas, atque subobscuras, quibus ad exsugendum recentium scriptorum atramentum passim utimur, quarum magnus numerus in Prochyta, Ænariæque litoribus colligi solet, quamque Dom. Hombergius in Romanis etiam campis invenit, revera fragmenta esse minutissima, & postrema lapidum huiusmodi, in eam formam ex assidua marini fluctus agitatione, aliave aequipollenti causa redacta: & ubicunque illa deprehendantur, reputandum esse vel ibimet, vel in vicinia mineralem aliquando ignem vehementer arsisse, qui terras, aliæque obvia atque opportuna mineralia afficere, in vitrique indolem immutare valuerit. In hac sententia noster Tb. Cornelius fuit: qui ex compertis Neapoli circa litus Echiæ suppositum arenæ huiusce reliquiis, animum induxit ut crederet, ibi quandoque incendia exarsisse: quemadmodum in insulis ipsis Prochyta, Ænariæque; quibus locis, ut modo dicebamus, ingens arena illius vis colligitur. In hanc ipsam opinionem descendunt supra citatus Dom. Gothofredus, & sagacissimus Petrus Antonius Michelius (1): qui ex his, aliisque id genus monumentis super monte Radicofano in Etruria reperiis, coniecit, etiam illic vetustissima hominum memoria Vulcanum aliquem existisse. Quam autem ob rem docto viro Abbati Bourdeloto (2) in mentem venerit ut crederet, arenam illam, quam Romæ Judæi venditant siccandorum

scri-

(1) Dignum est quod legatur ejus Elogium Florentiæ editum an. 1737. pag. 19. ut et Tom. VIII. Opusculorum philosophic. Dissertation. 2. de Terræ motu pag. 45.

(2) Apud Bocconium Inquisitiones, & observationes naturales Epistol. 8. pag. 71.

*scriptorum gratia , nil nisi vitrum esse longa aetate attritum in pulverem , atque in lucidas arenulas transformatum , plane nobis obscurum est . Illud contra novimus , arenam hanc ex factis vehementi aliqua incensione vitrificationibus exstitisse : quod & multorum virorum insignium testimonio , & nostra ipsorum observatione , quam modò cum lectoribus communicavimus , satis est abundeque probatum .*

## CAPUT SEXTUM

### De Mephitibus Vesuviano Incendio excitatis .

**S**I in quavis alia terrarum orbis parte quispiam esse possit , cujus auribus Mephitis vocabulum novum atque inauditum accideret ; aut saltem qui nominis hujus notionem potestatemque haud omnino cognitam haberet , qualem docti homines , qui de ea non ita pridem scripserunt , imbibérant : certe quidem in Neapolitanos cadere hujus sive ignorantia , sive erroris suspicio ulla non potest . Neque vero solum ea litteratorum natio , quæ Naturalis Historiæ studio delectatur , hujus rei notitiam ex eruditissimo opere a nostro Leonardo a Capua de eo argumento edito haurire legendo potuerunt ; sed & nullus fortasse ex imperito vulgo rudique plebecula sit , qui nil unquam vel viderit , vel exaudierit eorum , quæ in celebri Charonea scrobe , sive , quam dicimus Canis Crypta ad Aniani lacus ripam , Neapolim inter ac Putenlos posita , eveniunt . In eam namque cavernulam Canis illatus , ibique subsistere capite demisso coactus , statim ilia ducere atque anbelare conspicitur , eorum animantium modo , quorum efficacius spiratio præpediatur : tum concidere pene exanimatus : & , nisi ex templo in apertam eductus sit , brevi inter prohibita respirationis molestias , largumque salivæ ex ore profluvium , plane extinguï . Quod canibus usuvenerit cernitur , nihilo fecius cuicunque ceterorum animalium fiet ;

*fict; modo rictum, quo spiritum ducunt aëremque accipiunt, sub illis finibus habeant, quo se Mephitis vires, & , quam sphaeram activitatis dicunt, extenderint. Itaque homo, qui stans reclususque in eo specu vivit & spiras innoxius, ille ipse si caput demiserit in eam altitudinem, in quam Mephitis exserit sese, animam efflabit iisdem eam symptomatis, quae in canibus, aliove animalium cernere consuevimus; solo fortasse discrimine vel celerioris obitus, vel tardioris; quod sane discrimen conjectare licet vel a corporis firmitate, vel a peculiari quadam constitutione huiusmodi angoribus sustinendis plus minusve accommodata, proficisci. Haec, aliaeque complures circa Neapolim, atque in variis Regni partibus mephites sunt: superque his permultas alias notatas ac descriptas invenias ab Historicis atque Geographis; quas habes apud citatum Capuam (1). In hanc quoque classem accensentur Avernii, ita appellati, quasi Aorni (2); si quidem ob pestiferam exhalationem, qua omnis circa aër inficitur, aves, si qua forte illac discurrant ac pervolitent, exanimae concidunt, statim atque subjerint.*

*Sed us perspicuitati, quam fieri maximo poterit, studemus; Mephitim dicimus expirationem quandam, quae non putore, non calore, non frigore, nulla denique alia eorum, quae sub sensum aspectumque cadunt, qualitate; sed vi alia prorsus occulta, causaque abstrusiore illico animalibus juxta, & flamma noxia atque exitialis existit, usque eo, ut si fux bene magna vividiorque in mephitis fines inferatur, tanta celeritate extinguatur, quanta, sicubi in aquam immergitur, extingui solet.*

*Mephites hasce tradunt illis in locis reperiri, quibus mineralium copia infit: ideoque, si qua regio Vulcanos ullos habuerit, eandem & mephites frequentes habituram. Itaque (ut alia communis huius sententiae argumenta probationisque taceamus) pestilentes has exhalationes circa Vesuvium saepe compertas esse: quarum aliae perpetuae sunt, eundemque vel efficaciae gradum, vel finium modum servant:*

(1) In praefatione ad Dissertationes de Mephitum natura.

(2) Id est Avibus infestis sive sine avibus.



vant : alia per occasionem e terra erumpunt , & aliquanto post tempore evanescent . Quare saepe inter terram alte eruendam opera ex improvise nonnullam mephitim offendant , non sine magno vita periculo , nisi protinus in apertum prodierint : at ubi aliquandiu evaporarit , intermissum opus tuto repetere possunt : quod in Neapolitano quoque agro nonnunquam usuenire & scribit prater ceteros Cornelius (1) , & quotidiana nos experientia edocti sumus . Misso interim genere illo mephitum , quas artificiales dixerimus ; nimirum quae vel ex fervescendo musto , vel ex commissis chemica opera mineralibus quibusdam , vel ex incensis carbonibus ; maximeque omnium ex aëre diutius in angustum locum coacto atque constricto excitari solent : de iis modo inter naturales mephites sermonem instituemus , quae temporariae sunt ac fugaces : pressiusque de illis tractabimus , quae in Vesuvii vicinia nupera hac conflagratione exstiterunt : quenam earum indoles , qui effectus ; ceteraque ejus generis investigata a nobis atque comperta . Nam , quae mirandi hujus monstrosique phaenomeni causa ponenda sit , querere interim supersedemus : quando de ea re & nonnemo jam ante nos late disserat ; & nonnemo etiam , quod sibi magis arriserit , pro suo vel libitu vel philosophandi more atque instituto , opinabitur .

Ergo circa Vesuvium mephites e terra saepe proveniunt : idque prater reliquos testatus est Capua . At quas ille commemoravit non ea ipsa sunt , de quibus nobis tractatio est . Siquidem Capua de illis loqui mephitibus accipiendus est , quae vel constanter diuturneque in aliqua ejus vicinia parte subsistant : ( quo ex genere revera multa sunt praesertim intra puteos ) vel in evertenda eruendaque terra occurrunt : sicut de regione Lucullana in urbe nostra Cornelius etiam scripserat : itaque mephites hasce se habere ex Capua ipso discimus , cum adjecit , animadversum esse , ardente Vesuvio perpetuis illis constantibusque mephitibus multum de vi efficacique decedere : quasi ignis vi atque actione vel ex parte absumeretur , vel alio per occultos meatus diffunderet sensimque evanesceret mephitum ipsa materies .

N

At

(1) In Progymnasmate de Sensibus .

*At in mephitibus novissima hac conflagratione obortis diversa omnia . Siquidem post aliquandiu , quam incendium desavisset , sexcentis in locis prodire in ea vicinia vehementissima , eaque recentes omnes : idest eo loci , quo nulla adhuc exstiterant , aut minimum multis abhinc annis .*

*Erant igitur istæ , de quibus agimus , ex mephitum verarum numero , atque ex genere efficacissimarum : uti experimenta quæ paulo post adscribemus , evincunt . Illud vero præter fortasse opinionem , & insigne ; illas non in tractu ipso nuperi torrentis exhalasse , sed in ea generatim regione , quæ torrentium incendio anni 1631. effusorum reliquias nunc parvas hodieque servat . Præterea & id in antecessum adnotandum est , mephites hæc , quas modo tractamus , admodum ab iis calentis fumi expirationibus diffidere , quæ passim e recentibus torrentibus igni adhuc atque inflammabilibus mineralibus sætis erumpere prospiciuntur . Illa enim visui protinus atque sensui nequaquam patent ; soloque effectu exitii & noxæ deprehendi possunt . Hæ vero contra vel ad magnam locorum distantiam conspiciuntur ; calent ; nullamque , vel certe minimam ei , qui forte illas exceperit , molestiam creant ; imo non desunt , qui & ad fovendos recreandosque spiritus valere putant , pectorique etiam aliqua parte prodesse : sicut de sæto sulphuratis anhelitibus aëre medicorum vulgo sententia est .*

*Solebant autem de mephitibus his passim per patentes campos exortis fieri accollæ certiores vel ex frondium herbarum motione ( quæ nonnisi in rimæ alicujus , unde mephitis rapidior efflaretur , faucibus locum habebat ) vel quod viderent plantarum adsitarum frondes tabidas , ac pene ambulatas : vel demum quod alicubi minutas aves , lucertasque , ac alia animalcula emortua offenderent . Sed enim in puteorum margine , si quis eo oculorum aciem intendisset aëre jam nonnihil sole collustrato , tenuis quædam nebula , fumusve interruptus ac fluctuans inde assurgere visus esset , plane ejus similis qui ex incensis vividisque prunis extollitur ; quique contra lumen positus , tenuiculam tamen umbram in oppositam partem projicit . In puteis caveisque subterraneis abique oborta mephites erant ; illis dumtaxat immunibus loco-*

locorum spatiis, quibus forte nulli delitescabant vetusti ejectitia materia fluvii. Ad hæc, conjectura etiam intelleximus exitiales hæc evaporationes in solidam terram atque obfirmatam (1), multoque etiam minus in durissimam saxorum compagem, quam olim Vesuvius fluentem ejecerat, transversas perrumpere non posse; sed sibi inter divulsos lapides illos, qui ut supra est a nobis suo loco dictum, torrentes passim & comitantur euntes, & ambiunt, viam munire: tum vero in apertum evadere per spiramen aliquod, quod in aliis quidem mephitis satis latum atque hians invenimus; in aliis autem inesse etiam arbitrabamur, quamvis nulla illius vestigia luculenta apparerent. In spiraculis illis patentioribus (cujus præter cetera generis erat alterum ad paucos passus post ædem S. Mariæ Apulianæ; alterum prope semitam, quæ inter consitas hinc atque inde vineas in montis ardua ducis, quem locum Trentulam incolæ dicunt) motus tractusque mephitis sese aperte prodebat non eo solum, quod circumposita herba nutarent, perinde ac si leviter vento concuterentur; sed etiam, quod si quis forte illuc manum, crurave admovisset, erumpentium exhalationum impetum, validiusculi instar spiritus, persentisceret. Ferebantur autem exspirationes hujusmodi deorsum semper: illarumque motus fere ad easdem regulas ac leges exactus; quibus liquor quicumque crassior moveretur: proindeque in puteis, cum mephitis e lapideo circum strato, quod erat & vetusto aliquo montis torrente decisum, exhalaret; primum illa in aquas ipsas delabebatur: tum interiore spatio occupato atque completo, sursum enitebatur, ad superumque marginem evadebat: ex quo tandem foras effusa, ac per vicinam humum spatiata dissipabatur, atque evanescebat. Idque obtinebat eatenus, ut in quodam puteo, cui ad multos supra aquam, paucos infra crepidinem palmos cum cavea vinaria conspiratio erat, nunquam ad superiorem oram mephitis emerferit, sed intra caveam illam diffusa evanuerit. Quod autem docuimus, mephitim deorsum semper, nisi quid vitaret, deferri; id eo maxime docti sumus, quod

N 2

ob-

(1) De aliis mephitis secus Capua docuerat loc. cit. nobis autem ratio veritasque ejus doctrinæ incomperta est.

*observatum a nobis fuit post adem S. Mariæ Apulianæ : nimirum quod cum in apertum vapores ejusmodi prodissent, circumque terram ipsam essent disseminati ; tum explorata vicinia ultra decem aut duodecim passus per ardentem faciem, mephitim extinctam jam, seu potius dissipatam comperimus : at cum ad fossas nonnullas circa positas, vix palmum altas, quas ad rei rustica opportunitatem coloni fecerant, eadem esset facta tentatio ; in illarum fundo & facies, & aves extinguere animadvertimus. Qua videlicet observatione intelleximus, sicut cum flumen aliquod ex aquarum redundantia ripas transgressum excurrit ; aqua vel a fluentis amnis, vel a ventorum impetu diffusa brevi vaneſcit, ut exsiccata terra superficies vix ulla ejus vestigia ostentet ; cum tamen una interim scrobes, ceterave humiliora loca satis madeant : ita etiam cum mephitis isthac evaporatio tantum agri spatium discurrerit, vagataque sit ; partem eam, quæ terra æquori incubuisse, ventis spirantibus dispersam dissipatamque fuisse : cum tamen intra fossas vigeret adhuc, vimque suam omnem nibilo secius tueretur. Veram enimvero hoc ipsum, quod affirmavimus, mephitim aliorum liquorum modo deorsum vergere, non ita dictum a nobis, aut a lectoribus acceptum volumus, quasi tam ponderosos halitus hosce faciamus, ut statim atque sese omni impedimento extricarint, humum recta, perque viæ compendium petant ; uti ceterorum corporum graviorum indoles fert : nam passim videres anhelitus istos sursum extra puteorum crepidinem recta extolli : deinde deflectere deorsumque prolabi : quæ autem illorum portio murorum ambitus, alteriusve septi impedimento exempta terram versus ferebatur, illum hoc non per lineam perpendiculararem, muroque allabentem, sed per obliquam sensimque solo accidensent moliri. Itaque experti sumus facies vel palmum, & amplius supra puteorum marginem positas vim sentire mephitis, atque extinguere easdem si ad inum ejusdem marginis murum fuissent applicitæ, vivere innoxias atque ardere. Quocirca reputare animo possumus, circa puteorum oras, ex quibus mephitæ efflabantur, triangulare aliquod spatium halituum illorum incurſu vacuum atque immune fuisse :*

fuisse: contentumque id muro, ceu recto latere; portione aliqua soli, ceu altero item recto latere: tertio demum curvo, quod flexuose delabens mephitis exspiratio describebat.

Præterea animadvertimus, vapores hujusmodi haud agre vento obscundare: proque varia ventorum adspiratione in varias quoque illos partes deferri: quo videlicet factum, ut aliquando intra idem terræ spatium, quod egressa e puteo mephitis occuparat, faeces quæ paulo ante exstinguebantur, mox eadem accensæ viverent, subita nimirum venti mutatione, qua mephitis est aliorsum adacta. Hæc ipsa etiam ventorum varietas faciebat, ut quis cum minore discrimine modo ad hoc, modo ad illud puteorum, quibus mephitis erumpebat, marginum latus accederet. Sed & ad habituum istorum differentiam efficacitatis atque virtutis nonnihil etiam qualitas ipsa aëris faciebat: quoniam sicubi tranquillior is atque compressior esset, tum mephitis pariter velut sibi ipsa præsentior, atque constriktor erat, majoremque adeo vim ac potestatem retinebat: quare per noctem, primaque vel luce, vel vespere vigere illæ nocereque plurimum solita: itemque ubi leniter boreas adspiraret: contra vero incitato aëre distraçtoque vel solis ardore, vel australibus ventis, tum nonnullum etiam ex consequenti virium suarum detrimentum mephitis subibat. Universim quæ in apertum agitatumque ventis aërem prodibant, mox vi potestateque nocendi sua excidebant: quæ autem per clausa loca cavaque, ut puta valles, vagarentur, utat ventis essent propulsatæ, tamen non modicum spatium salvis viribus atque integris decurrebant.

Vehementiores quoque mephitum ad manuum quidem sensum plane frigeant: adhibitoque Thermometro, non modica liquoris depressio consecuta est. Verum frigoris hujusce gradus exacte metiri haud equidem proclive fuit: Cum enim isthac tentatio fuerit instituta semel atque iterum per eos dies, quibus sol ardebat vehementior; tum locato quidem instrumento eo in loco, qui solaribus radiis minime pateret, liquor eo conclusus sese facile demittebat:

cum

*cam vero mephitis os soli esset expositum, tum nativa mephitis frigiditas solarium radiorum vi atque energia retundebatur. Rursus illud quoque tentare perreximus, num Barometrum intra mephitis regionem quidquam mutationis ostenderet: cumque ejus rei semel atque iterum periculum fecissemus, nullum in illo sensibilis immutationis indicium deprehendimus. Ad hæc, vesica ad experimentum adscita aëre semiplena, orificioque etiam atque etiam circumligato, nullus ut externo aëri aditus reliquus esset; tum in mephitis fines tractamque efficacissimum insinuata est: at ne illa ipsa quidem ullum sive tumoris, sive depressionis signum edidit. Exhalationes hujusmodi plane omnis humoris expertes esse videbantur, quantum conjectura licebat assequi: sed conjecturam nostram firmavit observatio ususque Hygrometri, quod ad mephitim applicitum, decurso paucorum minorum spatiorum, nihil admodum vicissitudinis passum est.*

*Mephites hæc vitam Fratri cuidam ex Augustiniano-  
rum familia ademerunt; qui vinum hausturus domesticam forte caveam, quam sævissima mephitis occuparat, ignarus atque imprudens subierat: idemque satum alterum etiam ex Fratribus corripuisset, nisi is ope subsidioque tempestivo extractus inde fuisset prope exanimatus. Senex etiam quidam intra vallem pestifera hæc mephitum expiratione completam animo desectus procubuit: sed a Juvene, qui forte erat in vicinia, arreptus, locoque eo pestilenti abactus, sese recepit.*

*Ex ceteris animalibus, præter lacertas, mures, aviculæque, nonnulla etiam oves & capra mephitis sedem ac spatium forte ingressæ interciderunt: nam primo quidem conslernabantur, quasi capitis repentino affectu aliquo correptæ: tum, ubi eo loco diutius restitissent, animam efflabant.*

*Agro etiam non mediocriter nocuerunt. Siquidem non minuta modo herba ac teneriores, verum etiam populi, vites, fici, aliæque his majores arbores primo sensim tabescere atque corrumpi; demum arescere, planeque occidere: vel quod earum radices mortiferis hisce exhalationibus*

bus tacta insectaque essent ; vel quod frondes ipsæ mephitis halitum ferre non possent . Sane in utramque partem argumenta suppetunt : alicubi enim solæ frondes mephitis incursum expositæ acceptam noxam ostentabant ; cum reliqua interim , quæ remota distitaque erant , plantaque omnis reliqua intacta forent atque virescerent : alicubi vero quamvis frondes nulla parte mephitis violasset , tamen planta , occulto malo serpente , jam viriditate omni ac vigore destitui videbatur . Neque tamen id insolens ulli mirandumque fuerit : quando Neapolitanis omnibus exploratum est , in Vesuviano tractu arbores in mediis torrentibus , arte operaque multa diffissis , conseri solitas : proindeque mephitis illa evaporatio vel inde assurgens , vel illac pratervolitans , facili negotio potuerit radices inficere ; earumque postea vitio & contagio cetera planta omnis intercidere .

Aquæ insuper Porticibus , inque vicino agro mephitis pene omnes corruptæ , propterea quod plurima puteorum pars inter Vesuvianos torrentes defossa esset , ex quibus ortum mephitis duxerunt : adeoque qui alibi excavati erant , prorsus labe ista vitioque caruerunt . Aquæ illa potæ , vel potius delibata palatum afficiebant quodam acido , insuavi , acrique sapore : itaque non homines solum , qui præter præsentem molestiam metu etiam majoris incommodi absterrebantur ; sed bruta etiam ipsa ab ea bibenda abhorrebant . Sed enim an potata illa revera vitæ aut valetudini nocitura quidpiam fuissent , affirmare certo non possumus . Est autem cur ad negandum propendeamus , nec temere : primo quod hortorum plantæ aquis hisce diu irrigatæ nullam omnino noxam contraxerunt . Secundo , quod male quis ac perperam sibi persuadeat , anhelitus illos , qui spiritu excepti necant , eosdem cibo potuve admissos tantundem præstituros : quo in genere multa etiam experimenta venenorum non absimilia occurrunt . Eo vel magis , quod in historia Academiae Scientiarum Parisiensis mentio est putei cujusdam Urbis Redonensis dira mephiti correpti ; cujus nihilominus aquæ passim sine ullo periculi metu incolis potarentur .

Cum funesta hæc mephitum effecta manassent in vulgus , metus ac trepidatio oppidanis incessit : ipsæque Neapolis per-

perculsa timore est, ne vitium forte aër lucumque conciperet. Sed vero cum Rex noster Optimus cogitationem consiliumque clementia providentiaque sua dignissimum inisset, ut quæ de Vesuvianis mephitibus vulgata erant atque jactata in re presenti omnia liquidoque cognoscerentur (nimirum ut detrimenti ne quid publica salus caperet; provideret) graviter publica salutis Curatoribus, severeque mandavit, ut, adscitis etiam in consilium observationemque nonnullis medicis, inquirerent omnia diligentissime; seque deinceps eorum, quacunque comperissent, fideliter facerent certiore. Missi e sociis nostris duo, qui cum adpectu operaque sua, tum oppidanorum testationibus deprehenderunt, præter eos, qui vel imprudentia incuriaque sua, vel fato quodam in mephitis fines pedem intulissent, nullum alium quidquam incommodi accepisse: idque integri mensis experientia compertum esse: maxime cum jam mephites deficere in diem viderentur; spemque ad eo facerent, fore, ut brevi penitus evanescerent; quod & eventu probatum est.

Multa tamen ibi de istarum mephitum indole observationibus, multa experimentis intelleximus, quæ ad capitis hujusce coronidem adscribemus. Mephitum vel efficaciam, vel finium modum ardentibus, quas manibus præferebamus, facibus explorare solebamus; quæ ubi mephitis sedem spheramque tetigissent, protinus exstinguebantur, fumumque emittebant, qui mephitis ipsius tractum cursumque sequebatur. In eum igitur locum pullos, pipiones, aliosque ejusmodi aves inferebamus; quæ postquam ibi duo amplius horæ minutu constitissent, vehementioreque anhelitu angorem suum prodidissent, seseque huc atque illuc jactassent, tanquam ex pestilenti claustro excessum affectantes; tum ceu exanimæ corrucebant. Sed si tamen interea productæ in apertum atque innoxium aërem fuissent, sensim recipiebant se, pristinumque salutis statum recuperabant. Sin inibi diutius restitissent, post tertium fere aut quartum omnino horæ minutum, emoriebantur. Atque id quidem ad mediocris efficaciæ mephitum, inque pullis bene habitis, avibusque adultis & validioribus experti sumus. At pipiones bini tenelli, maleque habitæ horæ circiter minuto periere intra



*intra quendam scrobium memoratorum, quo se mephitis per jacentes campos diffusa forte conjecerat: eo videlicet loci, quo vim exhalationum istarum multo remissioreni fuisse oportebat. Animalium enectorum corpora explorata carnem sublividam exhibebant: circaque fauces collectum laticem quendam crassiusculum, salivæ instar. Cumque eadem in canibus quoque tentamina suscepta essent, fere eadem rerum series, idem exitus fuit; nisi quod canes longiorem moriendo traxerint moram. Unus præter ceteros ad mephitis fauces eo loco, quem Trentulam vocari diximus, oborientis statutus est; qui & habitior erat, & ætatem fere mediam præferebat. Is pedibus vinculus, vique adactus verso ad erumpentem mephitim ore manere: post sesquiminutum exsternatus est; adeo ut nulla alia ope ipse per se eodem in loco hæserit, anhelans graviter ac stertens: tum repetito se micu persundit: tandem post septimum ac dimidium horæ minutum extinguitur. Hujus exsecti canis carnes deprehensa omnes sunt livide, tanquam si multis ante diebus extinctus esset: pulmones flaccidi mollesque: cordis ventriculi sanguine emuncti, quo tamen venæ completæ erant ac turgide (1). Ceterum illud de cane isto judicium tulimus; cum, etiam si post quartum minutum eductus inde fuisset, nihilo tamen minus fuisset moriturum: quippe qui secundo, postquam mephitim tetigerat, minuto, gravissima offensæ respirationis, ceterorumque totius corporis motuum indicia præbuisset.*

*Præterea aquarum, quas mephitis infestasset, immersis in eas piscibus, periculum fecimus. Hi quidem satis aperte quam ibi molestiam sentirent, significabant, tum agitando se immaniter atque jactando, tum caput ex aquis, maximeque os, quoad fieri posset, tollendo: quorum tamen nil simile facerent, cum in puram aquam atque intaminatam conjicerentur, Anguilla ac ranæ videbantur præ-*

O

reli-

(1) Caput hoc loco sententia expendenda est. Is Campanellam alucinacionis insinuat, quod dixerit, animalia mephitis æstiatu correpta spumam ex ore emittere. Spumam quidem illa minime ejectionem; Si prospiciam salivam aëre subactam & conquassatam accipiamus. At salivæ laticem sine controversia profundunt: quod autopsia satis compertum nobis est.

*reliquo piscium genere halituum, quibus aqua scatebat, vim diutius sustinere. Sed tamen & anguilla ipse, & lupi, & pisces facile ceteri defecti viribus, supinique, extinctorum instar, jacebant. At siue quod aqua sensim vim ac seminia mephitis exhalaret, siue alia de causa, nullus plane piscium, præter anguillam forte nonnullam (1) ex aqua illa mortem obivit: mox enim, postquam in aquam puram demissi sunt, reviviscere recrearique illis aspeximus. Ipsæ etiam ranulæ recens exclusæ, quæ erant mollitie ac teneritate, cum aquæ venenatæ huic diu inbassissent, speciemque exanimatarum ab ipsis statim initiis exhibuissent; deinceps in aquam aliam inviolatam injectæ, haud ita multo post restituta sunt. Quanquam id minime silauerimus; cum ista experimenta nobis obita sunt, minorem, quam ante, labem ac vitium aquam tenuisse: quippe cum remittere jam tum atque evanescere mephites occupassent. Illa quoque nostros subiit animos dubitatio, num mephitis corruptela solum aquarum superficiem corripuisset, an intimas etiam partes omnes pervassisset. Verum sapor ille insuavis, qui per universam aquam æque diffusus sensum potantium omnino afficiebat, in eam nos persuasionem adduxit, valuisse noxios mephitis halitus totum, quanta esset, aquam permeare (quæ nimirum aëri quoque secundum partem attributa vis est) totamque adeo inficere atque corrumpere.*

*Quod ad labem hanc contagionemque aquarum, nostrarum partium esse putavimus obiter hic animadvertere, ac monere; quod cum persuasum nobis sit, eos dumtaxat puteos, qui cum veterum torrentium stratis affinitatem conspirationemque ullam habebant, vitio huic fuisse obnoxios; ceteros omnes immunes atque integros: ut huic & malo & periculo in reliquum tempus omne occurratur, deceret maxime communionem istam conspirationemque torrentium omnino intercidi. Id vero non aliter, judicio quidem nostro, perfici posse, quam si puteorum parietes ab ora ipsa suprema ad imam usque partem etiam atque etiam incru-*

(1) Nisi tamen alia potius causa, vectionis puta incommo- dum, anguillarum earum interitum maturarit.

crustentur, telctorioque opere obducantur. Cum enim telctorium illud transversum penetrare atque perrumpere mephitis exspiratio certe non possit; spes inde est, futurum, ut novo ejusmodi corruptionis periculo aqua posthac perpetuo exempta sint.

De hoc mephitum genere, quæ Vesuvii incendium exceperunt, quæque paulo post sensim evanuerunt, nullam (quod mireris) a veteribus recentibusve rerum Vesuvianarum scriptoribus factam mentionem invenimus. Nam si quid de mephitibus Vesuvianis Capua scripserit, longe alia illi mens est, diversaque ab re hac nostra tractatio; ut etiam supra notavimus. Sane quidem Dio celeberrima sub Tito deflagrationi pestilentiam Romæ obortam subjicit: at calamitas illa vel nil plane ad Vesuvianam incensationem pertinuit; cum credi vix possit pestilentiam Romæ ex Vesuvii eruptione existitisse, quæ Neapoli (quam scilicet ex tanta propinquitate longe gravioribus cladibus vexatam oportuisset) nulla fuerit: vel si ejus conflagrationis consecutaria fuit (quod videtur hic Auctor innuisse) id, quodcumque est mali, ex cineris potius imbre repetendum est; qui & aquas inficere, & fructus, frugesque (1) corrumpere ac contaminare potuit.

Ipseque etiam Joannes Villanus loco supra laudato (2), cum de Ænarie incendio scribens, tradit multa hominum pecudumque capita ex eodem oppido pestilentia absumpta, corruptaque: cumque addit, pestilentiam hanc duos amplius menses tenuisse; non de mephitibus quidem, quæ conflagrationes quandoque consequuntur (uti hoc tempore consecutæ revera sunt) scripssisse existimandus est: sed usus ille est voce pestilenza, ad eum modum, quo Latini faciunt, quibus vox pestis sæpe est gravior qualiscunque luctuosiorque calamitas.

Ceterum hoc genere, atque hac indole mephites (ut

O 2

ut

(1) Quæ tamen interpretatio ex eo etiam nonnihil vi letur laborare, quod ea conflagratio mense Novembri acciderit; quod ex Dione intelligere licet, atque emendatissimi Plinii Epistolarum codices testantur, utut doctis aliquot criticis secus visum sit. Consule Tillemontii *Annotationem* 4. ad *Vitam Titi*.

(2) cap. 53. libr. 8. *Histor. Florentin.*

ut scriptoribus nostris indictas ) non novas esse , neque peculiare incendii hujus ac proprias , præter rationem ipsam , qua , id ut credamus , adducimur ; luculentissima etiam argumenta tenemus traditionis , qua apud Vesuviani agri incolae vulgata est , & viget : quos inter nonnulli hodieque sunt senes , quorum memoria semel atque iterum id ipsum , secundum magnas montis conflagrationes , usuvenisse animadversum sit .

## CAPUT ULTIMUM

De Vesuvii statu ac forma post novissimam hanc conflagrationem .

**M**ultis in locis jam ante a nobis est traditum , Vesuvium montem varias , easdemque insignes cum mensura , tum formæ mutationes ex coortis in eo frequenter incendiis subisse . Nonnihil etiam novissima hac eruptione mutatus est : qua de re attinet aliquid scribere ad posteritatis maxime monumentum atque usum ; ut si qua posthac in eo monte nova sit futura immutatio , tum præsentem hoc statu cognito , facile , quanta ea forte sit , definire exacteque metiri homines possint .

Ante postremam hanc conflagrationem quo statu formæque Vesuvius esset , nondum exquisitis & fidelibus dimensionibus proditum est . Sane quidem circumferuntur descriptiones ejusmodi bene multæ , sed vix est ut omnem iis fidem adhibeamus . Id affirmare unum tuto possumus , unaque nobiscum Neapolitani omnes confirmabunt : meridionalem Vesuvii verticem , ex quo nempe ignis emittitur , antea longe erectiorem , quam in præsentiarum est , existisse : nec erectiorem modo , sed & magis acuminatum ; talemque ab Urbe prospicientibus tum speciem obtulisse : nunc depressior multo , quasque decurtatus & decussus apparet . Præterea interioris voraginis structura in aliam pla-

plane formam positumque concessit : documentoque ejus rei nobis est , quod nunc fumum , quem mons fere continenter exhalat , non ut ante uno tramite prodire intuemur , collectum compressumque velut in unum truncum : sed videre videmur quinque , sex , aut etiam plura montis emissaria fumum eructare tam diffisis spatiis , ut mane ante ortum solem puro tranquilloque aëre quinque simul , aut sex , aut plures fumi tramites ex illo vertice assurgere prospiciantur : nec nisi in confertioribus exhalationibus , aut validiore vento omnia miscente , fumus permixtus atque confusus unico latioreque tractu desertur . Atque hac quidem ad sensum judiciumque , quod hac de re ferre licet , monte ab Urbe prospecto .

Verum ut singularum illius partium mensuram , quæ institui potuit , accuratissimam , descriptionemque tradamus ; primo monemus , perimetrum , seu radicum extremarum ambitum , quæ maxime pateat , Italicis milliariis circiter quadraginta definiri : pressius autem spectatissime radicibus ad eum modum , ut cuique videantur e circumstante planitie emergere , circuitus hic ad triginta fere milliaria revocari potest . Septentrionalis vertex ad libellam quidem subiecti maris altus est Neapolitanas cannas fere 720 . Meridionalis vero 686 . Hujusce meridionalis verticis recens hiatus , ex quo major ignita materiæ vis effusa est ( quem scilicet hiatus , sive emissarium in historia hac sæpe memoravimus ) ad eandem libellam eminet cannis 552 . Verticem autem istorum juga inter se circiter 340 cannis distant : inferiore vero parte , nempe unde scinditur Vesuvius ac bifurcus attollitur ( quem locum Atrium accolæ appellant ) 150 cannas alter ab altero vertice determinatur .

In supremo meridionali vertice vorago quadam est , sive crater , aut hiatus , figura fere circulari . Oræ ejus , sive extremi ambitus diameter , quæ ferme ab ortu in occidentem magis protenditur , cannis 350 continetur . Pars oræ hujus interior sponda circumscribitur satis projecta , ut imaginem exhibeat ripæ fluminis , ex cujus imis partibus aqua præterfluente continenter arrosis , magna terre vis  
de-

detrahta sit . Orientem versus labrum hoc depressius est ac lenius ; idque excipit ad imam usque voraginem ita conformata declivitas , at inde descensus sit , durior licet & perquam incommodus . Extremitas ista omnis ad eandem fere libellam est ; nisi quod ad occasum nonnulla durissimorum saxorum quasi cristæ erumpunt , illius scilicet materiæ , qua pars torrentium interior constari solet . Totum id chasma atque hiatus est ejus voraginis os , quæ in illius verticis sinum ac viscera se demittit , truncati cujusdam coni figuram imitata , cujus quidem basis major hic hiatus ipse ponatur .

Crateris hujusce parietes ad orientem cinere cooperti omnino sunt : ex cinere autem videas lapides passim assurgere ; circaque eos obscura spiramenta fumum exhalantia ; atque ea de causa ibi scaterre omnia perspicuis sulphuris variorumque salium concretionibus . Hoc illud est orientale latius , quod in voraginis fundum propendet nonnihil & incidit ; atque hinc est ad ima usque aliqualis descensus . Meridiem versus parietes visuntur ingentibus saxorum gradibus distincti : eoque ex latere expiratur ( sane quidem ita se res habebat cum hæc Socio cuidam nostro lustrarentur ) fumus densior ; proindeque major salis ac sulphuris copia ibidem adhaerescit . Meridionalis ejus lateris declivitas orientalis declivitate asperior est , magisque ardua . Ad occasum & septentrionem latera pene ad perpendicularum decisa sunt : quamvis enormes tamen notorum lapidum massæ , ceu immanes rupes hic illic prominent , sulphure tecta atque incrustata , ob ingentem fumi copiam continenter circum emissam .

Fundus ipse barathri hujus nonnihil a meridie ad septentrionem porrigitur . Illius minima longitudo est canarum 50 . Porro cum isthac observatio obiretur , depressa eo loci est aqua pluvia , velut in parvum lacum ad meridiem collecta ; eaque prope dimidium totius fundi occupabat . Aqua hæc & livida erat , & tepida , propeque oras spumosa : sapore autem molesto , sulphureo salinoque . In medio hujus lacusculi fundo aqua duos amplius palmos alta erat : id quod Noster intelligere allaboravit eo conje-

ctis

*Etis ex opportuno tumulo lapidibus nonnullis satis magnis. Lacus hic aggere cinereo, cœu quadam ripa, cingebatur: cinisque ipse luculentis aquæ vestigiis, quæ ex stagno in humiliorem alteram fundi partem decurrerat, seque peritura conjecerat, distinctus erat: alia ergo fundi pars interim plane arebat. Atque hic ipse, qui arebat, fundus nulla certa superficie constabat, sed totus temere scaber, rimosusque; tum sale ac sulphure crocei coloris passim inspersus: in concham desinebat profundiorē inter occidentem, & septentrionem; unde densissimi fumi globi subinde attollentur.*

*Altitudinem voraginis ab ora superiore ad usque imam partem explorare metiri que non licuit; propterea quod nullus forte locus occurrit, quo aptari utque consistere organum ad experimentum necessarium posset. Tamen ut qualis qualis ejus rei conjectura caperetur, hæc ratio inita est. In septentrionali latere, quā nimirum parte prope ad perpendicularum se vorago demittit, captus est locus, ex quo dejectis manu lapidibus nullum fere offendiculum ex prominentium saxorum incurſu posset esse. Exinde saxa prægrandia quinquies projici: atque interim ex adversa ripa tempus notari, quod a lapidis jactu, quousque is fundum ruendo tetigisset, interfueret. Et quidem per omnes eas quinque vices recensitæ sunt arteriæ pulsationes quadraginta; minimo duorum aliquando, triumve ictuum discrimine: cum autem singuli hujusmodi pulsus pro singulis minutis secundis valeant; si quidem feceris lapidis ruentis motum æquabilem atque uniformem (nativam scilicet illius decidentis accelerationem, atque impetum etiam aliquem a projiciente acceptam compensante modico aliquo forte sibi inter labendum oblato offendiculo; quippe cum lapis non, per planum aliquod ad perpendicularum reſectum omnique impedimento liberum deferretur; sed per locum nonnihil devexum ac scabrum) illud enimvero conficietur, voraginē illam a summa ad imam usque partem cannas 84 altam existisse (1). Profecto is, ad cujus arteriam numera-*

(1) Cum exploratum sit, clarissimor. Mariotte & de la Hire præsertim tentaminibus, gravia cum pondere suo deorsum feruntur, primo minuto secundo 14. pedes Parisienses percurrere.

*ti sunt ictus , majorem in modum , ut ad Vesuvii verticem evaderet , connisus erat : anni tempestas calidior : vaporibusque ipsis sulphuratis , qui locum illum plane compleverant , non mediocriter circumambiens aër incaluerat : quæ scilicet omnia in caussa esse poterant , cur in eo homine arteria multo , quam oporteret , celerius ciceretur : ac proinde tempus id , quod inter pulsationes illas effluerit , minime pro singulis minutis secundis haberi debeat . Attamen quod posuerimus saxum ingens impetu deorsum projectum ( quem sane impetum loci conditio ac natura postulabat , ne saxum ante jacentis pedes mox recideret ; atque ut ab rupium incurso , quibus septemtrionalis etiam barathri paries aliqua parte interruptus erat , removeretur ) constanti æquabilitate delatum esse , atque nullam insignis accelerationis , quam inter labendum subire illud oportebat , rationem habuerimus ; hæc inquam omnia efficient , ut tolerabilis hæc supputatio nostra , atque ad geometricæ aequitatis rationem exacta videri possit .*

*Atque ita se vorago illa omnis habebat tum , cum lustrata est (1) . Sed vero minime reticebimus , quas in nostris*

( 1 ) Atque hæc quidem observata sunt mense Septembri ann. 1737. Quo insuper tempore ex ima hujus voraginis parte Echo exaudiebatur , quæ vocem , sonum , strepitumve quemcunque quinquies satis expedite ac diserte reddebat . At mense Octobri hujus anni 1738. cum Regia Domus Porticibus diverfaretur , Excellentissimus D. Josephus de Bak e Marchionibus de Castella , natione Hispanus , Regis nostri a cubiculo , Reginæ Primus eorum Magister , ac Eques Regalis Ordinis S. Januarii , ad hanc rem laboris discriminisque plenam animum adjecit , ut quæ ima hac voragine Vesuviana natura recondidisset , suis ipsius oculis lustraret : quod quidem audax inceptum ei ex sententia successit . Cetera quidem ille eo statu ac forma deprehendit , quæ allatæ narrationi nostræ maxime responderent : præter tamen id , quod lacusculus ille a nobis supra descriptus , in tantum exaruerat , ut eo loci vix lutulentum & madidum cinereum stratum superesset : quod ex eo fortasse fieri potuit , quod Vesuvianus cinis pinguitudinem illam ex recenti conflagratione primum conceptam pene omnem exuerat ; qua nempe maxime oblitus pluvix aquæ ad interiora montis prolapsus alias prohibuisse dicendus est , sed & alicubi fatiscere solum potuerat , rimasque agere , quibus aqua absorberetur . Ad hæc fumus spissior & uberior ex ipsis potius voraginis parietibus , quam ex fundo exspirabatur . Ac tandem ingens illa exorbitantium ad interiorum superumque voraginis hiatus rupium moles ( quas rupes fluminis ripe ad imas partes abrofa



*stris animis cogitationes excitavit pluvialis illius aquæ in stagnum collectæ ( quæ scilicet mense Septembri, post effusos imbres tamen, fundi ejus prope dimidium occupabat ) contemplatio. Profecto tum satis aperte videre nos aquarum ad Vesuvii radices multis in locis emanantium originem visimus: quamque ob rem illæ mineralibus scateant; ut potantibus plerunque conducibiles sint, ac pene pro medicamento. Cum enim os conchæ istius, sive voraginis, pateat Neapolitanos palmos 6' 160000. ( quæ videlicet summa est ex supra positis mensuris utcunque confecta): cumque aqua, quæ per annum in Neapolitanum territorium calo demittitur, plerunque tribus paulo minus palmis (1) alta esse consueverit, fit inde, ut in Vesuvianam hanc concham quotannis aquæ palmi cubici fere (2) 18' 480000. delabantur: cujus etsi magna pars avolat, evaporatque præ loci calore atque aestu; satis tamen superque restabit, ut plerisque puteorum rivorumque ad Vesuvii radices exinde affatim suppeditetur: præter id etiam aquarum, quod per ceteram omnem superficiem Vesuvius exsugere ipse, atque combibere possit, tum in latentes meatus secretaque diverticula derivare (3). Neque vero contra hæc reponatur, cinerem*

P

quo

rosæ supra comparavimus) ex parte ruinam passâ erat, ex parte ruinæ proxima apparebat. Cui maxime interiorum partium conturbationi, ex molibus illis aliter ac antea collocatis profectæ, tribuendum videtur, cur hoc tempore Echo multo quam antea refractor, & incomposita deprehensa sit. In quam tamen rem nonnihil fortasse etiam fumus spissior barathri illius parietes magna vi allambens conferre potuit. Interea inspiciebatur Vesuvii a vertice per medium dissecti deformatio, quam in calce libri exhibuimus: quæ deformatio ea, quæ prima observatione superioris anni detecta sunt, ad faciliorem legentium captum utcunque adumbrat.

(1) Quod Cyrilli observationibus Meteorologicis per decennium factis, atque invicem comparatis compertum est.

(2) Particula fere haud temere apposita est, ex eo etiam, quod cum aquæ guttæ per lineas convergentes in terram illabantur; sane major aquæ copia dato spatio ad maris libellam sito, quam eodem spatio in montis vertice posito excipi intelligitur.

(3) Animadvertere oportet, propositam supputationem locum exacte habere in hodierna crateris Vesuviani structura, quæ postremam hanc conflagrationem consecuta est: antequam autem hæc fierent, poterat negotium paulo aliter accidere, ut patet. Atqui vix tempus ullum exstitisse videtur, quo Vesuviano vertici ad recipiendam continendamque ingentem pluviam aquæ vim locus defuerit,

quo Vesuvii superficies obducta est, imbrem excutere atque abjicere; quod supra diserte docuimus. Nam primo isthac illius tantum cineris conditio est, qui recens ex incendio aliquo delapsus sit: cum videlicet is pinguedine illa, quam saepe diximus, bituminea imbutus est. At aliquo post tempore pinguedine illa, uti rei natura fert, experientiaque admonet, exsiccata & absunta, cogitare possumus cinerem cum, sive arenam reliquarum terrarum indolem atque ingenium induisse: adeoque vel nihil plane, vel certe parum ad retinendam in superficie, arcendamque ab internis partibus aquam, valere. Ad hac, frequentissima in Vesuvio monte sunt spiracula; meatus, inquam, illi, per quos exitus sulphureis halitibus aperitur: quidni ergo per eosdem cuniculos sese aqua insinuet; ut inde obscurus alios tramites nata, ad remotiora montis penetralia & conceptacula deferatur? Quæ cum ita sint, probe intelligimus, quare id genus aqua mineralibus, maximeque salinis, sætæ sint: quique fiat, ut potatæ cum facile trahantur, tum variis humanorum corporum affectionibus prosint: nam & plerumque iis, qui in illam viciniam valetudinis, alteriusve rei gratia se recipiunt, primis ipsis diebus ventrem movere solet. Horum quidem imbrum mineralibus imbutorum, eorundemque per breves cacosque ductus, ritu vulgarium fontium, erumpentium exemplum aliud tenemus insigne ad Vulcani Forum, in tractu Puteolano. Leucogai enim fontes satis celebres (vulgo acqua di Pisciarelli) qui ad montis illius ambugi dorsum, haud ita procul ab Aniano lacu, emanant, ex illa ipsa videlicet aqua sunt, quæ ex pluviis nivibusque in vastam illam interiorem planitiem delapsis, colligitur: quæ sane aqua cum nullum alium exitum habeat; quippe cum locus ille, medius quidem humilis sit & depressus; circum vero rupibus obsitus atque clausus (qualis item Strabonis memoria fuit, a quo dicitur Campus circumquaque inclusus superciliis &c.) cumque magnam etiam vim sulphuris atque aluminis, quibus ea loca scatent, secum ferat; erumpit calidissima ad rupis cujusdam pedem, earum scilicet rupium, quæ Vulcani Forum cingunt,

*Ceterum inter mutationes, quæ Vesuviano tractui ex novissimo hoc incendio acciderunt, recensenda etiam venit publica via, ad orientalem extremam Herculani partem, occupatio ab immani Vesuviana materia torrente profecta; qui se, ut est pluribus verbis ante expositam, co effuderat atque immiserat. Reliquorum annuum hac illacque in campos ac vineas diffusorum haud ita exacta ratio incunda esse videtur, ut super his, quæ Capite primo retulimus, quidquam de iis hoc loco addendum sit.*

*Sed ut ad interceptam ignito fluvio viam, quod dicere instituimus, revertamur; exstat quidem istic terræ tumulus viæ transversus; quæ nunc iter transiitque non esset, nisi tumulus ille nonnihil complanatus deinde fuisset: oraque insuper illius utraque decisa, mollitaque: ac totus is tractus saxis grandioribus, quæ torrens igneus distracta ac fluitantia secum defert, purgatus: nibilo tamen minus a viatoribus ægre adhuc, nec sine molestia ac labore tumulus ille superatur.*

*Atque hic opera hujus nostræ, scribendique modus esset. Sed enim quoniam de torrente meminimus, qui se in ultimum Herculanium, magna ejus loci clade intulerit: qui tamen pari facilitate medium ipsum oppidum, ubi frequentes extructæ domus, adesque splendiores sunt, petere potuisset, omniaque perdere atque vastare: id nobis in memoriam revocavit consilium quoddam, quod nobis torrentium istorum natura, motusque contemplatio suggessit: quæ nimirum animadversione videtur posse agro cuiuspiam, villæ, edificiove ab eorum annuum impetu caveri posse. Sane fluviorum hujusmodi tarditas & cunctatio, nonnullus etiam illorum fluxus, cujus vi in humiliora loca sine magno negotio defleunt, duas nobis rationes suppeditant, quibus locus aliquis ab hac clade prohibeatur. Alter quidem modus est, ut magnum solidumque contra Vesuviam terræ seu murorum munimentum extruatur: præsertim vero contra eam montis partem, unde (spectata loci natura) conjicere liceat, torrentem sibi viam ad ejus regionis perniciem munitum ire. Quod quidem consilium expeditius feliciterque procedet, si præter*

*ista repagula talis terra declivitas paretur, ut torrentis cursum, si forte eo deferri contingat, possit avertere: atque hoc pacto loco illi ab omni hujus mali periculo cautum fortasse in perpetuum fuerit. Altera effugii ratio præsentior atque explicatior est ( cum scilicet quispiam in re præsentis locum aliquem ab irruente flumine igneo incolu- mem velit ) ut tot præsto sint opera, quot intercidendæ viæ, quo forte amnis ille ingreditur, satis esse possint; sive capacibus fossis ante viam ipsam faciendis, sive potius demo- lienda, erucndaque terra tali loco, atque catenus, ut torrens sponte sua in novum alveum deducatur; itaque ab incæpto cursu avocetur, longiusque aberret. Postremo isto consilio usos fuisse constat publica auctoritate ac jussu Neapolitanos in conflagratione anni 1694. adhibitis in eam rem tum e triremibus mancipiis, tum plurima alia multi- tudine ad torrentis, vastitatem multis pagis minitantis, cursum detorquendum: idque ipsum antea Catanensibus quibusdam in mentem venisse in Ætnæa incensione anni 1669. ut loca nonnulla imminenti cladi subducerent, tradi- dit Borellius (1): additque, hoc illis haud difficile existis- se,*

(1) Cap. IV. Tandem cum propè Urbem Catana ignita materia perve- nisset, tunc quidem necessitate urgente, non desuere, qui artificialibus operibus, & machinis salutem, & incolumitatem sibi quærendam esse cen- serent. Hi fuerunt D. Xaverius Musumeci ingenio, & doctrina conspicuus, D. Didacus Pappalardus equestris ordinis Hierosolymitani Presbyter, D. Hyacinthus Platania insignis Pictor, & alii, qui suspicati sunt non fore impos- sibile, ut adhibitis machinis, & obiectis molibus, posset cursus illius vasti torrentis igniti deviari ab incæpto itinere, ne intra Urbem tam illustrem proflueret. Et omnium primo D. Pappalardus prope Malpassum incredibili ausu perforavit torrentem saxum versus ejus originem occidentalem infra novam voraginem: is enim jussit, ut malleis ingentibus percuterentur, & vincinis ferreis traherentur saxæ aliquæ torrentis moles collaterales; & quia diu ministri in loco calidissimo absque suffocationis periculo non pote- rant perdurare, licet pellibus tegerentur, ideo alii continenter ad opus succedebant, terebrando saxum acervum; quousque pervenerunt ad in- ternam profuvii partem torridam, candentem, fluidamque, quæ è cunicu- lo nuper adaptato eruckavit, effluxitque transversali itinere, & sic per- severavit per notabile spatium; & potuisset proculdubio ulterius transpor- tari, nisi operarii impediti, ac prohibiti fuissent, ne alterius torrentem ignitum diverterent.

*Et postquam profuvium prædictum muros, atque propugnacula Urbis, Ca-*

*se, vel perforato externa torrentis crusta latere, ex quo interior materia mollis adhuc & fluxa effunderetur, atque a pristino itinere decurreret: vel terræ, lapidumque aggeribus ignito agmini objectis; qui profecto vim illius coercere, & impetum retardare valuerunt.*

*Minime tamen siluerimus, consilium hoc a nobis prolatum tum solum locum habiturum, cum torrens igneus jam planitiem attigerit: scilicet cum in eum locum adductus sit, ut in præceptis deorsum ruendi neque virium satis, neque opportunitatis habere videatur. Nam alioquin neque consilia hæc nostra, neque cogitata alia quæcunque satis profutura intelligimus, & profitemur: cum a Bovellio quoque proditum teneamus, Aetnæum torrentem magno impetu ac prope furore delatum, vel cliuam quandam, in quem fortassis incurrerat, transversum penetrasse, planeque perforasse: forte quia clivus is ex saxis terræque male compactis, utpote incomposita & extemporanea incendiorum concretionem, montisque ejus vomitione, coaluerat. Sed hoc ipsum si posueris, haud leve quidem potestatis ejus atque impetus indicium fuerit.*

*Porro animadversionem hanc nostram, consiliumque architectonicum non unus forte ridebit; quod nempe id sit hujusmodi, ut vel rite perfici nullo modo possit; vel contra cuius facile in animum incidere; modo is facultatem ejus perficiendi habeat: propterea minime illud quidem dignum, cujus in hoc commentario mentio ratioque haberetur. Verum cum nos reputaremus animo & Bovellium audax hoc quorundam Catanensium cogitatum vulgasse satis studiose atque de industria; eundemque prosperos ejus audaciæ exitus tradidisse: & simile quoque consilium Neapolitanis nonnullis sub finem superioris sæculi fuisse susceptum; visa est nobis illius hoc loco recordatio non opportuna modo, sed etiam necessaria: quippe*

*Catane superavit, tunc novo artificio obviam ruinæ itum est: opponebantur enim torrenti ignito aggeres ex ruderibus domorum, & saxis coacervati, qui optimè cursum ejus sistebant, & versus mare flebant: ubi tandem excurrendo ingens promontorium ambitus unius miliaris intra mare ad Urbis conspectum coacervatis,*

quippe quæ cum exteris facile hominibus non injucunda ,  
 tum nostratibus etiam fortasse aliquando salutaris esse  
 possit : idque jam nunc libentius fecimus , quod dicitur  
 ælissimus Rex noster , ad exædificandam in Porticuum  
 tractu Regiam Villam , captus illius domicilii salubritate  
 atque amenitate animum adjecisse ; futuram scilicet il-  
 lam tum nobilis illius amenæque oræ decus & ornamen-  
 tum , tum regio laxando animo voluptarium diverticu-  
 lum . Cujus etiam rei contemplatio fecit , ut cum de Me-  
 phitibus post incendium hoc nonnullis in locis circa Vesuvii  
 radices , magno aquarum malo , obortis scriberemus ; ausi  
 simus modum quendam præferre tradereque , quo facile pos-  
 sint aquæ in reliquum tempus hujusmodi luis periculo pro-  
 hiberi : nimirum interiore parietum facie ( per quam sci-  
 licet , ut observationibus intelleximus , videtur pestilen-  
 tibus ejusmodi halitibus in puteos ipsos aditus patçfieri )  
 incrustata diligenter , atque inducta : quæ omnia vi. hujus  
 Commentarii Capite plenius tractata reperientur .

F I N I S .

VESTIGII PROSPECTIS EX AEDIBUS REGIIS



1. Atrium inter Mendiculae quae ignis  
 2. Venerunt hinc Septemtrionaliter in Mons. Summae  
 3. Venerunt Septemtrionaliter inquit in arundinibus  
 4. Collis inter utrumque verticem inquit Atrium  
 5. Venerunt inquit inquit inquit inquit  
 6. Primum inquit inquit inquit inquit

7. Inquit inquit inquit inquit inquit  
 8. Inquit inquit inquit inquit inquit  
 9. Collis inquit inquit inquit inquit inquit  
 10. S. Mariae Apollinaris templum  
 11. Retia  
 12. Partium


13. Lencopetra  
 14. S. Sebastiani vicus  
 15. Marci vicus  
 16. Trichleia vicus  
 17. Barro vicus  
 18. Terchium vicus

19. Apex novi operis ad arae munimentum  
 20. Turres inquit inquit  
 21. Schethi vicus inquit inquit  
 22. Vicus inquit inquit inquit inquit  
 23. Neapolitanum Crateris pars  
 24. Turris inquit inquit inquit inquit





VESUVIUS A VERTICE DISSECTUS



1. Vertex ignarius.

2. Crater, sive vorago suprema, qualis post novissimam conflagrationem visitur.

3. Orientalis mollior clivus, qua in crateris fundum descensus est.

4. Clivus occidentalis praeruptus et inaccessus.

5. Interior crateris facies torrida, saxisque pendentibus obstrata.

6. Crateris fundus partim impervius, ut pluviam aquam facile contineat: partim rimis fistulisque interruptus fumum fere perpetuo exspirantibus.

7. Vertex alter septentrionalis.

8. Rupes septentrionalis igniarium verticem ex parte circumambientes.



ut plu-  
partim  
iumum

verticem